





T. V. h. 30.



BIBLIOTHECA CLERR. REGG. S. PAULI

COLL. SS. BLASII ET CAROLI DE URBE

PLUT. *Kk*. LOCULUS *V*. NUM.

IOAN. PAPO.
NIS CROZETII,
FORENSIS PRO-
VINCIAE IV.
DICIS,

IN SEXTVM DECALOGI
PRAECEPTVM, NON
MOECHABERIS.

LIBRI III.

*

*Huius volumini annexum est opusculum
s. Gregorij Batavi, epi, de fide et*



Philothaeus Collegii sancti Pauli in Colonia

A LYON,
PAR IEAN DE TOVRNES.
M. D. LII.

Cum Priuilegio ad triennium.



Extrait du Priuilege.



Il est deffendu à tous Imprimeurs & Libraires de ce Royaume de non imprimer ne faire imprimer, ny exposer en vente ce present liure intitulé *Ioan. Paponis Crozetij, Forensis Prouincia Iudicii, in sextum Decalogi præceptum, Non machaberis, libri 1. 1. 1.* Jusques au bout & terme de trois ans, venans ensuiuans & consecutifs, commençans du iour & date du Priuilege, & ce, sus peine de confiscation & d'amende arbitraire, comme plus amplemēt est contenu audit Priuilege sus ce ottroyé, & donné à Paris le second iour d'Auril mille cinq cens. cinquante & vn, auant Pasques.

PAR I E A N D E T O U R N E S

Viro clarissimo Claudio Vrfæo,
 INTER MILITES TOR-
 quatos meritisimo, Galliarum principum guber-
 natori, Regis cubiculario & consiliario, Foren-
 sisq; provincie præfecto, Ioannes Papon eiusdem
 provincie Iudex & Suppræfectus S.



ODESTIAE partes
 aliquot, quæ publicam ho-
 nestatem referre magis
 videbatur, tractaturo mi-
 hi tu vnus, vir integerrime,
 occurristi, cuius exem-
 plo, si qua inter humanas
 alia re, negotium profus
 & in omnes suas partes
 poterat absolui. Cum tu

etenim & in dicendo & in peragendo, singulari quadam sæ-
 licitate, ceteros, quos nouerim, antecellas, nullus erat scribendi
 futurus exitus, si cuncta ea modestie officia, quæ tu vnus præ-
 stantissimè refers, attingere & excurrere instituissem: sed cùm
 forensia negotia, quæ iure tuo hîc peraguntur, eâ me necessitate
 constringunt in officij religionem, ut temporis ratio mihi libera
 non sit: cumq; aut totum eo sit producendum, aut si aliquid
 licet suffurari, id, quicquid est, rei domesticæ impendi pium est:
 visum fuit modestiæ huius illa tantum officia persequi, quæ
 magis in usu sunt, quibusq; hodie vulgò declinatur. Perpa-
 rum est: sed quale quale est, sanctorum horum dierum, quibus
 institutum fuit, opus est, legitimè tibi exhibendum homini am-
 plissimo & modestissimo ab homine tibi dediuissimo, cuiq; mi-
 nificè obseruantissimo. Putavi itaq; me secundum officium esse

facturum, ut qui te plurimum & obseruare & colere, præcipueq; in honore habere debeo, nullum alium operis huius patronum, quam te ipsum mihi deligam: confido autem te aquo animo suscepturum clientelam meam, præsertim in causa tua summæ virtutis amplissimæq; dignitatis propria & honorifica. Præclara sunt & excelsa, quæ in te obseruata sunt, quæ reticere & non reuereri nemo potest, ut tu, à Rege nostro ex pluribus delectus vnus in concilijs vniuersalis negotium eam prudentiam, diligentiam, industriamq; tam fæliciter exhibueris, ut in laudem maximam non sensim, sed virtutis impetu, non apud tuos tantum, sed apud extraneos prouectus sis. Nam cum huius concilij habendi causa multa iusta & graues viderentur, suaserat spes fructus & commodorum, quæ ex eo expectanda fuerunt, ut singuli Christiana reip. principes conuenerent: cumq; inter hos insigniter & præter alios eluceret Rex noster Christianissimus, æquum fuit & necessarium, ut huius vices ab eo, qui cum ingenti delectu dignus esset inuentus, referrentur. Tu tanto negotio dignus & ad id legatus spem, quæ initio suscepta fuit, non tantum confirmasti, sed accessione locupletasti in communes utilitates, quam in priuatis propensior, consilijq; dexteritate & rerum successu fælix. Tum, apud summum Pontificem Paul. 111. legatus adeo dextera prouidentia res, quæ in manu tua fuerunt, tractasti: ut euentu tam secundo regem regnumq; ipsum totum maximè commoueris, & ea causa in te omnium ora conuersa sunt, nemoq; non est virtutem tuam & fortunam demiratus. Etenim eiusmodi fuerunt tempora & ea impendebant negotia, ut si vnquam aliàs, tunc maximè & vigilans & prudens consilium fuit desideratum: te quoq; legato idem summus Pontif. (quem viuum tuo ductu tranquillum habueramus) decessit. Cum successore autem tandiu placide actum est, quandiu Roma fuisti: te
verò

verò inde profecto, confestim bellum in Regem, & alios quos-
dam, qui fidem eius sequebantur, ut propere commotum est &
acerbe denunciatum, ita & grauius susceptum. Constant hic
omnium sententiæ id leuiori causa euenisse, quàm personæ san-
ctitas ferebat: remq; idcirco tempore cognitam restituî cœpisse,
& ab armis, ut æquum fuit, sensim discedi. In summa, tu eo le-
gationis munere ita ubiq; functus es: ut non tantum honoris di-
gnitate (qua nemo etate nostra ad regis auctoritatem & lau-
dem, propius accedere visus est: idq; magno rerum tuarum
dispendio) sed fide, prudentia & diligentia principi illi præ-
clare satisfeceris. Quæ illi ingenuè comperta sunt, cum apud
eum vsq; eo valuerit tui animi magnitudo, ut te nihil cogitan-
tem, ac ne forsan cupientem quidem, in Torquatorum militum
sacrum ordinem præter omnem expectationem tuam coopra-
uerit, & adhuc in Italia agentem torque isto aureo Romam
præmisso honorarit. Adiecit & huic summo honori alium
proculdubio omnium maximum: cum etenim filijs genèra-
lissimis immensaq; spei principibus nihil haberet carius, eo-
rumq; educandorum & instituendorum rationi, paterna af-
fectione deferret, te tam multarum rerum peritum, & in
tanta negotiorum grauitate expertum, in locum demortui mo-
deratoris optauit: qui istorum principum etati temperares.
Circumspexit rex, quid viri sis, quàm mira sit paucitas id ge-
nus hominum, tum & quàm diligenter, cauè, modeste mune-
ri isti grauiſſimo inuigilandum esset. Nouerat denuo non com-
muni prudentia periclitari remp. si in eo esset erratum: cùm
principibus, ut censuit Placo, bene malèue institutis, eodem
modo rempub. ipsam tractari contingat, quo principes affecti
sunt. Crates solebat summo vitio taxare eos, qui rem faciunt
diligentissimo diuitiarum congestu, filiorum verò, quorum gra-
tia id agitur, curam nihil agunt: eosq; volebat conferri luxuri-

deditis, qui vestimenti curam tantum habent, corporis nullam
prorsus. Nemo nescit, etiam mediocriter expertus, quantum pe-
riculi ea res afferat: cum, etiam si res bene cedat, sollicitudi-
nis & curarum plena sit: quod si male, erumnarum nullus
est modus. Cæca etenim res est sine disciplina, natura, & sicut
in agrorum cultura bonam imprimis tellurem esse oportet, tum
serendi peritum agricolam, ad hac optima semina: sic ubi
naturam præexcellentem istorum principum nactus es, tu
moderator ad instar rerum rusticarum callidissimi agricola,
institutionum ac morum ingenuorum semina poteris confer-
re ea, quæ in promptu habes: fietq̃, ut tibi ingentem felicita-
tem & fauorem diuinum gratulemur, cui singula hæc Deus
non parçe contulit. fama traditum est, multusq̃ vulgi sermo
fuit, quosdam proceres aulicos per gratiam & sollicitam con-
tentionem ad id munus excipiendum accurrisse, habuisseq̃
plures classici & gratiosos, qui digitum tollerent & fauore
adessent. Sed in causa tantopere commendata aequissimus
Rex principum & reipub. partes clementissimè suscepit: &
omnium ratione ad dignitatem, laudem, & reip. utilitatem
intra, te vnicum plurimum principum educatorem & institu-
torem elegit, & nondum ex Italia nobis redditum. Noluit
gratia & fauori imprudentius deferre in re tum ardua, pru-
dentissimeq̃ rem egit: Nam, ut Plutarchi consilium est, eius-
modi negotia extra gratiam amicorum absoluenda sunt. Ille
enim eos, qui rogantium fauore filios tradunt vnicunque edu-
candos, apte confert his, qui ægrotis, salutifero medico præter-
misso, impericos arcessunt in laborantis perniciem, ut horum
gratiam ineant. Cumq̃ reuera præter omnem opinionem
tuam id munus sit tibi ultro delatum nihil ambient, mode-
stia tamen fide & integritate apud omnes commendatissimo,
tibi eo nomine magis benedicendum est: regi^{q̃} maior laus
astruenda

astruenda, quod in eo negotio satis docuerit, quantopere istis principibus & reip. consultum ac prouisum velit, te ad id committendo, quo in rep. nihil aliud erat magis obseruandum. Sibi enim rectissimè constituit maximum omnium, longeq. præcipuum esse, habere principem ab infanciam exactè institutum, doctum, & probis moribus educatum: ad idq. patris sollicitudinem eam esse potiore, ut curet præficere eos, qui frugi sint, & quorum vita nequam aut impura non sit, sed sint mores inculpati, modestia cognita, & optimum experientium. Leonides Alexandri educator quibusdam eum vitijs imbuere, quæ robustum quoque & iam maximum regem ab illa institutione puerili sunt prosecuta. Phœnix apud Homerum integer, modestus, factorum & verborum prudentissimus à Pelœo principe Achilli filio educando præfectus est: ut ei pariter dicendi & faciendi ductor esset, atque magister. Ciri Regis virtutes quas mirari magis, quàm satis laudare possis, educatio sola produxit. Natura etenim id habet peculiare & liberius permittit, ut tales efficiamur, qualis fuit educatio: & paranda virtutis instrumenta præcipua sint, disciplina, doctrina, consuetudo, vitæq. institutio. In rem hanc extat Licurgi cautio, qui duos catulos ex iisdem parentibus natos dissimili more substituit, palamq. probauit dissimiles factos esse, vnum ad cursum, sagacitatem, indaginem, & venationem: alterum corruptum ad ollam, helluationem, & ingluuiem. Tu igitur in summa nimirum sælix es, cui & fortuna & virtus tam clementer deferri voluit. Nouissimè & didicimus te sacri consilij, iureiurando regi præstito, consiliarium creatum esse, cum magno honore, cum & maiori occasione ex tua in tot negotijs perspecta rerum omnium peritia. Tandem, ut finiam, te Præsidem nostrum iustum & grauem per Deum immortalem, unde tua ista omnia secunda producta sunt, ut & tu proficeris,
exoro,

exoro, ut istam tuam mentem, tot sapientiae thesauris refer-
tam, ad publici boni notam conferas, nosq; non deseras: quod
cum praestiteris, hac certe via apud Deum, ingentem gratiam
consecuturus es, apud homines laudem: Deum verò ipsum, ut
omnia tua vota secundet, adiuvet, regat, adaugeat, possumusq;
nos, qui toti tui sumus, & tuo nomini, fame, honoriq;
prorsus dediti videre & sentire fortunam tuam
in dies incrementem: quam ego neq; silen-
tio regi, aut mutam esse permissu-
rus sum, si nouero hoc, quic-
quid est operis tu-
mulcularij, tibi
gratum
esse.

Bene vale. Mon-
tibris.

IOAN. PAPO.
 NIS CROZETII
 IN SEXTVM DECA-
 LOGI PRAECEPTVM,
 NON MOECHA-
 BERIS,
 PRAEFATIO.



INTER initia rerum,
 primoq; sæculo, sum-
 mus ille naturæ prin-
 ceptus, autórque Deus
 Opt. Max. cū cœlum
 & terram procreasset,
 terramq; vacuā, post-
 quam Sole & Luna
 illuxit, aquis, plantis,
 et feris oppleuisset, ho-

minem eduxit de limo terræ. Quo in negotio ea ma-
 ximè voluit esse præcipua, vt cum cætera animantia
 iusserit tantum è terra produci, hominem ipse singu-
 lari decreto voluit formari ad imaginem & similitu-
 dinem suam: quæ facilè omnium animantium for-
 mam vincit pulchritudine, excellentia, & virtute qua-
 dam potentiaq; diuina contra sœuissimas maximasq;
 ferarum: quæ, vt a Plinio magis aptè scriptum est, quàm
 cognitum hominem etiam antea nusquam visum in-
 cipiant timere, statimq; intelligere, cur timere debeant.
 Tum, spirauit Deus in faciem hominis spiraculum
 vitæ. Cū enim corpus è terrena materia tanquam

*Hominis
procreatio.*

*Humana
forma digni-
tati.*

*Anima crea-
tio.*

Vas & receptaculum compositum esset, in id animam
 caelestem & diuinam conclusit : idq; est vitae spiracu-
 lum, quod dominus insufflauit, quod semper in ipso
 fuit, ab eo exijt, & ad ipsum reuerti aptum est: corpus
 verò vt à terra profectum, terrae redditur. Denuo ho-
 mini terram & omnia, quae mouentur super eam,
 subiecit. Cum enim caetera aliorum causa generata
 sint, vt fruges, fructus, animantium causa, animantes
 hominum causa creauit vario munere: equum & as-
 num vehendi causa, bouem arandi, canem obseruan-
 di & venandi. Hominem ipsum caeli quadam co-
 gnatione solum erexit ad Dei notitiam & contem-
 plationem supernorum. Curae postremo maximae
 eum habuit, alioqui vagum & adeo contumacem &
 praeposterum, vt neque ad officium, neque ad religio-
 nem natura; aut vlllo alio modo confirmari potue-
 rit: quinimo, quantoplus cumulabatur diuinis bene-
 ficijs, crescebatq; numero, tantomagis luxuria efflu-
 xit, recruditq; vetere malitia. Quae causa fuit, vt eo-
 iam ad plura millia aucto, per diluuium deleta, no-
 uam Dominus, poenitentia huius primae proles, per
 Noë reseruata protulerit. Illa, cum in plures fami-
 lias & numerum planè infinitum, secundum ea, quae
 iusto Abraham erant benedicta, excreuisset, & ali-
 quot annos seruitutis iugum pars destinata excepisset,
 demum è domo seruitutis & terra aliena manu
 Domini stratagemate portentoso educta est. Sic re-
 dempta & à domino pluris habita; cum diuinis ser-
 monibus frustra edoceretur per Mosem, videreturq;
 malè morigera & dura ceruicis, cum praesertim bene-
 ficiorum recentium oblita contra duces suos identi-
 dem

*Hominis
 causa cate-
 ra creata.*

*Hominis na-
 turalis con-
 sumacia.*

*Diluuium
 vniuersale
 ad nouam
 prolem.*

*Legum necessitas.**Decalogus.**Leges decalogi religionis.**Religio quā necessaria et efficax.**Leges decalogi civiles.*

dem ferociret, Visum est Domino expedire, ut plebs rudis & inculta scriptis legibus constabiliretur: sanè futurum esse, ut eo tanquam fomēto defœuaret, quod inde sui notitia magis procedat, secundum id Prophetæ: Constitue domine legislatorem super eos, ut sciant gentes, quia homines sunt. Nempe Mosis datæ sunt à Domino leges infinitæ, iussumq; ut eas publicaret, ederetq; populo. Has denuò summam in decem præcepta circumscripsit (idq; compendium, quo illæ comprehensæ sunt, decalogus dictus est) viuâq; voce Dominus edixit, & in lapideas tabulas describi iussit in perpetuū & certum omnibus testimonium. Prioribus tribus præceptis, quæ sunt, Non habebis Deos alienos, Non assumes nomen Dei tui in vanum, Diem sabbati sanctifices, religionis ratio descripta est: ut significaret Dominus sine religionē cætera nihili fieri: & opes, honores, dignitates, potentiam, sapientiam, & prorsus alias res nullo loco numerari, & pro stercore haberi: salutem denique animæ periclitari, frustra q; nos acturos quicquid enitmur, siue in negotijs priuatis, siue publicis, si Deus curam nostri nō agat, si alium Deum fictitiū queramus. Huic enim soli toto corde fidendum, qui viget, qui præuidet, qui regit, qui moderatur, qui æternus, qui non creatus neque finiturus est, qui dixit. Ego sum Dominus Deus tuus fortis, zelotes, visitans iniquitatem patrum in filios in tertiam & quartam generationem eorum, qui oderunt me, & faciens misericordiam in millia his, qui diligunt me & custodiunt præcepta mea. Cætera septem præcepta ad ciuiles mores præscripta sunt: ut, Honora patrem & matrem. Non occides. Non

*Legis, Non
mœchaberis
efficacia.*

*Adulteriū
nullum ferē
impunitum.*

*Modestia
sub præcepto
nō mœchab.*

*Adulteriū
fpirituale.*

mœchaberis. Furtum non facies. Contra proximum falsò non testificaberis. Non concupisces domum proximi tui. Non desiderabis vxorem eius, non seruum, non ancillam, non asinum, nec alia, quæ illius sunt. Quorum nullum aliud mihi videtur maius, aut amplius, quàm illud, quod ordine sextum est, Non mœchaberis : quandoquidem nullum est, quo magis Domini gratiam possimus mereri, obtinere, & conseruare : & vicissim, si prauaricemur, neq; velimus id sequi, alia offensa non æquè domini iram commereri & sentire possimus. Castitatem enim & mundici-
tiam imprimis ille teneri vult, nec adulterium, spurciciem, aut luxum ferre potest, neque adhuc reliquit impunitum eum, qui eo mali genere lapsus est : testimonium promptum est diluuij vniuersalis vsque ad Noë & eius familiam : Quotidianum singulorum circa id delirantium, quorum nullum tibi proponas à vindicta diuina abijsse immunem : alius enim ludibrio publico, alius valetudine, alius pauperie horribili, alius supplicio aut diuino, aut humano cæteros debuerunt admonere, quantum seuerus sit dominus circa leges suas, qui dixit, Ecce ego mitto Hiesabel in lectum : Qui mœchantur cum ea in tribulatione maxima erunt. Hoc præceptum omnem viuendi modestiam & publicam honestatem statuit, & sub eo cætera commodè tractari & comprehendi possunt. Nam vt dicit Iacob, qui dixit, non mœchaberis, dixit, non occides : & Augusti. sub præcepto hoc non mœchaberis, inquit, primum implicuit, Non habebis deos alienos : vt non solum mœchari dicatur, qui libidinem implet, sed & qui simulacrum facit & idolum colit,
sitq;

fitq; diuortij causa iustissima, vt adulterium. Eo lapsu Salomon à domino diuertit, & ad idola conuersus vtroque mœchatus est. Vidit prœuaricatrix Iuda soror eius, quia pro eo quod mœchata esset aduersatrix Israël dimississimam eam dicit dominus: & paulò post, Et mœchata est cum lapide & ligno, id est cum idolis: quod adulterium spirituale est, vt in cap. non solum. 28. q. 1.

MODESTIA etenim, quæ hac diuina lege indicta est, latissimè patet. hanc Græci vocant σωφροσύνη, vt cupiditatum moderationem. Illa profert partes maximas: quas, consultore Tullio, sequemur, si nimias libidines honoris, pecuniæ, similibumq; rerum repellamus: si vnuamquamque rem certo naturæ termino præscribamus: si denique, quod cuique satis est, & pro modo singula statuamus. Habet illa cum temperantia id commune, vt sit, eodem dictante, rationis in libidinem, atque in alios non rectos impetus animi firma & moderata dominatio. Exhibet continentiam, clementiam, abstinentiam, & postremò stabilem auctoritatem comparat. Hanc quidam diuinam vocant, vt Claudius Poëta: Isteus eius officia diuina dicit. Alij virginalē: alij æquam: alij virtutem absolutissimam dixerunt. Inter omnes hæcenus conuenit hanc esse solam rectè & officiosè viuendi rationem. Aristoteles lib. ij. magnorum moral. cap. primo & secundo, hanc cum æquitate confert: præfert autem in eo, quòd quum æquitate & modestia legis iussu moderemur, aut diminuamus iudicando: modestiæ officio à legislatore ommissa expendimus, & quæ suppleri possunt dictamus: quicq; talia cognoscit, modestus est: qui verò

Modestia cōmendatio.

Modestia ex Aristotele.

agit, modestus & æquus est. Idem Ethicorum libros decem conscripsit, Politicorum octo, Oeconomicorum duos, & magnorum moralium totidem: in hisq; humanæ vitæ rationem, tam circa publicas functiones, & ordinem politicæ disciplinæ, quàm familiarem ritum & æconomicum expressit: moresq; docuit, qui deceant, & qui non deceant, quæ pars ethica fuit: adeo, ut siue de indecenti vitando, aut voluptate coercenda agatur, siue de honesto deligendo, nihil omisisse videatur. Quo in opere cum nihil aliud magis egerit, quàm certissimis formulis & facie quadam speculari virtutem & honestatem exhibere, Id obtinuit suo ordine evolutis modestiæ partibus. Cicero de suis Philosophiæ libris tres officiorum argumento dedit, quibus visus est cuilibet detraxisse confusè & incontinententer viuendi voluntatem, vtile, honestum, decorum, & alia laudabilia cum repugnantibus conferendo: nulla tamen re id magis assecutus est, quàm modestiæ identidem commendatione: quæ certè ab officij significatione non mihi videtur longius abesse. Hoc enim ab efficiendo dictum rectè Grammatici sentiunt, ea causa, quòd quærat, quid vnumquemque efficere conueniat pro conditione personæ. Et in bonam partem, ut dicunt, semper profertur, ut apud Terent. in And.

*Modestia ex
Cicerone.*

officiū quid.

Hæc ego putabam esse omnia humani ingenij

Manſuetiſq; animi officia.

Cicero apertius de finibus bono, & malo. Est, inquit, officium, quod ita factum est, ut eius facti ratio probabilis reddi possit. Et paulò post. Quod autem ratione actum est, id officium appellamus. Nemo negabit

gabit quasdam esse iniurias, quæ ab his, qui recipiunt, *Modestia amplior officio.*
 honestè dissimulari non possunt, cum aut honori,
 aut famæ detractum est: fiet igitur, ut vindictæ ratio
 probari possit, officiumq; dicatur expeditum, qui ultus
 est: consilio Platonis, qui lege docuit iniuriam neque
 ferendam, neque inferendam, & ad id sunt verius
 Moschionis antiqui Poëtæ,

Iniuriam verò sibi illatam sustinere

Omnium esse maximum inter homines onus.

Modestia erit in eo commendatior, quòd soleat ferre & tegere incommoda, iniurias, contumelias. Vir enim modestus, sapiens & cordatus nulla iniuria perturbatur, cum illam inferre turpe sit, pati autem modestum. Quemadmodum enim, ut dissierit Aristotel. primo Oeconomicorum, quædam artes distinguuntur, nec est eiusdem fecisse, ac factò uti: ut qui liram ac fistulas componit, canendi sæpe imperitus est. Tum ut differre videtur cantus ipse exauditus ab arte musicæ: oratio bene culta à rhetorica ipsa: iudicium legitimum à lege: Sic officium à modestia: quòd illud sit factum secundum modestiæ regulas expeditum: hæc verò speculum sit rectè viuendi: hæc facies picta, unde facta honesta constituuntur: formula præscribitur, unde modus viuendi exquirendus est: Illiberalitas, probrium, turpitudine, indignitas comprimuntur: & ex Varronis sententia, non is optimè vixisse dicendus est, qui diutissimè vixit, sed qui modestissimè. Illa enim à modo denominata est, qui rerum omnium utilissimum omnium iudicio est: eoq; in omni negotio. utendum, cum præsertim, ut de officio scripsit Tullius, prorsus nihil est, neque publicis, neque priuatis,

Modestia quo differat ab officio.

Modus ad modestiam.

*Modestiam
etiam sauis
adhiberi.*

tis, neq; forensibus in rebus, neque si tecum agas, neq; si cum altero contrahas, quod illo vacare possit: in eoq; colendo sita est vitæ honestas, & in negligendo turpitudine. In summa actus humani nulli sunt, qui certo velut modulo non concludantur. Suus cuique rei modus est: etsi de cædendis hostibus agatur, aut atrocius quid fiat iuregentium introductum, natura tamen dicat id modestia non vacare. & in omnibus, ut laudabile est definitè, modèstè, continenter, sobriè agere. Ita spurcū, dedecorum, & traductione dignum, effusè, intemperanter, & extra modum diffuere & luxuriari. quod his versibus eleganter & succinctè descriptum est:

Miscuit omne nefas, quem nulla modestia terret,

Optati compos dum studet esse sui.

Non decus auerit, non lex, diuināq; potestas:

Egit precipitem cæcus ad omne furor.

*Modestiam
nam habet
voluptas.*

Hoc nempe sexto præcepto, Non mœchaberis, conclusa est naturæ modestia & honestas, quæ in humanis negotijs, tam voluptuarijs, quàm cæteris, siue in factis, siue in dictis, & summatim in omni parte vitæ colenda est. Quod si aliqui se ab huius regulis effugerunt, luxuriari propriè dicuntur, & profusio id genus, luxus denominatur: factumq; inde productum ut falsum, & non secundum legem adulterinum dicimus: quemadmodum & clauem adulterinam, nummos adulterinos, ut Cicero, Adulterinos, inquit, nummos accipit imprudens pro bonis. Adulterat item, qui arte rem sinceram corrumpit, ut idem in Lelio, simulatio, inquit, vitiosa tollit iudicium veri, idq; adulterat. In specie, etiam si corporis voluptas non satis digna sit

*Adulteri-
num pro fal-
so.*

fit

fit hominis præstantia, cuius supra mentionem fecimus, eamq; si non reijci, at certè contemni deceat, concedamus attamen voluptati aliquid esse tribuendum, *voluptas* nemo certe erit, qui neget eius fruendæ modum esse *modestia* tenendum, causamq; non abiiciendam, quæ nos impellat ad coniunctionem appetendam, vt procreandi, familiam & nomen conseruandi: Idq; continenter, pudicè, & cum ritu nuptiali à iure gentium constituto, retentaq; in voluptate modestia & certitudine coniugij: alioqui, si promiscuè fluimus mollitia, & in incertum appetitu obruimur, nihil erit, quod possit inter nos & beluam interesse. Absolutorium est ex lege diuina, vt qui cœlibatum sequi nolint, matrimonio, non voluptati, obligentur: cauereq; debent intemperantiam, & meminisse modestiæ, verecundiæ, & honesti: alioqui mœchantur contra Deum & legem naturæ.

AD HÆC ratio victus maximè est necessaria, vt *victus* modum suum teneat: & cum ad vires & valetudinem *va-* corporis referatur, non ad luxum & ad voluptatem, bono iure manducones istos ingluuie sua luxuriari, non viuere dicendi sunt. Insuper circa cultum corporis, *cultus corpo-* luxus aut decor maximè versatur: & vt turpe *ris.* est homini in dignitate constituto abiectè & obsole- tè vestiri, cum, vt solebat Socrates dicere, corpus, vt decet, componendum est & præparandum: Ita & prorsus indecorum est, profuse eo vti cultu, & propriè is luxus dicitur: quem maximè cuitandum natura & ratio dictant: præsertim cum effœminatè colitur. Dignitas etenim viri ea est, vt grauius & seuerè reijciendum id curet, quod secum esset cum femina

b commune,

commune, cui venustate ornatus non viro dignus relinquendus est. Huic autem, si vir est, Democriti sententia, conuenit habere curam animæ non corporis.

Indi ratio. PRAETEREA, licet ludendi genus leuius sit, quàm vt hominem deceat, ad studia potius grauiora & ad seueritatem natum, illo tamen si est utendum aliquando, vt certè est, id modestè, iucundè, & ad laxamentum, prout quiete & somno; non animosè, ne quid committas in præceptum secundum, Non assumes nomen Dei tui in vanum : ne insuper constrependerixam contrahas, non profusè ne inde in turpitudinem aliquam dilabaris, non auarè ne flamma lucri eò te præteruehat, vt concupiscas rem proximi tui: non sine delectu personarum, ludi, loci, & temporis. Venandi præterea oblectamentū modum suum habet ex venantis qualitate, & alijs circumstantijs, quæ delicias id genus adeo variant, vt quæ in alio tolerantur, sintq; laudabilia, alium certè nihil deceant: sed ille videatur magis luxuriari, quàm modestè agere.

Ioci ratio. INSUPER conuitiandum nullo modo est. Quod si aut iocandi causa, aut castigandi id fiat, turpitudinem non habet: cum ioci festiuitas & lepor sæpe arrideant his, quos faceret dictum contingit. Oportet tamen id iucundè, ingenuè, & remisso animo fieri: quod si petulanter, obscenè & scurriliter actum sit, luxuriatum erit. Denuo castigatio modesta laudabilis est: sed si misceatur contumelia, illiberalis est, & qui libidinem explet famam alienam deterendo luxuriari videtur.

CÆSSABO præfari si adiecero, quæ nemo negabit, præclarum esse & maximū in omnibus rebus se continentem, modestum, & temperantem gerere, consistereq;

derareq; temperantiam non tantum iucunda nō im-
 muiuere, sed augere magis, & voluptates reddere gra-
 tiores: Idq; solebat Democritus dicere. Et cū in ho-
 mine sint præcipui motus, lucrum, ira, voluptas, do-
 lor, molle & effœminatum est his nescire modum
 dare: obscœnum & turpe in his luxuriari & modum
 prætergredi. Natura etenim certas regulas à Deo
 Opt. Max. viua voce datas habet: quas ius gentium
 non tam firmavit, quàm excepit, hisq; nos obsequi
 voluit. Et alioqui sine iussu, sine scripta lege debuit
 sufficere nata lex, dignumq; fuit id per nosmetipsos,
 natura suggerente, audire, arripere, exprimere. Cumq;
 tam certo & facili modo omnia conclusa sint, foeli-
 cissima vita futura est, si hunc modum, si hanc natu-
 ræ legem humana ingenia nouerint: si colant: si se-
 quantur: fietq; proculdubio, vt uiuant cum maiore vo-
 luptate, & minori periculo. Sed hæc est in omni re
 animorum conditio, vt mœchari, & cuncta legitima
 & honesta adulterare malint, quàm rectè assequi. Lu-
 crum etenim, quod nos motuum primo loco adscri-
 psimus catenus ab homine quærendum est, quatenus
 gloriam & honorem & salutem non imminuat, sed
 augeat illa, non pecuniam aut facultates proximi of-
 fensa. Nam, vt sentijt Cicero, si vnusquisque nostrum
 ad se rapiat aliorum commoda, & emolumenti aut
 voluptatis suæ gratia detrahât, quod alienum est, di-
 rumpi necesse est eam, quæ maximè est secundum na-
 turam, humani generis societatem. Iure etenim gen-
 tium dominia distincta sunt, agris termini positi, &
 in vsum data vocabula, meum & tuum, quæ violare
 nefas est: inde à domino dictum est, furtum nō facies:

*Natura præ-
 cipui motus.*

*Natura lex
 qua mode-
 stia sequen-
 da sit.*

*Modestia cir-
 ca Lucrum.*

*Modestia cir
ca Iracundiā.*

item &, Non concupisces domum, &c. Iracundia autem non aliter te mouere debet, quàm cum malefactore agitur, & quàm cum teipso cuperes alium se gerere: nam id natura praescripsit, vt homo homini (inquit Tullius idem) quicumque sit, ob eam causam, quòd is homo sit, consultum velit: vnaq; continemur omnes, & eadem lege naturæ violare alterum prohibemur. Inde exijt summum illud præceptum, quo nulum aliud amplius aut maius dominus edixit. Omnia quæcunque volueritis, vt faciant vobis homines, sic & vos facite illis. Hæc enim est lex & prophetæ. In iu-

*Modestia cir
ca Volupt.*

cundis autem siue voluptatibus homo sibi temperabit, si secum reputet, quàm ab eo alienum sit, quàm non secundum naturam & excelsitatem animi sui, magnitudinemq; eius dignitatis his voluptatibus seruire, luxuria & mollitia liquefcere: quamq; sit dulce, voluptuosum, honestum, his motibus imperare: quamq; excellens & seuerum, hos vincere. Et inde certè pendunt voluptates, non ex socordi vita, non ex luxuria, aut epularum helluatione, cum ex his dolores repente fiant, & inde mortes repentinæ, aut aliæ languidulæ & miseræ: ex illis autem gaudia, robur, vires, & salubria quæcunque diuturna. Diogenes solebat iuuenes, quos nouerat obsonijs ac luxui plus æquo indulgere hoc Homericò versu admonere:

ὅτι μὲν ἂν ἴσῃ μοι τίλος ἑὸς αἵματος

Nate mihi fueris brevis aui.

PERSEQUAR igitur singula, conferamq; ad ius commune: non omissurus, quæ occurrent, & quæ appositè huc inferri poterunt, idq; quàm breuissimè fieri poterit, exequar.



NON MOECHA- BERIS,



LIBER PRIMVS.



MOECHARI, aut mœchiffare adulterare est: mœchusq; adulter dicitur Plaut.in milit.

*Machari.
Machiffare.
Machus.*

Herus meus ita magnus est mœchus mulierum,

Ut neminem fuisse aque, neque futurum credo.

Delictum id genus Græci *μοιχεία* vocant, nos adulterium, quod licet pro meretricio tantum, quod cum nupta, aut innupta, si vxorem scortator habeat, committitur, vsurpare soleamus, verum est tamen, Deum Opt.Max.cum id protulit, Nō mœchaberis, omnem illicitum concubitum, id est non vxorium, atq; etiam membrorum illorum illegitimum vsu prohibuisse: Alioqui nulla decalogi lex est, qua simplex impudicitia & fornicatio reprobetur. verba sunt Augustini in c.meretrices. 32.q.4. & alibi Isidorus in c.non mœchaberis. 32.q.5. Non mœchaberis, inquit, id est, ne præter matrimonij fœdera fœminis admiscere ad explendam libidinem tuam.

Machia.

*Nō mœchab.
cōtinet omne
spurcitiam.*

ETSI à domino institutum sit coniugij sacramentum & indiscriminatum ille masculum & fœmi-

*Matrimony
ineundi cer
ta sunt le-
ges.*

*Nupt. edict.
prohibitorium.*

nam coniunxit, voluit tamen delectum adhiberi, neque passim, neque ab omnibus, neque cum omnibus id fieri: eumq; qui sine eo delectu coniux factus est, mœchari, & matrimonia huiusmodi incesta, stuprosa, & contra legem Dei & naturæ contrahi. Quod & lex ciuilis decreuit pœnis quibusdam adiectis in eos, qui aut errore aut ætate non excusantur. l. qui contra. C. de incest. nupt. Edictum de nuptijs prohibitivum est: & consequitur, vt hij, quibus non interdicitur, nec vlla lege repelluntur, has possint liberè inire: vt in simili dicit text. in l. prima. ff. de testib. & nuncupatim de nuptijs in l. vxorem. C. de nupt. & apertius in c. qui spiritualement. 30. q. 4. & in c. cum apud sedem. de sponsal. & matrimo. Et vicissim, si contra leges & interdicta nuptum est, euestigio mœchatum est. In noxas has datæ sunt pœnæ tam lege diuina, quàm ciuili, d. l. qui contra. & l. lege Papia. ff. de rit. nup. Accusari item stupri, aut adulterij possunt, qui nuptias vetitas inierunt. l. libertum. C. de nupt. iuncta glo. in verbo, Accusare poteris. & Paulus ad Plautium, si quis, inquit, ex his, quas legibus, aut moribus prohibemur vxores ducere, duxerit, incestum dicitur commisisse. l. sororis. §. fin. ff. de rit. nupt. huius pœna paulò maior est, quàm adulterij: c. veniens. de eo, qui cogno. confang. vxor. suæ. Et ideo olim ne in confusum nubere-tur, Græci non temerè certos magistratus vtriusque sexus ordinauerunt, qui nuptijs præssent: hijq; clam quibusdam sortitionibus id agebant, vt quantum fieri poterat similes connuberent, mali cum malis, boni vicissim cum bonis commiscerentur: & inde nulla vnquam matrimoniorum querela audiebatur: cum

*Magistratus
nuptiales.*

fortuna

fortuna magis, quàm magistratus rei causam dedisset, vt refert Plato de natura.

VIDEAMVS ergo, quas coniunctiones vetuit lex: Inde enim consequetur, vt cætera, quæ iuste sunt, in promptu sint.

PRIMO, Infans, siue masculus, siue fœmina matrimonium contrahere nullo modo potest: siue fiat inter duos infantes, siue alterum puberem, & alterum infantem, siue parentes pro ipsis id pacti sint. text. est in c. vnico. in prin. de desponsat. impub. lib. vj. in c. literas. in c. accessit. extra. eo. tit. c. iuuenis. de sponsalib. c. j. & c. non est. 30. q. 2. Infans dicitur, qui septennio minor est, prout interpretantur Imperatores in l. si infanti id est minori v l. i. annis. C. de iur. deliber. Cùm enim coniunctionis huius sacramentū consensu maximè nitatur, l. nuptias. ff. de regul. iur. & d. c. primo. 30. q. 2. sitq; naturale ætatem illam adhuc immaturam omnia ferè ignorare, & consensum non habere, l. mulier dotem. ff. de verb. oblig. & l. prima. C. de fals. monet. nō potest valere, quod tam precoci errore actum est: imo etiam temporis tractu nō conualescit: oportetq; aut nouo consensu, aut factō ipso & verbis rem ex integro repeti. d. c. vnico. de desponsat. impub.

Infans matrimonij incapax.

Infans qui sit.

SECUNDO, Inter impuberes, seu pueros, id est, septennio maiores, sed minores, scilicet masculū x i i i. annis, & fœminam x i i. non potest consistere matrimonium, l. minorem. ff. de rit. nupt. c. puberes. de desponsat. impub. & c. vnico. cod. titu. lib. vj. etiam si per verba quantumuis legitima id contractum sit, c. tuz fraternitati. de sponsal. & matrimo. & c. vbi non est consensus. de despon. impub. Controuersum fuit inter

Impubes nuptiarum incapax.

ter

*Impub. viri
capax an sit
iusta vxor.*

*Impuberum
nuptia quo
modo contra
hant.*

*Impub. alter
pubes factus
nō diuertet.*

*Senectus nu
ptias impe
dit.*

ter Ioan. & Azo. antiquos glossarum autores, an possit videri iusta vxor ea, quæ ante annum duodecimum viri capax est. Ioann. opinio fuit, non videri, Quod ætas legitimum sit impedimentum: idq; etiam inter habiles actum obstruit ad instar cognationis impedimenti. Sed Azo contrā sentijt per l. continuus. §. cum ita. ff. de verbo. obligatio. & hæc est prima limitatio. **S E C U N D A** est, si puberes facti simul habitent: matrimonium enim eo casu conualuit c. duo pueri. de desponsat. impub. adeo, vt credendum sit id magis in pendentem esse, & in tempus id pubertatis moras prorogare, quàm prorsus nullum esse: idq; ex eo fit verisimile quòd ante pubertatem neuter potest persequi aut obtinere diuortium altero inuito: sed expectanda pubertas. c. à nobis. eod. tit. Quod si alter iam pubes factus ab altero, qui nondum pubuit, separationem velit petere, non auditur. c. de illis. ij. & c. si. & c. puberes. illo tit. Idem erit, si, cum contrahitur, alter est impubes & alter pubes: quia quoad puberem efficax est, teneturq; negotium differre in tempus pubertatis alterius: qui pubes factus optare poterit utrū velit, connubiū sequi, aut ab eo discedere. d. c. de illis. ij.

P O S T R E M O, Auditur maritus pubes, si sponsam recens puberem factam & diuortium optantem retinere velit, asserēs illam ab eo carnaliter cognitam, c. continebatur. de sponsalib. & matrimo.

T E R T I O lege Papia Poppea fœminis quinquagenarijs & masculis sexagenarijs connubia prohibita sunt. l. sancimus. ij. C. de nupt. Ea enim lex Papia Poppea matrimonijs modum & formulam præscripsit, huiusq; meminit Imperator in d. l. sancimus. &

in l. si.

in l.fi.C.de nupt.Iurisconsultus hanc vocat Iuliam in l.lege Iulia.ff.de rit.nupt.quæ certè Papia Poppea est. Tranquillus in Claudio Cæsare. huic lege caput à Tiberio additum dicit, quo sexagenarij, quod generare non possint, à nuptijs arcerentur, huicq; capiti abrogasse Claudium. Quo in loco Pompeiz loco Papiz Poppeæ diu corruptè lectum est. Quæ lex ratione non caruit. Primò, quòd cùm omni ætati luxuria turpis sit, tum senectuti fœdissima est, vt inquit Cicero. Secundò, quòd huius ætati coniuges caulam exhibere non possunt, quæ matrimonij præcipua est, sobolis scilicet procreandæ. Mulier enim nisi prodigiosè post annos quinquaginta parere amplius non potest. l.si maior. C.de legit.hæredib. Viro (inquit Aristoteles) nec in prima ætate, nec in senectute, neque in morbis semen est. Carent hoc ægri propter imbecillitatem: senes, quia non satis eorum natura potest concoquere: seueri, propter incrementum. Sed hodie permittuntur connubia id genus, valuitq; hætenus Claudij Cæsaris abrogatio: illamq; Iustinianus Imperator repetijt in d.l.sancimus. Id tamen eatenus creditum est obseruari iure pontificio, quatenus suadet senis vigor & generandi facultas: vt si possit generare, bene est: alioqui non valeat matrimonium. Quæsitum est, inquit Vlpianus, an is, qui generare facile non possit, posthumum hæredem possit facere? Scribunt Cassius & Iabolenus posse: Nam & vxorem ducere potest. l. Sed & quæsitum est, in prin. ff. de lib. & posthu. obseruanda enim sunt verba hæc, Qui generare facilè non possit: Ergo, si prorsus non possit, contrà est. Nam difficilè nihilominus

*Mulier
quinquage-
naria non pa-
rit.*

*Senectus
quæ matri-
monium im-
pedir.*

possibile est, l.continuuus.§.inspiciendum. ff.de verbo. obligatio. Ideo in homine natura generandi & consuetudo magis spectanda est, quam temporale vitium, aut valetudo, propter quam homo abdicatur à generandi facultate: verba sunt Iurisconsulti in l. si quis posthumos, in prin. ff. de libe. & posth. Succurrit regula c. ex literis. & c. quod sedem. de frigid. & malef. sicut puer, inquit pontifex, qui non potest reddere debitum, non est aptus coniugio, sic, qui impotentes sunt minime apti ad contrahenda matrimonia reputantur. de his plura scripsit Cristofor. Porc. in §. j. inffit. de nupt.

*Eunuchus
matrimoniu
non contra-
hat.*

*spado quis
sit.*

Q V A R T O, Eunuchus maritus iustus esse non potest, isq; bono iure, ab hac societate, causis sepe repetitis, quas nulla ex parte præstare potest, explosus est. c. ij. de frigid. & maleficiat. Idq; cum prorsus castratus est d. l. sed est quæsitum. §. spadonem. Spadoni testiculus unus superest, quo facile generare potest: dicit tex. in l. Pomponius. in fin. ff. de ædilit. ædict. & Accurs. in gloss. in verb. posse. in d. §. spadonem. castrati autem nullus est: Ideo Vlpianus in l. si serua. §. fina. ff. de iur. dot. si spadoni, inquit, nupserit mulier, distinguendum arbitror, castratus sit, necne: ut in castrato dicas dotem non esse: in eo, qui castratus non est, quia est matrimonium, & dos est, & dotis est actio. similis est tex. in l. si autem quis ita spado. ff. de ædilit. ædict. Ius civile huiusmodi matrimonium improbauit, permittitq; diuertere. Canones non ita: sed tantum, si alter alterius vitiū ignorauit. Quod si prescierit, nisi utroq; petente aut consentiente diuertendi gratiam non fecit. c. consultationi. de frigid. & malefic. Si etenim non possunt

possunt viuere vt coniuges,viuant vt fratres.

QVINTO, Frigidi aut malo omine affecti in eo numero sunt: & id vitium, siue natura, siue detestatione acceptum sit, causa iustissima est diuertendi,iure eo pontificio.c.j.& c.fi.de frigid.& malefic.Et quia lex ciuilis talia vitio temporali detulit, noluit capropter connubium disturbari.l.si quis posthumos.in princ.ff.de liber.& posth.tamen si coeundi impotentia triennio duret,neq; spes imbecillitatis emendandæ arrideat, diuortium eo iure probatum est.l.in causis.& auth.sed hodie.C.de repud.

*Frigiditas
matrimonium
impedit.*

SEXTO, Fœmina, quæ naturali spatio adeo iniquo est, vt arcta dicatur, iusta vxor esse non potest:& ab ea liberè diuertendi ius habet,qui congredi non potest.c.fraternitatis. de frigid. & malefic. circa id tamen puto repetendum, quod quarto numero subscriptum est, necessario huic coniugio stari,si scienter acceptum est.d.c.consultationi. & has si non uxores, at certè ut sorores habeant.

*Fœmina ar-
cta non est
iusta cōiux.*

SEPTIMO,Licet cum leproso valeat pactio connubialis,neq; lepra in matrimonium incidens tribuat causam diuertendi.c.quoniam nemini. de coniug. lepro. tamen si matrimonium pacta sit fœmina ignorans, aut post pactum inciderit morbus, se à nuptijs excusare potest & à iureiurando abire impune.c.literas.eod.titu.

*Leprosus an
iustus sit ma-
ritus.*

OCTAVO, Cum furioso iustæ nuptiæ uideri non debent.l.si furiosi. C.de nupt.& c.dilectus. de sponsalib.& matri. filij tamen aut filiæ,etiam si sint in furiosi patris potestate, eius autoritate non expectata, liberè matrimonium contrahunt,d.l.si furiosi.id tamen fuit

*Furiosus ma-
rimonij in-
capax.*

absoluendum cum paterni curatoris autoritate. d.l. furiosi. & §. vnde quæsitum est. institut. de nupt. quod correctum dicit glosa in verb. secundum. ibidem arg. de voto monasterij ad matrimonium, ex §. nullum. & §. sancimus. de sanctiss. episcop. Muti autem & surdi possunt, cum expresse interdictum his non est. c. cum apud sedem. de sponfal. & matrim. tum, & quia contractus is consensu maximè consistit. l. nuptias. ff. de reg. iur. & hi consensum faciliè prestant. l. mutus & surdus. ff. de procurat.

*Mutus &
surdus mari
si sunt.*

*Nuptia sine
Patris con-
sensu nulla.* NONO, Olim responsum est nuptias nullatenus subsistere, nisi consentierint, qui coeunt, & hi, in quorum potestate sunt. l. nuptia consistere non possunt. l. eos. in princip. & l. qui in prouincia. ff. de rit. nupt. & l. Paulus. ff. de stat. homi. & l. si vt proponis. secundo & l. nec filium. C. de nupt. Imo neq; spondere per verba de futuro potuerunt. l. sponsalia sicut nuptia. ff. de sponfal. Ius pontificium id non admisit, sed abrogatis his legibus filiorum aut filiarum consensum sufficere voluit, etiam si parentes non consentiant: imo etiam si dissentiant. c. requisivit. & c. cum locum. de sponfal. c. j. de despons. impub. c. hoc sanctum. & c. sufficiat. 32. q. 2. Quibus standum erit, cum matrimonium non à lege ciuili, sed à canone formulas suas accipiat. c. hinc distinguendo. 2. q. 2. Veteris iuris id tantum hodie retentum est, vt filia ante vicesimum quintum annum non debeat, nisi parente consulto & consentiente, nubere: alioquin, vt malè morigera, potest exheredari, siue à patre, siue à matre: auth. sed si post. C. de inoff. testa. Idq; quibusdam in prouincijs statuto nominatim cautum est: vt apud Burbonios. §. cccxij. vbi quædam

*Filia sine pa-
rente nubēs
ante x x v.
ann. ingratā
est.*

dam in rem hanc scripsimus.

DECIMO, Tutoris aut curatoris, aut eorum filij cum pupilla aut adulta nuptiæ iustæ non sunt, vt à lege reprobata. l. si tutor vel curator. C. de interd. matrim. quod tamen tribus casibus licuit. Primo, si pater testamento ita iussit & ordinauit. l. tutor vel curator. ff. de rit. nupt. & l. qui pupillam suam. ff. de adult. in fi. ibi, non à patre desponsatam, vel destinatam, vel denominatam. Secundò, si princeps id indulserit. l. si tutor. C. de interd. matrim. vbi Accurs. in glof. Tertiò, si post vicesimum quintum annum pupillæ exactum, & redditis rationibus tutelaribus. l. si patris. C. de interd. matrim. & l. non solum. §. sed & si filius familias. ff. de rit. nupt. Et præter hos casus non possunt tutor, curator, aut eorum filij adultas habere vxores. l. non est matrimonium. illo tit. Quod in filia tutoris aut curatoris verum non est: hanc enim utriq; licet cum adulto suo aut pupillo collocare. l. libertum. §. fin. ff. eod. tit. & l. curatorem. C. de interd. matrimo. Adulta autem, vt volet, potest nubere etiam spreto curatore, cuius officium in administratione negotiorum consistit, non in personæ. l. sciendum. ff. de rit. nupt. & l. in copulandis. C. de nupt. modò tamen vis, aut raptus etiam in volentem absit: quia talia acerrimè animaduertuntur. l. vnica. §. etsi quidem. ibi, nulli mulieri siue volenti, siue nolenti peccandi locus relinquetur: quia hoc ipsum velle mulierum, ab insidijs nequissimi hominis, qui meditatur rapinam, inducitur.

VNDECIMO, In prouincia, magistratum gerens in ea vxorem ducere non potest, neque filio ducenti consentire: l. si quis officium. & l. qui in prouincia. &

*Tutor aut
Curator cū
pupilla aut
adultæ quā-
do nubat.*

*Curator fi-
liam suam
cum adulto
collocare po-
test.*

*Adultæ
spreto cura-
tore nubis.*

*Rapta à cu-
ratore etiā
volenti.*

*Magistrat.
in prouincia
vxorem non
ducit.*

l. senatusconsulto. ff. de rit. nupt. & l. etsi contra. C. de nupt. filias autem collocare non prohibetur. d. l. qui in prouincia. & l. si quis officium.

*Vir in matris
monio quādam
odiosa.*

D V O D E C I M O, Cū in omnibus negotijs vis prorsus odiosa sit, tum maximè in connubijs, quæ liberè fieri debent: nulloq; metu, aut personarum, aut pœnæ tentari. Si igitur vis adfuit, causamq; dederit spondendi, nihil actum est: l. nec filium. l. neque ab initio. 2. C. de nupt. & l. si cogitur. & l. si patre. ff. de rit. nupt. Imò promissio nuptiarum facta sub pœna, etiam si liberè & sine vi, nullius est momenti. d. l. neque ab initio. Canones id probarunt: c. gemma. de sponf. & matrimo. & c. cum locum non habeat. eod. tit. Hoc tamen addito moderamine, vt si, quæ inuita nupsit, sponte cum marito habitet, conualescat matrimonium. c. ad id. eod. tit. Nec cogitur mulier inuita connubio stare, potestq; , quando volet, modo consensu tacito id ratum non habuerit, diuortium persequi: & pendente quæstione si maritus vi certet, siue quærat de excusandis sponfalibus, siue de nuptijs, iniquis proferendis, poterit iudex iubere fœminam custodiri in domo honesta, & apud matronam quam honestam compererit: & interim liberè inquireret. Nec ferendum erit, vt marito liceat fœminam adire, & à formidolosa consensum, vt facilè est, vi, aut minis, aut artificio, & calliditate extorquere. d. l. vnica.

*Vxor coacta
quādo fit in
sua vxor.*

*Sponsa quan
do sequestrā
da*

in fi. C. de rap. virg. præclara est censura huius in d. c. cum locum non habeat. de sponfal. & matri. Matrimonium enim solo consensu perficitur, sed eo quidem non ingrato, cū oporteat ex sententia rem omnino collibere & acceptam esse. alioqui consensus

*Consensus
matrimonij
qualis esse
debeat.*

non

non est : nec ergo matrimonium , sed magis adulterium, contubernium, stuprum, aut fornicatio : verba sunt pontificis ad Africæ episcopos in c. Aliter legitimum non sit. 30. q. 5. verum autem prium, verum igitur postremum. Tantum etenim in matrimonio valet consensus , vt si duo certent de habenda vxore, sitq; res dubia testibus hinc inde auditis , vxor ei danda est, quem illa maluerit & in quem consenserit, arg. l. vidux. §. primo. ibi, is potior existimetur, quem sibi consulens mulier approbauerit. C. de nup. glo. prima. in c. in nostra. post medium, in versic. sed quid, si duo. illo tit. Et licet in cæteris ferè negotijs is metus desideretur, qui constantem virum possit mouere. l. metum. ff. quod met. caus. & in proprium casum scriptum est in c. veniens. secundo de spons. & matrimen. cum fœmina facilius moueatur , sibiq; constare non possit contra viri impetus , sed leuitate desultoria citò mutetur , æquum est : non adeo plenum metum in ea requiri, qui in viro requireretur, arg. c. indignantur. ibi, quanto magis deceat viros virtute & exemplo fœminas regere. 32. q. 6. glo. in d. c. cū locum. & Ias. in l. interpositas. in princip. C. de transactio. & Boër. decis. 100. numer. 2. in prima part. Inspicienda enim in his est personæ & metus qualitas, vt si ille ex æquo omnibus vanus sit, non attendatur. l. vani. ff. de reg. iur. si terrorem habeat, contrà est. d. l. interpositas. Fœminæ enim, etiam mediocrem metum pallæ succurritur. arg. l. plenum. §. equitij. ff. de vsu et habit. facit c. j. de his , quæ vi met. caus. fi. glo. in c. cum locum. de spons. glo. in l. prima. C. vnde vi.

Metus lenior in fœmina restituenda requiritur.

Seruum nullū est matrimonium.

TRIDECIMO, Inter seruum & ancillam iure ciuili

Contubernium.

uili connubium non est, sed contubernium: l. cum ancillis. C. de incest. & inutilib. nupt. Contubernium enim cohabitatio, consuetudo, & sodalitas est, autore Festo. Et ideo serui ob violatum contubernium suum adulterij crimine accusari non possunt, quia non est matrimonium: verba sunt tex. in l. serui. C. ad l. Iul. de adult. & cum inter liberas personas tantum sit matrimonij ius, sic inter eos duntaxat exercetur adulterij accusatio: vt dicit Papinianus in l. inter liberas. ff. eod. tit. Ius idem ciuile tamen admisit, vt si vnus horum libertatem consequatur, contubernium iusti matrimonij vices assumit: l. si. C. de nupt. Canones non distinguunt liberum à seruo. c. primo. de coniug. seruo.

Matrimonium liberi cum ancilla quando valeat.

QUARTODECIMO, Liberi cum ancilla matrimonium iustum non est, nec potest contrahi lege Papia Poppea, quam in hoc ius pontificium secutum est: c. ad nostram. de coniug. seruo. facit l. Qui contra. C. de incest. nupt. Nisi tamen liber sciens ancillæ conditionem illam pacto connubiali inito cognouerit. d. c. ad nostram. alioqui, si ignorans, diuertere potest. c. proposuit. de coniug. seruo. Error enim conditionis matrimonium impedit. c. si quis ancillam. §. his ita. 29. q. 2. idq; præcipuè verum est in conditione seruili, quæ matrimonium, nisi cum sciente admittere non potest eodem iure: vt per tot. 29. q. 2. Eadem lege Papia non licuit senatoribus neque eorum filijs libertas suas habere vxores. l. lege Iulia. ff. de rit. nupt. & l. vxorem libertam suam. C. eo. tit. Neque etiam licuit liberto patronam suam. l. libertum. C. eo. Ea tamen omnia correctæ sunt. auth. sed nouo iure. & l. si. C. eo.

Quin

QVINTODECIMO, Scenicz mulieres aut earum filiz cum viris honestis nubere non possunt. Imperialis. §. præsent. C. de nupt. Fallit, Primò, si à principe id sibi concessum sit. auth. quòd eis. eo. Secundò, si dignitatem eam illz consequantur, quz possit notas scenicas eluere: eo enim casu restitutæ uidentur. d. l. imperialis. §. similes. Tertiò, si ad frugem se contulerunt. d. §. præsent. Idq; postremum lex pontificia maxime probauit, etiam in publicis meretricibus: existimauitq; inter opera charitatis non minimum esse, sed prorsus pium, & proficere in remissionem peccatorum, errantem ab erroris sui semita reuocare in viam: vt si à lupanari euocata vxor assumatur in matrimonium. c. inter opera. de sponfalib. & matrim. & c. non est culpandus. 32. q. j. Infœlix vicissim vita futura est, & prorsus obscœna, nullaq; necessitate paupertatis expurganda, si vir lenocinij animo vxorem electam quaestuariam prostituat: vt dicit præclarus tex. in l. palam quaestum facere. §. non est ignoscendum. ff. de rit. nupt. ad hoc c. ita ne aliquem. 32. q. 5.

Matrimonium honesti cum scenica aut meretrice.

SEXTODECIMO, Qui eandem religionem non sequuntur inter se matrimonium contrahere non possunt, vt Christianus & Iudæa. lib. iij. Esdr. cap. viij. Nos in Dominum peccauimus, quòd collocauimus nobis in matrimonium mulieres alienigenas ex gentibus terræ. & rursus sequenti cap. Exurgens Esdras, vos, inquit, iniquè fecistis collocantes vobis in matrimonium mulieres alienigenas, vt adderetis ad peccata Israel. & ad id facit Apostolicum dictum: omne, quod ex fide non est, peccatum est. tex. est in c. omnes deinceps. §. non est putandum matrimonium. & c. ca

Matrimonium inter diuersa religionis coniuges.

d ue Chri

ue Christiane Gentili aut Infideli filiam tuam tradere. 28. q. j. Quæ vera sunt, etiamsi orthodoxus cum hæretica, aut contra matrimonium paciscatur. d. c. caue, ibi, hoc est, omnem hæreticam & alienam à fide tua accipere tibi vxorem. Imo etiam si inter duos infideles contractum sit, quorum alter fiat Christianus, diuortij causa iusta est, Christiano petente. Non sic, si ex duobus Christianis coniugibus alter fide excidat: quia nihilominus durat matrimonium. hæc disponuntur in c. quanto. de diuort. Item iusta erit vxor Iudæa Christi fidem edocta & conuersa cum Christiano: & e contra. c. j. de conuersat. infidel.

Vxor alij nupra duci ab alio non potest.

DECIMO SEPTIMO, Vir non potest accipere vxorem alij desponsatam & nuptam præsentis consensu: idq; omni tempore exosum est. Claudius Cæsar Valeriam Nesselinam in matrimoniū acceptam, cum comperisset C. Silio prius nupsisse, dote inter aruspices consignata, supplicio affecit; & testatus est matrimonia sibi malè cedere. Id utrique coniugum vetitum est, noua Christi lege. Quicunq;, inquit ille Pharisæis, dimiserit vxorem suam, & aliam duxerit, adulterium committit super eam. & si vxor dimiserit virum suum & alij nupserit, mœchatur. Marc. x. præclarus est in rem hanc text. in c. omnes causationes. 32. q. 7. Quod si contra actum sit, id est, vir alij nuptam, aut præsentis consensu desponsatam acceperit, debet dimittere, & quadraginta dies cum aqua & pane algere, & septem annos sequentes ex pœnitentia factum deplorare. c. accepisti. de spons. duor. Quæ vera sunt, etiamsi, simplici sponsione verbis præsentibus inita, matrimoniū sit contractum: quia neuter spon-

Matrimonium quando sit perfectum.

forum

forum aliud matrimonium sequi potest sine adulterio stupro & scortatione. c. j. c. licet. & c. fin. de spons. duor. cum veri sint coniuges: & ea hora, qua sponsio facta est verbis de presenti, conclusum & perfectum est matrimonium, etiam si vxor neq; cognita neque traducta est. l. perfectus. ff. de rit. nupt. l. fina. ff. de leg. primo. l. nuptias. ff. de reg. iur. facit arg. l. ij. ff. de priuileg. credit. Idem, etiam si vxor nunquam visa sit à viro: cum enim, inquit Vlpia. qui absentem accepisset vxorem, deinde rediens à cena iuxta Tyberim perijisset, ab vxore lugendum esse responsum est. l. deniq; ff. de rit. nupt. Plenum etenim matrimonium est, quod consensu solo perfectum est, etiam sine copula: idq; hactenus nos secuti sumus ex lege Zenonis Imper. que est penultima. C. de incest. nupt. Aegyptij falsò arbitrati sunt, quorundam legum interpretum sententia, inter eos, qui corpore non conuenerant, contractas re ipsa dici non posse nuptias: quod exploratum est. Forma spondēdi per verba de presenti multiplex est: vt si se asserant inuicem, mutuo, & presenti consensu esse coniuges: tum, et si promittant se hactenus gesturos & habituros pro coniugibus: insuper, si nomine connubij sese osculentur, dextras committant, & promittant nunquam cum alijs cōiungi: hæc notantur in c. ex parte. per illum text. de sponsalib. & matrim. Quod si promittant contrahere matrimonium, illud vulgò dicitur, per verba de futuro. c. ex literis. eo. tit. si tamen id pactum secuta sit carnalis copula, eo casu matrimonium est absolutum. c. veniens. eod. tit. nec satis esset concubuisse & tentasse coire & non potuisse: quia necessaria est copula, vbi expref-

Matrim. inter coniuges qui se mutuo non videntur.

Matrimonium contrahendi formula.

Verba de futuro.

fus non est consensus. c. adolefcens. eo. tit. vtroq; casu, idest, cum praesenti consensu sine copula nuptum est. Secundo, si per verba de futuro & sequenti copula, nuptiae iustae sunt: & quae ita nupsit vxor iusta est: ideo, si cum alio nubat, duorum erit vxor, & maritus vicissim duarum vxorum maritus. quod turpitudine & infamia notauit lex ciuilis. l. neminem. C. de incest. nup. l. cum qui duas simul habuit vxores. C. de adult. & l. quid ergo. §. ij. ff. de his qui not. infam. Digami, aut, si plures habeant, poligami dicuntur: & eorum poena ignominiosa est, vt in scario suggestu mithellati collocentur: ibiq; plebeculae lasciuientis ludibria perfricta fronte excipiant: vt diximus ad consuetud. Burboni. §. ij. in glos. *escheller.*

*Digamoni
infamia.*

*Matrimoniu
contra inter-
dictum.*

DECIMO OCTAVO, Si de matrimonio certatum iudicatumque sit inter virum & foeminam, & a sententia prouocatum sit, debet iudex ecclesiasticus, coram quo prouocato iudicio contenditur, interdicere, ne, pendente appellatione, aliud matrimonium vxor, etiam, quae fuerat absoluta contrahat. tandiu enim nihil erit innouandum, quandiu de appellatione erit pronunciatum: l. vnica. in prin. ff. nihil noua. appellat. interp. & c. post appellationem. §. appellatione. 2. q. 6. Si igitur alij nupsit contra interdictum, ea contumacia excommunicationem incurrit: itemq; matrimonium nullum est: & reuocatur ante omnia. c. tua nos. de sponsal. duor. Notant canonistae ibidem matrimonium non posse subsistere, si contra interdictum ecclesiae celebratum est. Referre tamen volunt, an ex causa id fiat, an sine causa: tum, an ex vera, an ex falsa: denuo, an ex perpetua, an ex temporali. Insu-
per,

*Matrimoniu
initu contra
interd. quan-
do nullu sit.*

per, inquirunt an processerit interdictum ex causa contrahentium personas attingente, an verò ex alia formam tantum & solennitates ab ecclesia indictas attingente. Primò, si ex causa vera & perpetua, quia perpetuum effectum habitura est, & durat noxa, quando diu durat matrimonium, diuertendum necessario est. Qui contra, C. de incest. nup. & c. de muliere. de matrimo. cont. contr. interd. eccles. ut si volentes contrahere denunciatione consanguinitatis retenti sunt, per indicem ecclesiasticum his debet interdici contractus. Quòd si contra interdictum inuicem contrahant, separationis causa iusta est, ut & iniusta contumacia est. d. c. de muliere. Si verò causa sit temporalis, ut quia pendente appellatione nihil erat innouandum, & contumaciter actum restituendum & reponendum est, hæc restitutio, ut potest à causa temporali dependere, ita & temporalis erit, prout euenerit, id est, si cognita appellatione iudicetur secundum uxorem: item & si consanguinitas denunciata non probetur, matrimonium, quòd contra interdictum erat initum, deinde separatum, conualefcit, repetendumq; est, mihiq; videtur ita sanè intelligi d. c. tua nos. etiam si glos. contra sentiat, ibi, & sic intellige quòd dicitur hic. & c. ad dissoluendum. Hæc postrema desumuntur ex c. ex literis, de matrimo. contract. contr. interd. eccles. & ex d. c. de muliere. Quòd si ex falsa causa interdictum sit, matrimonium non obstante interdicto conseruandum est: ut per glo. & Ioan. And. in d. c. tua nos. & tex. in c. consuluit: qui cler. vel vouent. matrimon. Quòd si causa interdicti sit tantum circa formam & solennitatem, ut ne temporibus certis fiat propter

dicum dignitatem & reuerentiam, si talia contempta sint, non irritum fit matrimonium, sed tenet, indicta connubentibus pœnitentia, aut diuortio ad tempus pronunciato: vt per d.glo. in c. tua nos.

*vidua secundum
do nubens.*

DECIMONONO; Olim non licuit viduæ intra annum luctus nubere: non tamen irritum erat matrimonium, sed turpitudine subnotabatur, eratq; infamis vxor: & hunc casum inter primos traductione dignos enumerauit Iurisconsultus in l. prima. ff. de his, qui notan. infam. Oportebat enim annum luctu transigi: aut si adeo mollis erat vidua, vt temperare non posset, principi erat supplicandum, vt huius gratiam faceret. l. solet. ff. eod. tit. aut si suo iure nupsisset, ad infamiam remittendam abolitio principis fuit necessaria: l. si qua mulier. C. ad Tertuli. Ad hæc, pœnas plures in secundo nubentem lex ciuilis introduxit, quæ partim enumeratæ sunt in l. prima. C. de secund. nupt. partim in l. fœminæ. & in l. hac ædictali. & alijs legibus. illo tit. Sed horum maior pars iure canonum abrogata est decreto Apostolico. Paulus in id excurrens, mulier, inquit, viro suo mortuo soluta est à lege viri sui: in domino nubat, cui voluerit: vt refertur in c. super illa. de secund. nupt. nec, etiam si intra annum luctus nupsit legalis infamiæ iacturam excipit: d. c. super illa. & c. si. illo tit. Imo, etiam statim post mortem mariti potest nubere: vt in glo. in verb. nubat in domino. in d. c. super. Vfus tamen cæteras pœnas retinuit. Primò, quod perdat, sua mollietie intemperanti, lucrorum omnium (quæ occasione primi matrimonij consecuta est, siue ex testamento, siue inter viuos donatione propter nuptias, siue filio-

*vidua nubens
in pœna ob-
seruata.*

rum

rum successione, aut aliàs quouis titulo, modo lucratiuo) proprietatem, quam lex filijs illius prioris matrimonij detulit, alienatione matri prorsus interdicta: l. fœminæ. auth. in donatione. & seq. C. illo titulo. quæ eadem in viro obseruanda sunt. l. generaliter. & auth. hæ res. & auth. vxore mortua. C. de secun. nup. Illaq; lucra filij æqualiter excipiunt. auth. lucrum hoc. ibidem. Et à lege habent, non à defuncto: ideo etiam non hæredes id consequuntur. d. auth. hæ res. v. usufructu tamen semper proprietatem perdenti saluo, si caueat de mobilium æstimatione & satisfat de immobilium conseruatione. d. l. hac edictali. §. fi. Secundò, coniux siue nubat intra annum luctus, siue post annum, & cesset pœna superior, nullo horum casu potest coniugi secundò plus donare aut alio titulo lucratiuo conferre, quàm vni, eiq; ex liberis matrimonij prioris, cui minus donatum est. d. l. hac edictali. Obserua tamen in casibus superioribus tituli rationem, oportereq; prorsus lucratiuum esse, quia si aut onerosus, aut mixtus, quia fortunæ periculum mutuo intenditur, legem intemperanti coniugi nihil sustulisse: duntaxat coniugem noluit ex sua incontinentia lucrum gratis consequi: damnum verò in eo tantum adiecit, quòd lucri cessantis subpœnitendum sit.

VICESIMO, Vxor, quæ viri peregrè profecti etiam diutissimè præsentia caruit, aliud connubium petere non potest. Et ad id, cùm Augustæ quidam viri captiui vltra septennium abfuissent, & de his nihil esset neque auditum, neque compertum, vxores iuuenili flamma, & carnis leuitate deperirent, diutiusq; continere non possent, ab Episcopo his vene-

Vxor absentis quando nubat.

*Vxor viri
absentis qua
nupsit relin-
qui aut re-
cipi potest à
priori.*

reis quæstibus exurdato Pontifex Max. consultus respondit, quantocunque tempore absint, non posse vxores aliorum consortium sequi, nec id autoritate ecclesiæ permittendum, donec de morte maritorum quid certum audierint. Hæc continentur in c.in præsentia. de sponsi. & matrimo. & in c.dominus. de secund.nupt.similis est text.in auth.Hodie quantiscunque annis. C.de repud. vbi formula præscribitur maritum nouum eligendi. Item etsi falsò mors prioris allata & iurata sit, redeatq; optare potest, vtrum velit vxorem recipere, vel relinquere. Quòd si vxor statim & spontè non abeat ab eo secundo coniugio mœchari dicitur, & adulterij accusatur. c.cùm per bellicam. 34. q. 2. Imò, si post id contractum ad falsam assertionem audiat prior maritus viuere, dubitetur tamen, id cautè obseruandum erit vxori deceptæ, vt à viro debitum Veneris non exigat: quòd si exigit, adulterat: cùm in hoc dubio continendum sit: idq; pie suadet conscientix offendiculum: arg. c.inquisitioni. in fi. de senten. excomm. Sed si vir is nouus exigit, parendum erit vxori etiam dubitanti, quia in hoc dubio matrimonio standum est: alioqui fiet marito nouo iniuria, si potius scrupulo, quàm rei legitimæ obsequi oporteat. l.in ambiguis. pro dotibus respondere melius est ff. de iur. dot. Quòd si vita prioris viri certò comperta sit, & vxori renunciata, statim debet ab eo viro discedere, quem nouit suum esse non posse: si non abeat mœchatur apertissimè, & adulterij incusetur. hæc præclare & succinctè disponit tex. in c. dominus. de secund. nup.

VICESIMO PRIMO, Qui inuicem sunt adulterati

rati non possunt matrimonium contrahere : tot. tit. de eo, qui dux. vxor. quàm poll. per adult. Id lex ciu- *Matrim. in- ter adul- teros, quando in sum.* lis indifferenter admisit : l. commissum. C. de adult. quòd canones sanè disponunt, vt inter eos duntaxat sit illicitum matrimonium, quidum mœchiffant, mor- tem aut vxoris, aut mariti adulterium ignorantis, con- iurarunt, vt futuro, ea via, fieret matrimonio locus in- ter adulteros : c. super hoc. illo tit. Quòd si nihil con- spiratum sit, matrimonium non repulerunt canones. c. significasti. eo. tit.

VICESIMOSECVNDO, Qui se religioni de- *Religiosus cō iux iustitiam non est.* uouit, siue sit vir, siue femina, matrimonium contra- here non potest : c. veniens. qui cler. vel vou. matrimo. contrah. non poss. hi enim Eunuchi sunt, inquit Do- minus, qui se castrauerunt propter regnum Dei. Ob- serua huiusmodi votum duplex esse. vnum solenne : *Relig. votū solenne.* alterum simplex. ita distinguitur in c. penult. 27. dist. solenne id est, quòd executionem secum traxit : vt si quis religioni se deuouit, & identidem vestitu sumpto religionem professus est. & de hoc nemo vnquam dubitauit, quin sit matrimonij incapax. tex. in c. memi- nimus. eod. tit. Quòd si contraxerit matrimonium, id facti est, & non iuris, & mœchari dicetur, non nu- bere. c. virgines. 27. distinct. & c. si nupserit. 28. distinct. Ideo diuertendum necessario est : c. insinuante. qui cler. vel vou. matrimo. & ad monasterium est redeun- dum : d. c. meminimus. & c. sicut. de regularib. Casti- *Religiosa oīa casta sint.* tas etenim verè religiosa est : & vicissim oportet ea censerī castitate maxima, quæ religiosa sunt : siue sint personæ, siue res, siue loca, aut tempora. Et cū in- ter omnia sancta sanctorum & sacramenta, siue res

*Eucharist. sa-
cramentum
castos desi-
derat.*

*Virgi. sacra-
rum stupri
pana et hor-
ror.*

*Vestitium
virginū ho-
nor immen-
sus.*

religiosas sit præcipuum, maximum, sanctissimum, sacratissimum eucharistiae sacramentum, ad id accessuros prorsus castos esse oportet. Idq; specialiter præfiguratum est, primo reg. 21. De Abimelech sacerdote, qui solebat his tantum panes sacrificatos dare, qui assererent se triduo continuisse à mulieribus: quod certè multo magis debet obseruare, panem, qui de cælo descendit, accepturus: & ita ratiocinatur B. Hieronymus in c. sciatis. §. ita panes. 33. q. 4. Personas religiosas attingere omni tempore nefas fuit, etiam ante cognitum Christi Euangelium. Nam sacrae virgines, quas hodie moniales dicunt, perpetuam virginitatem uoueant: quam si polluisent & non asseruabant, ex lege Numæ sub terra fodiebantur. Virgines enim, inquit idem B. Hieronymus contra Iouinia. quæ post consecrationem se contaminant, non tam adulteræ, quàm incestæ sunt, & ultra sacrilegij reæ sunt. c. virginibus. 7. q. prima. Hæc leguntur in c. fi. 27. distinct. cum enim, inquit Innocentius 1. 1. in c. decernimus. 28. distinct. vasa Domini & Templum sint, & sacrarium spiritus sancti dici debeant, indignum est eas contaminari. & ea ratione æterni ignis custodes olim dicebantur ob pudicitie vigilantiam, licet superstitiosa & infelix antiquitas ad Vestæ, quæ dea ignis habita est, cultum id retulerit, indeq; dictæ vestales: quibus, si virgines erant, is habebatur honos, ut nisi præcedentibus facibus non prodirent: & his, quod maximum visum est, damnatum ad mortem obuium liberandi à pœna ius fuit. Triginta annos durabat virginittatis obseruatio, exindeq; poterant liberè sibi optare, quam sequi vellent vitæ conditionem. Ince-
stus

stus id genus tam in vestalem, quàm in moechum acerrimè animaduersus est: auth. si quis non dicam rapere. C. de episcop. & cleri. Loca item sacra hoc luxu pollui non debent: c. in ecclesijs. de consecrat. dist. prima. Demosthenes in oratione in Nerzam refert Athenis non licuisse adulteris Templum vllum popolare ingredi. Præterea & tempora quædam ab eo sancta sint, vt dies Domini natalitius, reliquæq; festiuitates, & dies ieiuniorum: c. quotienscunque. & c. seq. & c. si causa. 33. q. 4. Id solenne votum aliam habet speciem, cum scilicet tacitè professus est, qui antea vouit: & ea tacita professio votum alioqui simplex, sua celebratione professoria, solenne facit. Licet enim vestitus monachum non facit, sed sola professio. c. porrectum. cum glos. j. de regularib. si tamen votum sequatur vestitus conueniens & distinctus subnotata distinctione, & per annum feratur, profiteri tacitè religionem dicitur, qui vouerat prius. c. ex parte. & c. vidua. de regularib. & clementi. eos qui. eod. tit. Alij sunt modi tacitæ professionis, quos retulimus ad consuetud. Burbon. §. cccxix. in glos. *profession expresse ou raisible.*

Professio tacita.

VOTUM simplex est, cum nec vestitus susceptus est, nec & professio facta: sed duntaxat, cum quis vouit & spondit se religionem professurum. Si contra id nuptum est, diuortium fieri non debet, etiam si talia vota persoluenda sint. tex. est in d. c. meminimus. in fin. Imò, si voto facto adeatur monasterium, & feratur vestitus, si tamen professio aut expressa aut tacita desit, potest deferri, voti tamen reatu certa poena mulctato. Quòd si professio facta sit, aut si

Religionis simplex votum.

*virginē sa-
crām nō ha-
bitus sed cō-
secratio fa-
cit.*

*relig. vesti-
tus monachū
facit, ab eo
datus, qui
potuit.*

*sacerdos nō
cōtrahit ma-
trimo.*

pubes, secundum votum habitu continuato, ea quæ monachi officio incumbunt expleuerit, anno trans-
acto, irrevocabiliter factus est monachus: vt docui-
mus eadem gloss. Igitur, aut expresse professum &
vestitum esse oportet, aut tacite professum antea vo-
uisse, quum vestitus simplex sine voto præcedenti aut
professione sequenti nihil arguit. & eo omnia reci-
dunt: Habitus non facit monachum, sed consecra-
tio. hæc voluit dicere gloss. in verb. nec habitum, iun-
cta glo. præcedenti in d.c. meminimus. facit c. virgi-
nes, quæ post consecrationem nupserunt. 27. distinct.
Superiora audiuimus Arresto regij consilij supremi
comprobata fuisse, hisce diebus, in nobili & opulenta
controuersia. Nec omittendum, quòd licet votum
vbicunque & quomodocunq; fieri possit, sufficiatq;
vouisse, vestiri tamen vouens à quolibet non potest:
sed sunt certæ personæ, qui id tantum possint: & si
sine delectu vestitus susceptus sit ab eo, qui potesta-
tem non habet religiosum recipiendi & efficiendi, ni-
hil actum erit: licetq; quodam conscientia offendi-
culo, qui vouit & ita vestitus est, debeat auocari à ma-
trimonio, tamen, si contraxerit, non est retractandum.
tex. est in c. consuluit. qui cler. vel vou. matrimo.

VICESIMO SECVNDO, Quemadmodum sa-
cerdotij gradum persequi & obtinere non potest is,
qui matrimonij nexu tenetur, c. assumi. 28. distinct.
Ita, qui sacerdos, aut presbyter est, post consecratio-
nem nullomodo potest matrimonium contrahere.
c. presbyteris. 27. distinct. & c. quoniam presbyteri.
28. distinct. cū cæteris capitulis vtriusque distinctio-
nis, quæ in hanc rem conscripta sunt, & ex grauissi-
mis

mīs iuris desumpta. Tyraq. xv. lege connub. rume. 57.
ex Eusebio Cæsariensi refert Moſen atq; eius fratrem
Aaron, antequam à Domino compellarentur, vxor-
es habuiſſe, & filios genuiſſe, ſed poſtquam diuino-
rum verborum & oraculorum facti ſunt participes,
amplius rei vxoriæ, aut filiorum procreationi non
vacafſe: ſed pudicitiz. & in eandem rem multa con-
geſſit præclara & digna, quæ legantur. Quòd ſi præ-
byter matrimonium contraxit, ab ordine remouen-
dus eſt, & diuertere debet: huncq; extra eccleſiā eiſci,
& ad pœnitentiam inter laicos redigi decreuit concilium
Neocæſarienſe. c. præbyter. 28. diſt. nec huiuſmo-
di coniunctiones matrimonia dicenda ſunt, ſed con-
tubernia. de pœnis autem indiſtis diſpensare poteſt
epiſcopus. c. ſanè ſacerdotes. de cler. coniugat.

VICESIMOTERTIO, Diaconi & ſubdiaconi
poſt ſuſceptos id genus ordines, aut horum alterum
matrimonio renuntiaſſe cenſentur: nec ad id admit-
tuntur. c. j. & c. ij. qui cler. vel vou. matri. c. Diaconi. c.
quando. & c. j. & ij. 28. diſtin. & c. Diaconus. 27. diſtinc.
plures in idem canones conſcripti ſunt. 17. q. 1. & 2. &
27. q. 1. Clerici autem ſimplices, qui neq; ſubdiaconi,
neq; diaconi facti ſunt, neq; item religionem profeſ-
ſi, id liberè poſſunt, cùm de numero prohibitorum
non ſint. c. cum apud ſedem. de ſponſalib. & matrim.
Id expreſſe permiſſum eſt in c. j. de cleric. coniug. Sed
priuatur beneficijs, ſi quæ habeat tempore contracti
matrimonij. c. quòd ad te. & c. diuerſis. co. tit. Illaq; pri-
uatio tantum habet locum, cùm matrimonium con-
tractum eſt, id eſt nuptijs, aut præſenti conſenſu ini-
tum. d. c. diuerſis. ibi matrimonia contraxerunt, & d. c.

*Diaconi aut
ſubdiaconi ma-
trimo.*

*Clerici ſim-
plices matri-
mo.*

*Clericum con-
iugatum quā
do beneficia
perdat.*

*Clericum cō-
iugatus quā
do priuile-
gia retinet.*

quod ad te.ibi, vxorem accipiunt. Nec simpliciter fa-
cta promissio contrahendi sufficeret ad priuationem
beneficiorum. c. ex literis. de sponsal. & matrimo. Vi-
tissim, sic facti coniuges possunt repetere, quòd cleri-
catus perpetui causa, & ob beneficia accepta in eccle-
siam contulerunt, d. c. quod ad te. in fin. Retinent au-
tem priuilegia clericatus, etiamsi tonsuram non fe-
rant, c. Ioannes. & c. ex parte. eò. tit. Eaq; in delictis ho-
die vsus haëtenus obseruauit, si illi poligami facti
non sunt, aut viduam non duxerunt vxorem, aut
aliam, quàm virginem: si item vxorem virginem su-
sceptam adulterari pasci non sunt, idest quæsti non
sunt: vt refert Aufrer. in clemen. j. de offi. ord. Si item
in negotia sordida se non contulerunt, artes scenicas,
aut artificia, quæ dignitati clericali non conueniunt:
si se quis se non immiscuerunt, idest, stipendia militaria
non meruerunt, aut curam in facinorosos animad-
uertendi non gesserunt. Pro his, quantum ad viles
quæstus legitur præclara constitutio Reg. Philip. pul-
chr. lata Paris. anno 1274. quæ tales priuatos eo priui-
legio sine præcedenti monitione constituit. Quan-
tum ad emerita stipendia vsus ita obseruat, quantun-
cunque militatum sit, nisi stipendijs ex aere publico
constitutis id actum sit, nihil huic priuilegio elapsum
videri: vt not. Imbert. lib. iij. §. super hæc.

*Cognatio spi-
ritualis im-
pedit matri-
monium.*

Patrimus.

VICESIMO QUARTO, Superant agnationis &
affinitatis nexus: & quia spiritualis maioris est obser-
uantia, quàm realis, vt dicit glo. rubricaria in tit. de co-
gna. spirit. & iustum præstat nuptijs impedimentum,
ei primas iure deferendas putauimus. Illum, qui in-
fantem de sacro fonte suscepit, patrimonium corrupto
vocab

vocabulo dicimus: cum sit patrimus propriè is, qui adhuc patrem viuentem habet, aut qui filiusfamilias & pater sit. Hunc alij patrinum, alij patrem lustricum vocant: cum lustricus dies olim esset ijs, quo infantes lustrabantur, & nomen accipiebant, eratq; dies masculini nonus, puellæ octauus: vt Macrobi. libr. j. Saturnal. declarat. Id præfari visum est, etiam si vulgaribus vocabulis rem differere cogamur.

*Patrinus.
Pater lustrici
die.*

LEX ciuilis patrinorum & matrinarum certum modum, aut numerum non præscripsit, horum tamen meminit in l. si quis alumnam. C. de nupt. vbi cognitionis huius nexum, Deo mediante, fieri Iustinianus Imperator rescribit. Canones verò decernunt vnum patrinum, & matrinam vnam duntaxat accersiri. c. non plures. de consec. distinct. 4. Si tamen plures adhibeantur, non damnant, neq; improbant: imo inter hos plures, quàm deceat, cognitionem spiritualem contrahi volunt. c. fina. de cognat. spirit.

*Patrinorum
numerus.*

Ad gradus venio. Primò patrinus non potest eam habere vxorem, quam de fonte baptismi extulit: licet alumnam, quæ loco filiæ est, habere possit: text. est in d. l. si quis alumnam. C. de nup. Secundò, inter patrem baptizati & vxorem patrini matrimonium iustum non est, si patrinus, & patris eius, qui baptizatus est, vxor decesserint. c. Martinus. de cognat. spirit. Tertiò, inter baptizatum & vxorem patrini idem erit: c. j. eo. tit. lib. vj. Quartò, inter patrem baptizati & matrinam idem est: c. veniens. eo. tit. & c. j. eo. lib. vj. Quintò, si sacerdos baptizans habeat ante professum sacerdotium filium legitimum & naturalem, ille cum baptizata non poterit matrimonium inire: neq; vicissim filia cum

*Cognatio spi-
ritualis quæ
matrimo. in-
pediat.*

cum baptizato nubere: c. si illo tit. Sexto, filij duorum compatrum, quorum filiorum alter est, qui è baptismo susceptus est, iuste copulari non possunt: imo copulati separandi sunt: c. tua nos. de cognat. spirit. Alij verò filij præter baptizatum iuste possunt: c. i. qui matrimonio accus. poss. Septimò, masculus & femina patrinus & matrina simul infantem de sacro fonte effe-
 rentes non prohibentur à matrimonio. & hæc fuit opinio Innoc. & facit text. & glo. in c. si. 30. q. 4. Mari-
 tus enim & vxor bene consulti patrinus & matrina eiusdem infantis fieri non debent: non eo quidem, quod matrimonium eorum disturbetur, sed ad te-
 gendam vulgi opinionem factum id infamantis, idq; licet iniuste, non tamen cōtra publicam honestatem. & hæc declarat Abb. Sicut. in c. Martinus. de cognat. spirit. Octauò, eadem dicenda sunt & obseruanda de sacramento confirmationis, cum eius causa iisdem modis contrahatur cognatio. c. i. §. fina. eod. tit. libr. vj.

De v o præterea adijciam: primò, quòd oportet ad impedimenti huius spiritualis existentiam, vnum de duobus coniugibus vetitis esse aut baptizatum, aut patrinum vxoremvè eius, aut matrinarum, aut eius maritum, cum vltra has personas illa cognatio nō progrediatur. c. i. ibi, excepta illa persona duntaxat, per quam ad compaternitatem venit. eo. tit. & licet his verbis canonicis hæc tantum cognatio exprimat: sua tamen huic cognitioni affinitas est. d. c. Martinus. quæ non attenditur. Possum etenim vxore mea defuncta eam habere vxorem, quæ commater fuit vxoris meæ defunctæ ante matrimoniū nostrum. c. post vxoris obitum. 30. q. 4. Item possum matrimonium contrah

*Coniuges sa-
 Eli spirituali-
 liter cognati
 nō diuerſi.*

*Confirmat. sa-
 cramentum
 impedit ma-
 trimon.*

*Cognatio spi-
 ritualis de-
 claratio.*

contrahere cum sorore filij mei spiritualis. c.fi.30.q.3.
 aut cum filia spirituali filij mei. glo.in d.c.fi.Secundò,
 quòd compaternitas superueniens nihil disturbat ma-
 trimonium: c.contracto. eod.tit. etiam si sit inter vi-
 rum & vxorem: & siue scienter, siue ignoranter con-
 tracta sit, nihil attenditur.c.fi vir vel mulier.eod.tit.&
 c.per cathecismum.eod.tit.lib.vj.

VICESIMO QVINTO, Inter hos & affines iure
 referendi sunt: hi enim, vt Modestinus ait, sunt viri
 & vxoris cognati, dicti ab eo, quod duæ cognatio-
 nes, quæ diuersæ inter se erant, per nuptias copulan-
 tur, & altera ad alterius cognationis finem accedit:
 nanque coniungendæ affinitatis causa fit ex nuptijs.l.
 non facilè.§.affines.ff.de gradib.affi.& Cicer.sequun-
 tur, inquit, connubia & affinitates, ex quibus etiam
 plures propinqui. Hi olim nihil à matrimonio in-
 eundo prohibiti sunt: imo, iure diuino, ad id ferè co-
 acti sunt. idq; ius retinuerunt Aegiptij ad tempora
 Zenonis Imperatoris. Sed hodie tam lex civilis, quàm
 pontificia id prorsus substulit: l.licet quidam.l.fratris
 vxorem. C.de incest.nupt. l.qui in adoptionem.ff.de
 adoptio.c.ad audientiam. de sponsal.c.discretionem.
 & c.tuæ.de eo qui cogno.confang. Ad hæc notabilis
 historia summi & beatissimi Prophetæ bea. Ioann.
 Baptistæ, in quo, Hærodis testimonio, virtutes opera-
 bantur, & quem ipse Hærodes, propter Hærodiadem
 vxorem fratris sui, corripuit & decollauit: dixerat
 enim Hærodi, non licet eam tibi vxorem habere.
 Quæ res sine graui vindicta non fuit: prout & solet
 delictum id genus secum asferre insignes pœnas, easq;
 in multam generationem diuturnas. Tranquill. in

*Affinitas
matrimo. im-
pedie.*

*Affinitas con-
iugij pœna.*

Tito Vespas. alioqui dignissimo, qui diutius viueret ob suauitatem morum & imperandi gratiam, refert eundem febrim nactum & moribundum, cum lectica transferretur, suspexisse, dimotis plagulis, cœlum, multumq; conquestum sibi vitam eripi immerenti, neq; extare vllum suum factum pœnitendum, excepto dūtaxat vno: quod, quale fuerit, neq; tunc prodidisse: quibusdā tamen succurrisse in opinionem, bonū imperatorem recordatū consuetudinem, quam cum fratris vxore Domitia habuerat. Claudius Cæsar temulentus aliquando detestatus est coniugium impudicum, quod cum Agrippina Germanici fratris sui filia inierat contra legem, idq; sibi infelicitur cecidit.

*Affinitatis
gradus secū
dum leges.*

AFFINITAS olim proprie gradus nullos habuit: affinesq; tantum fuerunt, socer, socrus, gener, nurus, nouerca, vitricus, priuignus, priuigna: l. non facile. §. affines. versicu. nomina. ff. de gradib. affi. & quia vir & vxor in horum numerum adscripti non sunt, affines dici non debent, sed ceterorum affinium causa: vt dicit Accurs. in glos. ibidem, in verb. ex nuptijs. idem in sponso & sponsa. vt notat glos. in l. seruus. in verb. affinitas. ff. de condiēt. ob caus. facit text. in c. j. de sponsalib. & matrimo. lib. vj. Sed improprie per gradus affinitas distincta est: vt scilicet eodem gradu sit ille mihi, aut vxori meæ affinis, quo huic aut mihi respectiue cognatus est: l. Iurisconsultus. in princ. illo titu.

*Affinitatis
gradus secū
dū canones.*

glos. in d. §. affines. in verb. nulli sunt. Iure pontificio gradus certi dati sunt & ordine descripti: inq; quartum gradum progreditur eo iure matrimonij inhibito. c. j. de consang. & affinit. Olim extendebatur de sobole suscepta ex primis nuptijs ad susceptam ex secun

secundis, idest, cum sint quatuor genera affinitatis, in nullo contrahere licuit. Ecce, vxor fratris mei vidua nullum potest habere maritum eorum, quos usq; ad quartum gradū maritus consanguineos habuit: quia horum, eodem gradu, affinis est, quo fuit maritus consanguineus. & id primum est affinitatis genus: nullumq; aliud prohibitum, siue de fratris vxore, quæ fratria dicitur: siue de nepotis, quæ nurus: siue de pronepotis, quæ pronurus, quærat. Si illa autē fratris vxor facta vidua cum alio nubat, ille alius mihi affinis est secundo affinitatis genere. aut si antequam cum fratre nupisset, cum alio mihi extraneo nupserat, vtriusque tam primi, quàm tertij viri filij nulla me attinent affinitate. Item, & licet vxoris meæ filius, cui ego vitricus sum, ille vicissim mihi priuignus, & affinis est: nulli tamen meorum affinis est. Item frater vxoris meæ licet mihi, liberisq; meis affinis est, sorori meæ tamen, neq; vlli alij ex mihi transuersalibus est. Adeò, vt reperiatis hos tantum affinitatis ius habere, qui cum nobis, aut nostris matrimonio copulati sunt: ceteros verò, qui neq; coniuges, neq; coniugum filij sunt, non habere. idq; est, quod Modestinus in d.l. non facile. §. hos ita. voluit dicere, vt scilicet his qui affinitatis causa parentum loco aut liberorum habentur, copulari nefas esse. in quo fratria, aut leuir omisi addendi sunt. facit c. coniunctiones. 35. q. 3. Cæteri verò, vt consanguinei aut filij mariti, cum vxoris consanguineis & filiis ritè matrimonium cōtrahunt. c. quod super his. de consang. & affinit. Hæc & alia plura in rem hanc congescit glos. in c. non debet. in verb. in secundo. de consang. & affinit.

*Affinitas
an ex coi-
tu meretri-
cio quara-
etur.*

AD hanc sciendum est olim affinitatem non fuisse, ubi nuptiae erant interdictae, ex quibus tantum affinitas sumpta est. verba sunt Modestini in d.l. non facile. §. sciendum. Sczuola tamen sentijt, nihil interesse ex iustis nuptijs cognatio descendat, an ex alia quavis coniunctione. nam & vulgò quæsitam sororem nemo potest vxorem ducere; verba sunt Sczuolæ in l. & nihil. ff. de rit. nupt. facit l. j. in fi. cum gl. fi. ff. de concub. & §. affinitatis. institu. de nupt. Id vberius Paulus Iurisconsult. in contrahendis, inquit, matrimonijs naturale ius, & pudor inspicienda sunt; contra pudorem certè est, patrem etiam vulgò quæsitam filiam vxorem ducere. L. adoptius. §. j. versic. vnde; nec vulgò quæsitam: illo tit. lex Imperatoria id absolute vetuit: affinitatemq; ex quocunq; coitu siue nuptiali, siue meretricio obseruauit. l. liberi concubinas. C. de nupt. ubi Alex. Imperator quodammodo infert nuptijs id genus diuortium necessarium esse, qui has re & verbis execratur, stuprumq; dicit, & contra Christianam religionem actas. Iure canonico impediuntur. d. c. debet. c. nec eam. 35. q. 3. tamen si pendente matrimonio affinitas incidat ex damnata causa, matrimonium secundum iuris regulas contractum non distubatur. c. discretionem. cum glos. in verb. nec affinitas. c. tuz. & c. fin. de eo, qui cogno. consang. vxo.

*Cognatio le-
galis quado
matrimonio cõ-
trahatur.*

VICESIMO SEXTO, licet filius arrogatus, aut adoptatus nobis agnascitur, & nostris fiat cognatus. l. qui in adoptionem. in princ. ff. de adop. tamen, quia non ius sanguinis sed agnationis tantum affert familiæ nostræ, agnasci duntaxat censetur: & quandiu de familia adoptantis est, eius filius frater est, nuptiaq; eorum

eorum prohibitz sunt. d. l. qui in adoptionem. lex ciuiles ita subduxit. Siue familiam sequatur, siue eam deferat, semper nefas existimauit lex, eam vxorem ducere, quæ per adoptionem filia, neptisue esse cœperit. l. quinetiam. in princip. ff. de rit. nupt. Item & licet adoptantis vxor adoptato matris loco non sit, d. l. qui in adoptionem. tamen illam ducere non potest: quia nouercæ locum habet. l. adoptiuus. in princip. ff. de rit. nuptia. Imô, & vxorem filij adoptati pater non habebit, etiam post emancipationem: quoniam aliquando nurus eius fuit. §. hæc adeo. instit. de nupt. facit præclarus tex. in l. extraneo. §. fin. & in l. vnus facinoris. §. seruus in caput Domini. ff. de quæstio. & in l. seruos non solum. C. eo. tit. Quantum ad cæteros, siue de familia, siue extra familiam, per adoptionem quæ sita fraternitas impedit nuptias, donec manet adoptio: illa verò soluta non impedit: aut etiam si soluta non sit, nuptiæ inter filium adoptatum & filiam adoptantis ante adoptionem emancipatam tolerantur. l. per adoptionem. illo titul. & quia per adoptionem non fit auunculus, sororis filiam adoptiuus nullo casu prohibetur vxorem habere. l. si qua mihi. §. adoptiuus. ff. de rit. nupt. & §. eius verò mulieris. instit. de nup. & in his maior est prohibitio descendentium & ascendentium, quàm collateralium. d. l. per adoptionem. §. amitam. Canones non ita curiosè rem decernunt: sed duntaxat sororis legitimæ & naturalis, & fratris adoptiui matrimonium iustum non esse statuunt, si durat adoptio: quòd si soluta sit, iustum esse. Doctores dubitant, an si contra iuris prohibitionem matrimonia id genus contracta sint, disturbentur?

quidam tenent subsistere, ea causa, quòd impedimentum sit temporale. & breui duraturum. Hugo. tenet non subsistere, nihilomagus, ac si cum ea, quæ alij nupserat, contractum sit. licet enim durante temporali impedimento, quod est, quandiu viuit maritus, illicitum sit, licitum tamen esset futurum, quando vita defungi maritum continget. Sed omni tempore iniustum est. prima sententia sanior visa est.

*Consanguini-
tas matrimo-
nium impe-
dit.*

VICESIMO SEPTIMO, Vt tandem ad cognitionem veniamus, quam ad postremum ex iudultria reseruauimus. Antiquo iure nemini licuit contrahere matrimonium cum filia, nepte, pronepte, aut matre, auia, proauia : & ex latere, amita, matertera, sorore, sororisq; filia, & ex ea nepte : præterea fratris filia, & ex ea nepte. l. nemini. C. de nupt. idq; in infinitum. l. sororis. & l. fin. ff. de rit. nuptiar. adeo, vt quemadmodum dicit glos. in d. l. nemini. Si reuixisset Adam, ad coelibatum fuisset constrictus, cum nulla fuerat eo iure, cum qua matrimonium inire iustè potuisset : & id verum erat respectu descendantium. §. inter eas. & ibi glos. instit. de nupt. Dissimile fuit inter collaterales: quia solus primus gradus impedimentum habuit idest, vt frater sororem, aut eius filiam, & ex ea neptem, & sic deinceps, aut descendendo, aut ascendendo non posset habere uxorem. Claudius Cæsar illecebris Agrippinæ Germanici fratris sui filia per ius osculi & blanditiarum occasiōem pellectus in amorem, cum illa nuptias confecit. & licet Senatusconsulto effecerit, vt cæteris talium coniugiorum venia data sit, reperti tamen non sunt præter vnum, aut duos libertum & alterum primipilarem, qui sequerentur exemplum : quod ad id tempus ea coniugia incesta

habita essent. cuius facinoris Imperatorem in reliquis
 fatis laudandum sub exitu vitæ poenituit, sibiq; in fatis
 palam dixerit, matrimonium impudicum, sed non
 impunitum haberi: quo territa Agrippina cœpit exitum
 viri parare. Contigit, vt boleto medicato per
 hanc domestico conuiuio Imperatori, talium ciborum
 auidissimo, oblato ille perierit. Cæteri tamen
 gradus non ita impediti sunt. Patruelles enim, idest,
 filij duorum fratrum, quos cognatos Germanos dicimus,
 aut consobrini, idest, duarum sororum, aut sororis
 & fratris filij matrimonium potuerunt contrahere.
 l. celebrandis. C. de nupt. & §. duorum. instit. de
 rit. nupt. Idem Claudius Cæsar post reiectas Plautiam
 & Petinam Valeriam, Messalinam Barbatæ Messalæ
 consobrini sui filiam in vxorem accepit, vt eo
 tempore licuit. Ius canonum legem civilem fuerat
 secutum ad gradum non tantum septimum, sed quam
 diu consanguinitas cognosci poterat: & de hoc sunt
 quatuor canones expressi, scilicet c. progeniem. c. in
 consanguinitate. c. in copulatione. & c. nulli. 35. q. 2. sed
 nouo iure hæc limitata sunt, vt scilicet hodie vltra
 quartum gradum non procedat prohibitio. c. non
 debet. de consanguin. & affinit. & etiam de quarto in
 quintum admittatur matrimonium, ita, vt qui in
 quarto gradu sunt, dimidiato gradu tantum distent
 à matrimonij permissione. c. fin. illo tit. Olim, in gradu
 prohibito nuptiæ fieri solebant ex principis indulgentia:
 & eo modo de iniustis nuptijs iustæ fiebant. l. si senatori. ff. de rit. nupt. & l. fin. C. si nupt. ex
 rescript. pet. facit in arg. l. adoptio. ij. ff. de adoptio. Sed
 Pontifex Max. talia, vt æquum fuit, beneficij sui fecit.

*Patruelles
 aut consobrini
 potuerunt
 inuicem nubere.*

*Consanguinitas quatenus
 nubere
 impediatur.*

*Pontifex
summ. quan
do matrimo.
gratiā facit.*

*Consanguini
tatis gra
dum com
putatio.*

*Princeps ma
tri gratiam
quado facit.*

*Consanguini
tatis gra
dum copu
latio.*

c.liceat.de restit.spoliato.vbi enumerantur casus, quibus id ille possit. Aduerte illum talia tantum posse, cū de canonico impedimento agitur: vt si de excusandis, quæ ab ecclesia interdicta sunt. Contra est, si de civili impedimento quærat, vt de matrimonio inter curatorem & adultam, raptorem & raptam, cæterisq; id genus, quæ canones nihil curarunt: princeps enim horum gratiam facit: l. si tutor. C. de interd. mat. idq; hodie obseruandum est.

PRO graduum computatione obseruandæ sunt lineæ tres, ascendentium, descendentium, & transuersalium. Quantum ad priores duas inter vtrunque ius conuenit, & similis est computatio. vt scilicet respectu ascendentium, pater sit primus gradus: descendentium, filius: l. prima. §. primo gradu sunt suprà pater & mater: at infrà filius & filia. & l. Iurisconsultus. §. nunc singulos. ff. de gradib. affinit. Sed transuersales enumerando, differunt. Canones enim fratrem & sororem primo gradu collocant: leges secundo. Sed obtinuit computatio canonica, vt formam det matrimonijs ad gradum certum, vt in linea ascendentium vsque ad abauum: descendentium vsque ad abnepotem: & transuersalium vsque ad fratris aut sororis abnepotem aut abnepotem: lic non ad exemplum successione, quæ ad decimum gradum progreditur. vt per glos. & Io. Fab. in auth. in successione. C. de suis & legit. hæredib. & glo. fi. in l. certum. C. vnde legit. Igitur superiori limitatione abrogatæ sunt d. l. nemini. & l. celebrandis. eoq; nouo iure hodie vtimur in matrimonijs tam respectu lineæ directæ, quàm transuersalis. Illa enim omni casu restricta sunt: hæc ampliata.

ta. Lex ciuilis in consobrinis, qui in secundo transuersalium gradu sunt, variauit prisco iure. Inter hos matrimonium iustum non erat: & eadem forma transuersales, qua directi contrahebant: sed postmodum succurrit effrenata licentia, magis quam iusta, consobrinorum & fratrum patruelium promiscuæ coniunctionis l. si neptem ex filio. & l. non solum. ff. de rit. nupt. Canonica lex eos omnes gradus cognationis similes fecit, & ad ius primum reuocauit. c. cum igitur. 35. q. prima. & d. c. debet. idq; consuluit naturale ius & publicus pudor. arg. l. adoptiuus. §. primo. ff. de rit. nupt. Impedimentum id genus inter cetera præcipuum fuit: & ob id incestus turpitudinem & infamiam contra scienter contrahentes pœnæ plures indictæ sunt. l. incestus. ff. de rit. nupt. l. qui contra. C. de incest. nupt. §. si aduersus. instit. de nupt. Insuper, & matrimonia talia iuuâtes aut sollicitantes. hisq; astantes, si sciuerint, & non denunciauerint, infames sunt. c. consanguineorum. prima. q. 3. item & excommunicati sunt, cle. prima. de sponsalib. Excepti tamen sunt, tam viri, quam feminae, quos error non affectatus aut insimulatus, aut ætatis lubricum excusare potest. vt dicit tex. in d. l. qui contra. Sufficitq; ad excusationem. alterius ignorantia, & ad id Martianus, delinquunt, inquit, qui prohibitas nuptias contrahunt, & merito sunt puniendi: imputari tamen non potest mulieri, quæ decepta est. in l. si ff. de leg. primo. in idem tex. in l. cum hic status. §. si. ff. de donat. int. vir. & vxor. Imperatores Marcus & Luscus Tertullia, quæ auunculo nupserat ignorans, & sic in secundo transuersalium ascendentium gradu, & quadraginta annis in

Consanguineorum nuptentium pœna.

Consanguinei nubentes qui excusantur.

Filij legitimi ex incesto matrimo-

matrimonio fuerat, rescripserunt, se confirmare statum liberorum ex eo matrimonio susceptorum, quod palam contractum erat, perinde ac si legitimè concepti essent: casus est l. qui in provincia. §. fin. ff. de rit. nupt. matrimonium verò ipsi non confirmarunt, prout nec fieri debuit: nec illud semel illegitimè factum vltimo annorum numero defendi potest: cum diuturnitas temporum non minuat peccatum, sed augeat tantoq; fiat grauior offensa, quanto diutius infœlicem animam detinet alligatam: verba sunt Innocen. III. ex concilio generali, in d. c. non debet. in fin. Quod si errore comperto, & vbi ventum erit ad legitimos annos, perseueretur in eo matrimonio, perfecta est coniugum malitia: illiq; pœnas prorsus excipiunt, d. l. qui contra. Debent enim coniunctionem incestuosam statim dirimere, si excusationum superiorum fructum consequi volunt: alioquin ad diuortium coacti sua turpitudine excusationes perdunt.

*Consanguin.
coniugii filij
quando sint
legitimi.*

AD filiorum statum obseruari consuevit, vt si palam est contractum matrimonium, & nuptiæ solenniter celebratæ, eo casu ignorantia alterius impedit, ne liberi incestuosi sint, sed sint legitimi: cap. ij. c. ex tenore. c. referente. qui fil. sint legit. Idem erit, etiam si sciat vterque, & summus Pontifex huius gratiam fecerit, siue ante contractum concedendo, quod fit rarius, & ex magna causa, siue post cognitam agnationem confirmando: c. per venerabilem. cod. tit. Quod si clam id actum est, eo casu, etiam si vterque vitium rei nesciat, nihilominus filij incestuosi sunt, & legitimum statum habere non possunt. c. cum inhibitio. de clandestini. desponsatio. & glos. in d. cap. referente. in verb.

igno

ignorantiam.in fin.& in rem hanc Paul. ad Senatuf-
consultum Iulianum, qui vxorem, inquit, duxerit,
quam vetatur: vel affinem, quam impeditur, si qui-
dem palàm fecerit, leuius; si clàm hoc commiserit,
grauius, puniatur. cuius diuersitatis illa ratio est circa
matrimonium, quod ex latere non benè contrahitur:
quòd palàm delinquentes, vt errantes excusantur: clam
committentes, vt contumaces plectuntur. Hactenus
Jurisconsul.in l.fin.ff.de rit.nupt. Et licet pompa nu-
ptialis parum profit matrimonio, l.si donationum.
C.de nupt. tamen si actui addatur, facit, vt palàm
fieri dicatur, actumq; celebret. cap.peruenit. qui fil.
sint legit.

*Nuptialis
pompa quid
profit.*

HABES rationem matrimonij incundi, tum & in
eo incundo mœchandi: & quia scio quæstionem in-
ter viduam, & mariti hæredem apud me his diebus
constitutam, quæ ad postremum articulum multum
facit, visum est non prætermittere. Vidua dotem am-
plam sanè, eiusq; augmentum, post annum, & vbi elu-
xit, ex composito repetit. Hæres prorsus controuer-
tit. Causas habet speciosas quidem, & iure, vt vide-
tur, sibi datas. Matrimonium incestum fuisse inter
duarum sororum abnepotes, qui quartus gradus est,
sicq; contra regulas iuris: d.c. non debet. & c. fi. de con-
sangu. virum defunctum, pendente coniugio, post-
quam vitium id sibi compertum fuit, multo pere con-
questum: tum & patrem viduæ curatorem mariti id
matrimonium sollicitasse, cum esset huius adulti sui
reliquo, item & cognationem sciens. Primam cau-
sam iuuat, quòd viduam impedimentum scisse asse-
rit, seq; mutuo ante matrimonium virum & foemi-

*Consanguineorum con-
iugij casus.*

*Cognationis
scicntia quo-
modo prasu-
mat.*

nam cognationis honore denominasse: eorumq; maiores verbis id semper confirmasse: ideo rem esse definiendam secundum legem, qui contra: canonum sancita tantum obseruari, cum de matrimonio quæritur: hic agi duntaxat de dote, & huius causam, vt ciuilem, lege ciuili expediri debere: nec ad canones reuocandam esse. Si igitur matrimonium nullum fuit, porro si incestuosum, ex eo neque dotem deberi, neque repeti posse: l. à diuo pio. & l. dote. ff. de rit. nupt. vxorem scientem, idq; ex secunda causa, dotem perdidisse, nec igitur augmentum doti accessisse: idq; nullo modo consecuturam esse: d. l. qui contra. Imò, cum incestu nuptiarum dotem non habeant, omne quod perceptum erit, etiam si fructuum nomine perceptum est, auferri. l. incestu. ff. de rit. nupt.

VIDVA actioni suæ contra nitebatur his armis. Cognationem negabat, nescisse asserebat. Se in prima adolescentia nupsisse ætatis duodecim annorum: lege idcirco excusari, etiam si cognatio fuit. d. l. qui contra. Tum, & nuptias palàm fuisse actas cum pompa solenni, nihil ideo malè præsumi: l. si. ff. de rit. nup. Sacerdoti matrimonij vola confirmanti neminem denunciauisset impedimentum, licet parentes & amici magno numero assisterent: imo fratrem viri & hodie hæredem præsentem & cum cæteris, solita interpellatione, de impedimento interrogatum à sacerdote non tantum subticuisse, sed palàm omnia ritè fieri asseruisse: amplius idcirco non esse audiendum. l. si vt proponis. C. de nupt. & c. si. qui matrimo. accus. poss. Tertiò, his silentium iure imponi, qui lucri gratia accusant matrimonium, siue directè, siue per exceptionem:

*Matrimonij
incesti ex
prio quando
nō admitti-
tur.*

nem: adeo, vt ferendus non sit, qui dotem repetenti post matrimonij dissolutionem, excipit de matrimo-
nio incesto, aut aliàs nullo. Occurrendū eatenus ho-
minum malitijs esse, vt quæstus non præferatur. c.
prohibentur. 2. q. 1. & c. significante. qui matrimo. ac-
cus. poss. Quarto, nihil prorsus facere, si maritus vi-
uens impedimentum sit testatus & vtcunq; conque-
stus: quia, etiam si publicè egisset cum totius vicinix
fama, nihil erat matrimonio detracturus: cum ei cre-
ditum non esset. c. super eo. de eo qui cogno. Debuit
enim matrimonium accusari ad separationem, ob
positam cognationem, quæ per eos duntaxat testes
potuit probari, qui stipitem nouerunt, idest, patrem
& germanos: & eos suis proprijs & certis nomini-
bus designent: nihil auditu fulciant, sed scisse, vidisse,
nouisse asserant: vt declarat text. in c. tua nos. de con-
sang. & affinit. Testes autem cum delectu assumendi
sunt, hijq; primo loco, qui parentes sint: qui si defi-
ciant, admittuntur, qui proximo loco sunt. verisimile
etenim est, vnunquenq; maiores suos testibus, chartis,
seniorum recitatione, & cæteris modis scire uelle, idq;
curasse. Et inter hos pater, mater, frater, & alij testes
idonei sunt, nec eleuari possunt: c. videtur. qui matrimo.
accus. poss. Et ad id notandum est, quòd assertio
vnus impedimentum denunciantis non impedit ma-
trimonium contrahi, nisi fidedigni & grauis: c. cum
in tua. & c. præterea. de sponsalib. & matrimo. Quod
si de contracto matrimonio agatur, vnus etiam iu-
ratissimi, & quantumuis honesti denunciatio nihil
attenditur. c. de illo. de eo, qui cogno. consang. vxor.
suz. Quintò, demus, inquit vidua, matrimonium fuisse;

*Cognationis
probatio quo
modo fiat.*

*Cognationē
denunciantis
vni quate-
nus creda-
tur.*

*Matrim. in-
cestum cum
ignorante al-
tero tenet.*

illicitum, tamen mea ignorantia probabili tenuit, ut
rite & palam contractum, cohabitatione quieta de-
inde consummatum, diu continuatum cum silentio
& ignorantia, morte postremo dissolutum: ideo id
hodie dicere nullum post mortē alterius coniugum,
cauillari magis est, quam denunciare. c. peruenit. qui
fil. sint legit. tex. in l. si ignorans. C. solut. matrim. & in
l. j. C. de condict. ob caus. Sextò, magis vrget, quod in
ea quæstione hæres de matrimonij statu audiendus
non est, cum de dote restituenda agatur. Matrimo-
nium enim, etiam inter viuentes incestum duraret,
quoad esset reuocatum, & ambo essent iudicio ince-
stus separati. Sed vbi pronunciatum nihil est, de ma-
trimonio, hæres suo iure non potest id tanquam nul-
lum dicere ex re sua & lucro ambizioso: c. porrò. de
diuort. Oporteret igitur, antequam possit de matri-
monio incesto excipi, id aut iudicio dissolutum, aut
sponte à coniugibus, re cognita ab eo discessum esse:
quia, ut nec sine consensu contrahi potest, ita nec dis-
trahi: causa tamen vitiosa consensum supplet diuor-
tij. l. si ut proponis. C. de nup. & d. c. porrò. Sic in hoc
negotio, vbi mors illud dissoluit sine iudicio, amplius
de eo quærendum non est: & ideo dotem non im-
pediri, cuius iudicium aliud & planè diuersum est, ut
quod ad iudicem temporalem pertineat, matrimonij
verò ad ecclesiasticum. c. causamq. secundo, qui fil. sint
legit. nec item cumulari possunt. d. c. porrò.

*Matrimoniū
incestū quo-
modo accusa-
tur.*

*Matrimoniū
incestū dos re-
stituitur.*

SEPTIMO, Idq; fortius, concedamus, inquit vidua,
matrimonium fuisse illicitum iudicio declaratum ob
consanguinitatem, nihilominus dos debet restitui.
text. est in l. præfectus. §. si. ff. de rit. nupt. & in l. si tutor.

in fi.

in ſibi, & dos data per condiſtionem repeti poteſt. C. de interd. matrimo. facit l. j. C. de condiſt. ob cauſ. & l. ſi ignorans. C. ſolut. matrim. expreſſior eſt textus & in hanc rem nuncupatim ſpecialis in c. prudentia. de donat. inter vir. & vxor. vbi Clemens iij. Vos, inquit, conſanguinitatem inter eos inuenientes ſententiam diuortij tuliftis: de dote, quam à viro mulier repetebat, quicquam ſtatuerre diſtuliftis. Et paulò poſt, mandamus, quatenus virum monitione præmiſſa cogatis, vt vxori totam dotem, ſicut canonicum fuerit, reſtituere non moretur.

OCTAVO, Quoad augmentum dotis idem erit, vt ſcilicet cum dote repetatur, c. etſi neceſſe ſit. à contrario ſenſu. cum gloſ. magna. de donatio. inter vir. & vxor. Nam licet ibidem non debeat, quòd à viro ob id matrimonium, vxori donatum erat, tamen duæ cauſæ dantur, quarum expreſſio in cæteris omiſſis ius & regulam facit. Primò, quia maritus vxori caſtra duo donauerat & tradiderat retinenda in caſum, quo maritus ab ea diuerteret: quam pactionem lex improbat. l. ſi iſta ſtipulatio. ff. de verbo. oblig. & l. libera. C. de inutilib. ſtipulatio. & c. gemma. de ſponſal. & matrim. Secunda erat cauſa, quòd maritus renuebat parere ſententiæ diuortij, niſi vxor viciffim conſentiret donata caſtra ſibi reſtitui: ſic, vt conſanguinei ab illicito coniugio abirent, vxori fuit iniunctum, vt reſtitueret.

*Matrimonij
inceſti dotis
augmentum an
debeat.*

POSTREMO, quòd pater viduæ eſſet mariti curator & reliquator, nihil officere: cum primùm iure liceat, curatori filiam cum adulto ſuo collocare, vt ſuprà decimo caſu ſatis diximus. Secundùm nihil eam
attinere:

attinere: hæredi saluas esse actiones contra reliquatorem. Omiseram denominandi cognationis titulo vsum, quo illa neq; magis scire, neq; quid nouisse dignoscitur, id enini sæpe amicitie causa inter extraneos, aut certè inter eos, qui gradu citeriori distant, promiscuè vsurpatur, neq; certum gradum arguit.

DE HAC controuersia nihil adhuc diffinitum fuit, neque apertè mihi dicendum, quid ego sentiam. Sed cum videretur initio rem comperendinari posse, mea sententia prouidi viduz interim, dum de re quæritur, dotemq; & augmentum iussi restitui fideiubendo, Rebuffi opinionem secutus in constit. Ludo. 12. ar. 80. public. ann. 1499. in tract. de sent. prouision.

HÆC mihi videntur satis esse ad integritatem & vicissim ad corruptelam matrimonij: & ex superioribus cognitu facile, quomodo connubendo legem naturæ & sacramenti sequamur: tum & quomodo mœchissemus & adulteremur. Sequi debet aliud mœchandi genus, quod inter coniuges commune est.

DE ADULTERIO

inter coniuges.

*Coniuges in-
uicem mœ-
chissant.*



NIPSO coniugio, & cum coniuge committitur adulterium, si effuso affectu, non iudicio & prudentia amor vxorius exercetur: si regnet voluptatis impetus: si deniq; vxor turpiter, vt adultera, ametur. Nec refert, qua ex causa, siue honesta, siue obscœna quis insaniat: cum insanire semper turpe sit. Adulterium igitur est, vt ait Sext. Pythagoricus, si vxorem propriam vir deperit: & vicissim, si virum vxor. Ita declarat sanctus Hieronymus

ronymus contra Iouinia. & scriptum est in c. origo.
 32.q.4. Nempe origo amoris vxorij honesta fuit, con-
 iunctio laudabilis, effectus permissus. Nónne legistis,
 inquit CHRISTVS Matth. j. Quòd creauit Deus ab
 initio masculum & foemina: hos ergo quia con-
 iunxit, nemo separet. DEVS igitur huius coniunctio-
 nis autor est. At vsus ratio rem diffinit, vt si in illas
 tantum causas feratur, quæ præcipue sunt, vt proles
 habendæ, tum & scortationis euitandæ, bene est. c. si-
 cut non omnis. §. his ita. 32.q.2. Prima, inquit D. Hie-
 ronymus, institutio coniugij in paradisi facta est, vt
 esset immaculatus thorus, & sine ardore concupi-
 scentia concipiatur proles, Secunda propter mo-
 tum elimandum, quæ Pauli præcepto argumentum
 dedit, ita iubentis. Propter fornicationem vnusquisq;
 habeat vxorem suam: vnaqueq; habeat virum suum.
 Hæ igitur causæ eludendæ non sunt: alioqui si in ob-
 scœnam libidinem effluitur, coniugij facie, mœchari
 rectè dicitur: id est, falsò & fraude euenti instituti
 vera res adulteratur. In id Aposto. idem, Nolite, in-
 quit, fraudare inuicem, nisi forte ex consensu & ad
 tempus, vt expeditius vacetur orationi. Tẽpus enim,
 inquit Ecclesiastes, amplexandi est, & tempus longe
 se amouendi ab amplexibus. Ad id præclara est glos.
 in summa causæ. 33.q.4. Quòd qui diebus religiosis
 ad vxorem accedit alia causa, quàm vna ex duabus,
 legitimis, peccat mortaliter. Id repetit & locupletat
 Tyraquell. lege connub. xv. nume. 82. Alia sunt quæ
 inter coniuges contra pudicitiam committuntur, vt
 tactu, verbis, blanditijs, & luxuriæ ineptijs, quæ mere-
 tricia sunt, magis quàm honesta, lasciuire: c. nuptia-
 rum.

*Matrimonij
institutio, et
finis.*

*Coniugum
actus mere-
tricij.*

*Vxor virū
rogans.*

*Ænigma
Pythagor.
Vxor clam
adecunda.*

*Vxor quādo
nō adecunda.*

rum. 27. q. 1. Inter eos enim obseruanda est ea, quæ pu-
dicitia dicitur ab Vlpiano in l. mulier, quæ duobus.
§. penult. ibi, quod & mulieris pudicitia congruebat.
ff. ad Trebell. Neq; in fœmina decorum videbitur, si
ad coitum virum sollicitet, etiam si iure matrimonij
id possit. Lacena rogata num ad virum accessisset,
non, inquit, sed ille ad me. quo significauit, commer-
cium cum viro vxori expetendum non esse libidinis
causa, sed admittendum vt obtemperanti. Vicissim
marito ea modestia obseruanda est, vt non abeat à
Pythagorico ænigmate, quod olim iactatum est, neq;
sæpe homo ab homine. Præterea coniugibus id ma-
ximè obseruandum est, vt palam nihil luxurientur:
ideoq; inter Laconicas leges constitutum fuit, virum
ad vxorē accedentem, & exeuntem ne ab alijs videretur,
pudore affici. Sunt qui tradant senatorē à senatu
motum esse, quod filia præsentē vxorē esset auscultatus.
Ad hæc mœchari dicitur, qui vxorem, quæ recens
concepit, aut cuius venter iam intumuit, aut infantis nu-
tricem, aut menstruatā attingit. d. c. origo. vbi, imiten-
tur, inquit D. Hiero. saltem pecudes, & postquam
venter vxoris intumuerit, non perdant filios, nec ama-
tores se vxoribus præbeant, sed maritos. Hic non
congero, quibus legibus ritus hi matrimoniales exer-
cendi sunt. lectorem remitto ad Tyraquelli legem
connubialem x v. satis hic erit, maritum monuisse, vi-
tam id genus pro sacramēti dignitate transacturum,
si considerare bono animo velit causas, quibus illud
sacramentum institutum est, meminisseq; honesti, &
præcepti diuini: tum & incommodorum, quæ ma-
ximo corporis & animæ periculo sequi solent: po-
stremo,

stremò , quàm sit commodum salubre & honorificum, continenter & modestè agere, quàmq: ex diuerso turpe , damnosum , & præceptis suo solo appetitu beluarum more ferri. Venus enim , si ei aliquid tribuendū est, Venus,inquam, habet modestiam suam, habet rationem sibi iunctam comitem , non rationem tantum , sed rationis deum ipsum Mercurium: ut probè & appositè veteres depinxerunt. Non desunt qui scripserint marito licere contra vxorem obfistentem vim intendere: inter quos primi sunt Cyn. & Bald.in l.j.C.de rapt.virg. Alij sentiunt,maritum,si vxor malè affecta sit, idq: tepidè & cum gratia excuset, mœchari vim adhibendo videri. Nam utcuque res agatur , non puto verecundiæ nec dignitati conuenire, quicquam non iure facere: vis est & tunc, quotiens quis etiam suum non iure & ab inuito reposcit. l.extat. ff.quod vi metūve caus.& l.ij. de cano.larg.tit. lib.x.C.Nec rem liberè probarunt Cy.& Bald.sed, ut per Io.Fab.in d.l.j.numc.i.ad fin.eorum sententia est, maritum, qui vim in vxorem intulit, non teneri pœna dictæ l.vnicæ.C.de rapt.virg. quæ fuit impunitæ cædis in fragranti noxa intercepti: & alioquin vltimi supplicij. Maritus autem ab hoc genere pœnæ exceptus prorsus sine culpa esse non debet: mœchari autem dicitur. VICI SIM, sine culpa non est vxor, si maritum illiberaliter recuset: si contemptim refugiat: si superbè aspernitur , & non nisi caperata fronte admittat. Ea enim detractatione mœchari videbitur: cū illa, ex D. Pauli sententia , sui corporis potestatem non habeat, sed vir: & econtrà: ita decernunt canones in c.nosse desideras. 30.q.1. & c.sicut non omnis. 32.q.2.

*Veneri ratio
sua est.*

*Marito an li
ceat vi vxo
rem compri
mere.*

*Vxor mora
sa in culpa
est, & mœ
chatur.*

*Vxor in po
testate viri
est.*

Idq; viua voce Dominus vxori primæ indixit, sub viri, inquit, potestate eris, & ipse dominabitur tui. Ad id Mœdea Euripidis,

Nihil miserius fœminis, terra omnium,

Quacunq; viuunt, menteq; vigent, edidit.

Primum necesse est opibus immensis virum

Emerere: suiq; accipere dominum corporis.

Item & scitum Lacenæ, quæ cùm interpellantem reiecisset, illeq; instaret & improbaret eius contumaciam, quæreretq; cui & quando esset obsecuta, puella, inquit, matri: mulier viro. Quædam ad id obseruanda scripsit Petr. de bell. pert. in l. curatorem. C. de interd. matrimo. Parentes Saræ ab his ad maritum abeuntem osculati sunt, & dimiserunt monentes, vt honoraret soceros, diligeret maritum, regeret familiam, & seipsam irreprehensibilem exhiberet. Thobiz x.

Vxoris officium erga virum.

Vxoris officium est mariti legibus stare, hunc charissimum habere, efficereq; obsequijs, vt ab ipso redametur. Obsequia expresse runt Accurs. & Io. Fab. in §. j. instit. ad Tertul. & idem Fab. in l. j. C. de bon. mater. & in l. non sine. C. de bon. quæ liber. illa esse, quæ deferuntur à potestate, quam iure communi maritus in vxorem habet, quoad concubitus scilicet, & operas. De hac potestate summatim scripsimus in Burbon.

Vxoris opera in mariti re qua sint.

conf. §. clxx. Operarum id genus quasdam enumerat Io. And. in c. literas. de restitut. spoliat. vt vxor bonæ frugi sit: res mariti cogitatè tractet, conseruet, dissolui non ferat: obsonia marito accuret: ei caput & pedes proluat: præterea in commodum eius operetur. Id postremum quosdam torset. Dicunt enim, etiã verum esse cùm vxor artificio suo potest honestè quæst

quæstum facere, & tum demum potest maritus ab ea operam exigere. l. eius artificij. in princip. & l. hæ operæ. in princip. ff. de oper. lib. & l. si non sortem. §. si operas. ff. de condic. in deb. Recusantem verò alimentorum parcimonia mulctare : vt dicit Ioan. And. in d. c. literas. Sed Panormit. ibidem in fi. id moderatur, vt verum non sit, cum dotem magnam vxor detulit, quæ suppeditet ad cultum & victum familiæ : aut si vxor eius sit dignitatis & familiæ, vt inconueniens & indecorum sit artificium exequi, cibum parare, membra mariti lauare, & cætera id genus, quæ liceti iure debeantur, ipso tamen iure intercidunt : dicit tex. in l. interdum. prima. ff. de oper. liberto. cum, & si operæ ex obligatione petantur, tamen exigi & dari solent, quales ex ætate, dignitate, valetudine, necessitate, proposito, cæterisque paribus in vtraque persona æstimari solent. verba sunt Vlpiani in d. l. eius artificij. in fin. Albert. in l. quintus. ff. de donat. inter vir. & vxor. & Bal. in l. si vxor tua. C. de conditio. in fert. sentiunt, maritum vxori operas indicere non posse artificiales : illum verò tantum debere, vt dicunt, obsequiales & reuerentiales. facit l. sicut patronus. ibi, in officio mariti esse debet. ff. de oper. liberto. Et licet maior pars sentiat, vxori quæri, quæ ex artificio quæsitæ sunt. Bal. tamen properè magis, quàm consideratè id controuertit, & marito lucrum defert. nec dubitauit nouam sententiam ea iactatione eleuare magis quàm asserere, quod alibi non legerit. Boerius huius meminit amplius in decis. 81. in prima part. Negotium distinxit Bened. ad c. Raynutius. notula, cuid. pet. trad. numer. 99. ad opificia : idest, vt si lanicio aut pensorum tra-

*Proviandum
operari ve-
ratatio.*

*Opera offi-
ciales et arti-
ficiales vxo-
ris.*

ctu & ceteris id genus sibi peculiaribus. & mulieri accommodis, quædam quæsierit, marito quæsisse videbitur. d. l. sicut patronus. cum glossa in verb. esse debet. Quod si artem vulnerariam, ut sæpe fit, statuariam, aut aliam exerceat, quæ pecuniosa sit, & quæ mulieri naturaliter non contingat, quia artem huiusmodi in officium mariti impendere non tenetur, inde quæ sita sibi peculiararia iure fiunt. l. si vxor tua. C. de conditio. infert.

DE ADULTERIO.

*Adulterium
verum.*



*Adulteri
pena.*

*Adulter.
pena apud
Aegypt.*

LIV D succurrit mœchandi genus, quando alteruter coniugum societatem iuratam luxuria violat, alienum concubitum deligendo. Idq; scelus olim, ob libidinosum periurium & coniunctionis tam probatz iacturam, foedissimum habitum est, dignumq; supplicio, tam lege diuina, quàm hominum etiam ethnicorum sanctionibus. Lapidibus enim ad mortem obruti sunt eo conuicti; cùm antea igne cremarentur: & omni eo tempore semper pœna mortis fuit. Vnde dicebat Abimelech rex Palestinorum ad Isaac, de Rebecca vxore sua, quam mentitus fuerat ob pulchritudinem, sororem suam esse, quare imposuisti nobis? potuit coire quispiam cum vxore tua, & induxeras super nos grande peccatum: præcepitq; omni populo dicens, qui tetigerit hominis huius vxorem, morte morietur. Eadem pœna datur Leuit. 20. ibi, morte moriantur mœchus & adultera. infra clarius de pœnis dicturi sumus. Dyodorus Sicul. refert ex Aegyptiorum legibus, in adulterio spontaneo deprehensum solere vergis

virgis cædi ad mille plagas: mulierem verò naso mutilari : quòd si vis aderat, virilia viro execari. Existimabant enim id flagitium maximum, ex eoq; tria per peti, iniuriam, corruptelam, & liberorum confusio- nem. Demosthenes in Neræam tradit Athenis mo- rem esse adulterum solere vinciri, & apud sexuiros deferri à conquerente, datis sponsoribus, tum tradi accusatori conuictum, ense excepto, in prætorio, suo arbitrato tractandum. C. Iulius Cæsar libidinosissi- mus habitus est, & adeo frequens adulter, vt disti- chon à militibus liberè iactatum sit per Gallicum triumphum.

*Adulter.
pæna apud
Atheniens.*

*C. Iul. Cæs.
adulter, &
cucurra.*

Urbani seruare vxores, mæchum caluum adducimus.

Auro in Gallia stuprum emisti, hic sumpsti mutuum.

Quo loco sumpsisse mutuum stuprum Romæ Cæ- sarei milites iocabantur, quòd ex tribus vxoribus, quas ille habuisset, prima duntaxat Cornelia benè au- dierat. quam pro rostris defunctam laudauit cum Iu- lia amita : cæteræ verò stupri fama prægrauatæ sunt Pompeia & Calphurnia. In Corneliæ locum Pom- peiam duxit Q. Pompeij filiam, quam deinde repu- diauit adulteratam ratus à P. Clodio, quem inter pu- blicas cerimonias veste muliebri ad eam penetrasse mater Cæsaris Aurelia, & soror Iulia retulerunt. Et huius adulterij tam constans famæ opinio fuit, vt Senatusconsulto de sacris pollutis in Clodium sit quaestio constituta. Quò in negotio se modestissimè gessit Cæsar : hic enim, cum in reum testis citatus es- set, quamuis nouisset matrem & sororē omnia apud eosdem iudices ex fide retulisse, negauit tamen, se quic- quam comperisse : cumq; vrgerent iudices in causam diuortij,

*Lex Iul. de
adulter.*

*Vitiosi vi-
tiorum vin-
dices acerr-
mi.*

diuortij, quòd eapropter fecisset, meos, inquit, cenſeo tam ſuſpitione, quàm crimine carere oportere. Poſt hæc Calphurniam L. Piſonis filiam duxit vxorem. Idem Cæſar legem de adulterijs ſeueram & grauem conſcripſit : iuuit deinde & auxit Oëtaius Cæſar Auguſt. nepos qui hanc, dum publicaretur, auunculo Iulio, non ſibi adſcripſit. Iulius idem legem ſuam ſeuerius eſt executus : libertum enim ſuum gratiſſimum ob adulteratā equitis Romani vxorem, quamuis nullo quærente capitali pœna affecit. Ille enim adulterijs penè obrutus, vitij tamen acerrimus vltor fuit, more hominum, qui in vlciscendis vitijs, quibus ipſi vehementer indulgent, auſteri ſunt, & vt dicit Velleius Paterculus, familiare hominibus eſt, omnia ſibi ignoſcere, alijs autem nihil remittere. Vicifſim, ſolent benignius agere, qui vitijs affecti non ſunt, & à quibus illa aut ætate decurſa, aut fœliciore natura neglecta ſunt. Claudius Cæſar Plautiam Hercullanillam vxorem ob libidinum probra reiecit. Petinam denuo, ob leues quaſdam offenſas. Tertiò, Valeriam Meſſalinam, ob innumera flagitia atque dedecora ſupplicio affecit, confirmauitq; pro concione apud Prætorianos, quatenus matrimonia ſibi malè cederent, permanſurum in cœlibatu : & niſi permanſiſſet, non recuſaturum perfodi manibus ipſorum. Agrippinam tamen ex fratre neptem vxorem elegit ſubducto Senatusconſulto, quo tutior eſſet à cœlibatus prius dato iureiurando. Idem Imperator licet pudicitiz exemplis vtcunque laudatus in adulteros mitior fuit, hominem enim corruptelis adulterijsq; famoſum nihil amplius, quàm monuit, vt aut parcius ætatuſq; indulgeret,

geret, aut certè cautius. addiditq; quare enim ego scio, quam amicam habeas? Idem sub exitu vitæ mulierem quandam adulterij ream damnauit: quod cum sibi familiares & liberti commemorarent postridie, laudarentq; iudicium, pœnitentis signa dedit connubij illiciti Agrippinæ. Sed vt ad rem tandem veniam, adulterium propriè id est, quod in nuptam committitur, siue ab eo, qui vxorem habet, siue ab eo, qui non habet. l. Inter liberas. §. lex Iulia. ff. de adult. Præterea Seuerus & Antoni. rescripserunt, etiam sponsam adulterari, & adulterium vindicandum esse: quia neque matrimonium qualecunque, neque spem matrimonij violare permittitur: verba sunt Vlpia. in l. si vxor. §. diuus. ff. illo tit. facit l. propter violatam. ibi, nisi puella violata sponsa eius fuerit. C. eod. tit. & l. item apud. §. sponsum. ff. de iniur. Nec quæritur iustane sit vxor, aut sponsa: denuo, sit pudica, necne: quia qualis qualis sit, etiam quantumuis meretrix, cum vxor sit, adulterari citra mariti iniuriam non potest. Nam, vt Sex. Cecilius ait, lex Iulia ad omnia matrimonia pertinet: illudq; affert Homericum, nec soli Atridæ vxores suas amant. hæc leguntur in d. l. si vxor. in princip. & §. primo. Stuprum etenim, inquit Marcellus, intelligitur, etiam in his mulieribus esse, quæ turpiter viuerent, vulgoq; quæstum facerent, si non palàm. l. stuprum. ff. de rit. nupt. & ibidem notanda censeo verba hæc, si non palàm: quæ neque ab Accurs. neque à cæteris obseruata sunt: vt in casu contrariò ius faciant & regulam, vt scilicet si vxorem maritus ferat vulgò & palàm quæstum facere, leno sit: & ideo quæri non possit: cum ipse ex lenocinio pœnam meritis recriminari

Adulterium proprium.

Meretrix qua adulteretur impune.

Vidua meretrix impune stupratur.

Accusari vxor adulteris quando possit.

Vxor maritum adulteris non accusat nisi per exceptionem.

& adulterium retorquere non debeat. Indignum enim est, inquit Arcad. Imperator, si ultionem pudoris praestigia versuti iuris excludant. l. ita nobis. de adulter. C. Exclusae item foeminae sunt à stupri & adulterij sceleritate, quas vitæ vilitas dignas legum obseruatione non credidit. verba sunt text. in l. quæ adulterium. C. eod. tituli. facit l. si ea, quæ stupro. ibidem : quòd si clam meretricetur vxor, neque mariti dissimulatio obscena sit, etiam si illam suspectam habeat, in adulterum animaduertitur : d. l. si vxor. §. primo. alioqui nullum ferè adulterium erit pœna dignum, cum nisi impudica adulterari non possit. In vidua dissimile est : cum illa, si sui quæstum, etiam non palam faciat, impune stuprari possit. d. l. si vxor. §. primo. ibi, quamuis si vidua esset, impune in eam stuprum committeretur. neque enim digna videtur legis praesidio, quæ pudorem suum alienis libidinibus prostermit. d. l. si ea, quæ stupro. & l. fœdissimam. C. eod. Item, propriè adulter non dicitur is, qui solutam adiit, etiam vxorem habens. d. l. propter. in princip. Omni casu autem, siue sponsam, siue nuptam, viduam, siue pudicam, siue impudicam, siue vulgarem meretricem, siue virginem vi stuprare aut adulterare non licet. d. l. fœdissimam. Accusare vxorem de adulterio commissio, siue durante matrimonio, siue antequam nupta esset marito, licet. l. nuptam mihi. ff. eo. non tamen utroque casu iure mariti, sed tunc demum cum adulterata est in eo matrimonio, cuius maritus ille est. d. l. si vxor. §. si quis vxorem. vxori autem accusatio id genus permissa non est. l. prima. C. illo tit. iure tamen exceptionis hinc permissa est, contra maritum adulterij incusan

incusantem. d.l. si vxor. §. si iudex. & ea exceptione se
tuetur, impunitatemq; consequi debet ex sententia.
Quidam mulierem marito fide non adstringi putant,
si fidem ipse non obseruet. l. cum proponas. C. de pac.
& maximè cum vir, vt caput & exemplum vxoris, au
tor esse debeat modestiæ coniugalis. d.l. si vxor. §. si
iudex. Sed ea ratio adulteram vxorem nihil excusat,
cùm pudicitia exemplum à semetipsis recipere, & exe
qui teneantur, & tantum valet adulterij exceptio in
virum de dote, cùm de dote propter adulterium au
ferenda, aut de diuortio faciendo agitur: quia his ca
sibus compensatio turpitudinis admittitur. l. viro. &
l. cum mulier. ff. sol. matri. c. ex literis. & c. significasti. *Propter adulte
ra dotē per
dit.*
de diuort. alioqui dotem perdit adulterij conuicta, &
ob eam causam repudiata. Aequum est enim eam
carere cōmodo & dote, quibus se docuit indignam.
l. consensu. §. vir quoque. post auth. C. de repud. & c.
plerunque. de donat. inter vir. & vxo. & ibi glo. mag.
Præterea perdit bona parafernalia, glo. notabilis in d.
c. plerunque. Quæ tamen vera sunt, si accusatio adul
terij in vxorem perfecta sit, quia alio modo dotem,
aut paraferna non perdit: nec sufficeret per exceptio
nem adulterium mulieri dotem repetenti obijcere, vt
not. August. in add. ad Ange. de malefic. notul. Chai
me hai adul. la mia do. num. 29.

POENA in adulteros multiplex fuit. Lege diuina *Adulteri
pena secun
dum Deū.*
apud Ozeam vij. est concrematio. Omnes, inquit,
adulterantes quasi clibanus succensus. & Apocalip.
xxj. Erit pars eorum in stagno, sulphure, & igne ar
denti. Item & D. Pauli sententia fructu & spe vitæ
æternæ priuantur. Adulteri, inquit, regnum Dei non

*Adult. pœ-
na secundum
leges.*

*Adult. pœ-
na secundum
iur. nouum.*

*Adult. Bur-
degala pu-
nium.*

possidebunt. ad Corinth. vij. suprâ quædam diximus
ex lege diuina, & alia Aegyptiorum, tum & Athe-
nienfium, & ex ea quæ fuit Cæsarum auunculi & ne-
potis. Illa gladio expeditur in adulteros, tanquam
nuptiarum sacrilegos. l. quamuis. ij. C. de adulter. Pro-
ximū enim homicidio crimen est, & sacrilegos repu-
tauit Imperator, qui cū ipsi vxores habeant, non
verentur alienum thorum violare, & libidine sua dis-
soluere societatem, ex qua omnis necessitudo & na-
turæ & honestatis oritur. cumq; grauissimum videre-
tur, id lex non tantum iudicio, sed & propria autori-
tate, vindice gladio vlcersi voluit. l. Graccus. & l. quod
ait lex. ff. de adulte. Cum adultera nouissimo iure re-
missius actum est, cū in monasterium mitti iubea-
tur fustuario castigata: datumq; est marito eam inde
reuocandi ius intra biennium. auth. sed hodie. C. eod.
Vestitum tamen religiosum induere, neque & profi-
teri, nisi post biennium licet. Boërius Burdegala Curio
primus decisione 297. in part. 2. accusationem de-
scripsit apparitoris cuiusdam parlamentaris in vx-
orem suam forma & ætate venustam, quam familiaris
clericus adulterauerat: cumq; vtrunque apud Sena-
tum detulisset, ex iure priuilegij sibi & familiæ suæ
concessi, æquum visum est, clericum pro commissis
in id priuilegium grandi pecunia mulctare: commu-
nis delicti diffinitione ad vicarios præfulis ex Sena-
tus ordine deligendos reuocata. Huius pœna erat ex
canonum præscripto, vt deponeretur, & ætatem in
monasterio agere cogeretur. c. si quis clericus. & c.
Romanus. 81. distinctio. & c. intelleximus. de adulter.
Vxorem verò ingenuè adulterium confitentem ita
damna

damnauit, vt in pratorio fustibus vapularet, & mox in Cœnobium sacrarum sororum detruderetur, in eoq; biennio exularet: dotem & donationem propter nuptias marito, in iniuriæ expiaculum, addixit: huicq; concessit, quando volet, illam abducere, & secum conciliare intra biennium: quo effluxo iudicauit senatus illam necesse esse vestiri, vt cæteræ sorores, & perpetuam religionem profiteri, sicq; ætatem degere. Id Arestum latum refert die 7. Decemb. anno 1527. fustuarium plerisq; visum est, etiam si lege confirmetur, seuerius, quàm mores horum temporum ferant: coniiciendumq; nihil aliud, quàm hostiarj familiaris vindictæ Senatum voluisse suffragari: sed exitu rei ediuerso actum est. Contigit autem, vt pronuntiato iudicio, accusatorem venustatis vxoris memorem & sollicitum scuitiæ mox pœnituerit: ideo Curruca minimè malus vxoris casum miseratus libellum Senatui obtulit quo petijt, ius sibi esse ante aresti executionem indemnem vxorem recipere: cui à Senatu responsum est, post fustes acceptos sibi id licere, antè verò, non licere. Alibi in Francia cum adultera vsu remissius agi dicit idem Boër. vt de tonsa vestimentis circumcisis ad plebem per vicos traducatur, ex sententia glos. in c. de benedicto. in verb. & caluatos. 32. q. 1. & secundum hanc, cum mihi Roddanensi iudici in tribunali sancti Andreæ occurisset vxor, marito accusante, conuicta adulterij, iudicauit, vt eo modo traducta in Cœnobium sororum proximum relegaretur, à marito tamen reuocanda intra biennium: qui, cum iudicio adesset, & huius genibus vxor supplex gratiam peteret, ignouit lubens, & ea

*Curruca pro
prim.*

*Adultera
pœna secundum
vsum.*

*Adultera
olim Roma
quomodo pu
nita.*

*Adulterij
nova pena.*

*Asinaria
traductio.*

*Adultera
excusatio.*

*Adulteri quā
sit propria
pudicitia.*

causa leuiori traductione castigata roganti marito tradita est. Poena huiusmodi noua non est, sed à mille septingentis annis Romæ vsu recepta. Cùm enim toga vestimentum virile sit, mos fuit, vt mulieres adulterij conuictæ virili toga indutæ in publicum procedere cogerentur, vt scribit Isidorus. & ad id commissum tanquam erubescendum traductio maximè apta est: olimq; apud Pisidas, Greciæ populum, ex more adulter cum adultera circumducebatur asino superpositus aliquot dies: hincq; fortè ritus nostri exierunt traductionis asinariæ, cùm vir manu vxoris vapulauit. de quibus Boër. decis. suprà alleg. & Bene. in repet. sua, verb. cuid. petr. tradid. nume. 62.

S V N T, qui adulteræ impunitatem expedierint con filio suo, si maritus petenti vxori ea, quæ iure matrimonij præstare tenetur, recuset: idq; excipiunt ex verbis D. August. in c. si tu abstines. 27. q. 2. Si tu abstines, inquit, sine vxoris voluntate, tribuis ei fornicandi licentiam, & peccatum illius tux imputabitur abstinentiæ. qui text. licet iudicem adulterarium multum possit monere, nemo tamen est, qui id consulto probet: & id reiecit glo. in d. c. si tu abstines. per text. & glo. in d. c. significasti. de diuort. Castitatis etenim commendatione debet vxor præfulgere, etiam si eunuchum, spadonem, frigidum, maleficiatum, aut aliàs malè affectum virum habeat: ergo & verius temporale impedimentum mariti, vt absentia, voti, valetudinis, aut difficultatum id genus prudenter & modestè ferre & retentis frenis flammam, constringere debet, non laxare. c. in præsentia. de sponsal. & matrim. & c. dominus. de secund. nupt. & c. consultationi. de frigid. & malef.

malef. facit l. si quis posthumos. cum ibi not. ff. de lib. & posthu. In id eleganter in Hecyra Terent.

Hac ita, ut liberali esse ingenio decet,

Prudens, modesta, incommoda atq; iniuriæ

Viri omnes ferre & regere.

Hodie licet in Francia vxores adulteræ puniantur, viri tamen non xquè: & in hos vxorum accusatio non admittitur. maior enim castitas mulierum requisita est, & harum adulterium præcipua infamia lex notauit. l. palàm quæstum facere. §. si. ff. de rit. nup. Pudicitiz etenim lex mulieri scripta est. l. si qua illustis. C. ad officia. & quod speciosius est, pudicitiam suam vxor sine confusione prolis prodere nō potest. Vagi etenim concubitus, inquit Oldendorpius, incertam de sobole opinionem faciunt, eleuantq; curam alendi partus: & idcirco pudicitia magis mulierem decet. l. mulier. §. pen. ff. ad Trebell. Dos præterea huius non in pecunia semper, sed in pudicitia, sanctisq; & incorruptis moribus consistere debet: ut declarat Alcimena in Plauti Amphitrione.

Mulieris adulter. quàm damnosum

Non ego illam mihi dotem duco esse, quæ dos dicitur:

Sed pudicitiam, pudorem, & sedatam cupidinem.

Laconica quædam interrogata quam dotem ferret, pudicitiam, inquit, à moribus traditam. & ea causa est, quòd dotis causa cum pudicitiz causa adeo colligata est, ut hac amissa, illa vxori salua non sit, ut supra diximus. Aliud, & non minus timendū est, quòd vxor adultera mortem mariti expetit, & sollicitat: ut not. glo. in l. pater Seuerinam. §. socrus. ff. de condi. & demonstr. & Tyraq. copiosè lege connub. 8. nu. 15. & seq. Hæc in marito adultero cessant, licet tamen non cesset

*Adulteria
pro industria,
ex fab. quo-
modo sumen-
dum.*

cesset publicæ honestatis pudor, quem violare viciq;
luxuria & appetitu solo, beluarum more, in volupta-
tem trahi inhumanum est: vt dicit Bald. in adulteri
causa, in c. super hoc. in fin. de renunciat. facit præclara
ratio text. in l. vt vim. ff. de iustit. & iur. Ideo, mirum
omnibus bonis hætenus visum est, eo maledicti res
concidisse, vt adulteria prorsus dissimulentur: imò &
ingenuè laudentur, sintq; pro industria: vt dicit Io.
Fab. in §. item lex Iulia. instit. de public. iudi. quæ asser-
tio eo perniciosior, quo Fabri autoritas maior fuit.
Illo fallacissimo dicto plures sibi imponi dissimula-
ta veri ignorantia permiserunt: nec alio etenim, in-
quit Plinius, pleniore lapsu erratur, quàm vbi falsæ
rei grauis autor existit. Sed id maior pars cauillatur
magis, quàm profert: cùm ipse Faber non asserat, sed
criminetur: non probet, sed quærat eo tempora
declinasse, vt adulteriorum pœnas vsus omiserit: vt
certè non omisit tantum, sed in risum facinus con-
uertit: adeo, vt si adulterati deridentur, vicissim adul-
teri extolluntur: fit enim subinde, vt, si qui deliquit
non punitur, delictum huius probari videatur, solaq;
impunitas malefico laudi sit. Cicero Antonium alea-
torum infamiam probasse docet, quòd Lenticulam
eo nomine deportatum restituisset. Sed postquam,
pudicitie fractis regulis, alij subiere ritus, modestiaq;
cœpit ludibrio, vitium gloriæ haberi: postquam con-
tinentia sine autoritate, mollitia sine pœna dimissa
est: denuo honestum penuria, libido quæstu fertilissi-
mo censerî cœpit, pessum iere vitæ honores & fru-
ctus: luxuriari, non viuere cœptum est: vitaq; ipsa
prorsus desijt. At si ritus hi noui diutius probentur,

*Adulteriū
quātum res
& tempora
corruperit.*

vt certè probabuntur, cùm nulla sit spes aliquando defuturæ luxuriæ, continget, vt in Lymirniarum mores inclinandum sit, qui vxores communes habent: liberosq; publico sumptu alunt, donec quintum annum egressi sint: sexto autem anno ætatis, omnibus coactis coniicitur publicè, quis quemq; similitudine referat, traditurq; puer parenti eo tumultuario iudicio cognito educandus, & pro filio admittitur. Hic apertum datur argumentum deplorandi summam inscitiam nostram, infinitam malitiam, insignem contumaciam, qui non secus ac belluæ ipsæ, fero appetitu, in libidinem, & cæteros effrenes impetus diffuimus, rationis aut modestiæ legibus nihil perpensis: imo, non desunt, qui referant belluas ipsas, vt Elephantes, Leones, Ciconias, Cornices, Porphiriones, Turtures, Lince, Colombas, Aethueos, & cætera quædam alia inter se prorsus obseruare coniugalem continentiam, & coniunctionis certitudinem, punireq; adulteros & incertos coitus. Et quando conditionem nostram feris sensim subijci non erubescimus, futurum esse nemini non metuendum est, vt breui affligamur, conficiamur, conteramur malis nostris. Cumq; nemo opprimatur celerius, quàm qui nihil timet, sitq;, inquit Velleius, frequentissimum initium calamitatis securitas, non video horum futurorum malorum certio- rem præcognitionem, quàm quod nemo timeat. Et erit certè tutius & sanctius ex eo somno exurgere, huicq; securitati altius non edormiscere. DEVS Opt. Max. qui nostri curam agit, quiq;, secundum ea, quæ prædixit, bonis bene euenire curat, & malis malè permittit, vindex & iudex futurus est. Honor enim eius

k iudicio,

*Lymirnierũ
ritus de vxo
ribus cõmu-
nibus.*

Bestiarũ ob-
servantia in
coningijs.

*Dei cuncta-
tio & gra-
uitas in sce-
lerū penas.*

*Volsinia
corruptio et
clades.*

iudicio, vt dignis paratissimus est, ita poena in malos, si fera, at certè aliqua & grauis. Apertis ille exemplis nos docuit, quantum possit, circa has vindictas, per diluuià, pestes, famem, strages, euersiones, interneciones, bella, captiuitates, & cæteras sexcentas calamitates, quarum ille potens est: vt & vicissim diues gratiarum in eos qui sequuntur & inuocant eum. Hetruriz primaria ciuitas Volsinia autoritate, opulentia, & alijs multis nominibus clara olim maximopere floruit, vbi autem in eos mores inclinauit, quibus stupra & adulteria impunè commissa sunt, in turpitudinem corrupta decedit, paulatimq; & merito propria libertate excidit. Sed, vt sermonem cœptum recipiam, licet maleficos id genus audiamus abiisse arestis quibusdam impunitos: horumq; celeberrimum latum fuisse, quod ad hæc tempora denominatum est *larrest des ribauds mariez*: tamen induci non possum, vt credam in adulterij delatos & planè conuictos hæc contigisse, cùm vt sincerè & testato asserit Tyraq. eius ordinis amplissimi Senator clarissimus legum conubialium suarum xiiij. nume. 8. nemo hæctenus à curia dimissus sit non castigatus aut fuste, aut pecunia, prout eius aut adulteratæ qualitas suasit. Berberius homo, vt opinor æqui sectator, in tractatu suo, quem viatorium inscripsit, titu. de adulte. consulit adulteria puniri. Burdegalensis curia, aresto, quod suprà retulimus, in apparitoris accusationem, adulterum, etiam clericum seuerè multauit, grauius excepturum supplicium, si priuilegium non obstitisset. Bened. ad c. Rainutius. verb. Cuid. Petr. tradide. nume. 66. declarat id adulterium duntaxat impunitum haberi, quod

*Adulteria
hodie impu-
nita nō sunt.*

commu

communi voluntate & sponte commissum est, quodq; delatum non est: quia si à marito deferatur, quantumvis vxori collibuit, puniri solet. Quòd si nolens mulier vi compressa est, etiam marito non deferente, quaestio in adulterum decernitur, supplicio legis Iuliz puniendum.

DE ADULTERIO

concupiscentia.



ST ET ALIUD moechandi genus subtile quidem, sed quod CHRISTI viua voce ad praeceptum nostrum productum est, Matth. v. Audistis, inquit, ille, quia dictum est antiquis, Non moechaberis, Ego autem dico vobis, quia omnis, qui viderit mulierem ad concupiscendam eam, iam moechatus est in corde suo. Id Gregorius apertè declarat, subducitq; , quale possit esse adulterium secundum personas concupiscentes, in c. qui viderit. 32. q. 5. Homo gestum & intentionem ad honestum & decorum accommodare debet, vt statum, incessum, sessionem, vultum, oculos, manus, motum: cauendumq; , ne quid in his effoeminatum, aut molle sit. Sophocles cum aliquando formosum puerum conspectum Pericli in praetura collegae ostenderet ad libidinem, decet, inquit Pericles, praetorem non manibus tantum, sed & oculis esse continentem. Non ab simile factum Antiochi tertij, qui quum Dianae vestalem vidisset Ephesi eximia pulchritudine, statim animum inde abeundi coepit, veritus ne amoris flamma in turpitudinem efferretur.

*Adulterium
cogitationis.*

Periclis continencia.

*Antiochi
casta prudentia.*

*Cogitatio
quomodo puniatur secundum legem.*

LEX civilis id ad poenam non probauit, si concu-

k 2 piscens

piscens nihil attentet, sed sola cogitatione exardeat, quo poenam non mereri dicendus est. l. cogitationis poenam nemo meretur. ff. de poen. Sicut & seruus fugitiuus is dicendus non est, qui fugiendi à Domino consilium coepit, aut se facturum iactauerit, sed duntaxat is, qui vitium mentis in ipsum factum produxit. Fur enim, adulter, aleator, quanquam ex animi cuiusq; propositione sola dici possit, etiam is, qui rem alienam nunquam inuito domino subtraxit, alienam matremfamil. non corrumpit, tamen oportet hæc eadem crimina non secundum solam propositionem, sed assumpto actu intelligi: verba sunt Triphonij in l. fugitiuus. ff. de rer. & verb. signific. vbi Accurs. in verbo, dicere, declarat vocem Domini suprâ insertam, vt scilicet, quoad Dei legem concupiscens erret, & peccet, lapsumq; oporteat propositi poenitere, cum deliberatione mœchatus sit: idq; est, quod Triphonius dicit adulterum etiam animo solo adulterum dici, licet matremfamil. non corrumpit. Et ideo dicit Accurs. illum poenæ infernalis reum fieri: extra poenam tamen legalem esse. d. l. cogitationis. Quod si cogitatione & proposito non contentus velit tentare fortunam flammæ suæ & in pudicitiz oppugnationem se coniiciat, ea attentatione, etiam si non potuit effectu potiri, tanquam ex absoluta offensa tenetur. l. si quis non dicam. C. de episcop. & cler. Tunc enim erit verum, consilium eum habuisse nocendi, factumq; attentationis secutum esse, & inde iniuriam pudiciz mulieri, aut marito, aut virgini factam esse, si per eum non stetit, neq; poenitentia reuocatus est. l. sæpe. §. item dubitatum. in fi. ff. de rer. & verb. signific. & l. item apud

Labeo

Cogitatio assensans puniuntur.

Labeonem. §. appellare est. ff. de iniur. facit tex. in l. j. §. sola cogitatio. & in l. qui ea mente. vbi Accursius rem apertissimè declarat, ff. de furt.

DE RAPT V.

His accedit raptus siue nuptæ, siue innuptæ, siue viduæ, vestalis, aut virginis : nec refert an volens, an nolens rapta sit, satisq; est, inuitis illis, in quorum potestate est, raptam esse. Imò, vsque adeo lex ciuilis raptorem odit, vt etiam inter eas, quas rapi nefas est, sponsam collocet illam enim inuitis parentibus sponsum abducentem ante nuptias contractas pœnæ summisit. & hæc præclare ædicta sunt in l. vnica. C. de rapt. virgi. seu vidua. sancti. & in l. raptores. C. de episcop. & cler. Pœna autem raptoris, mors est. d. l. raptores. in fin. & quomodo notetur translatio de loco in locum vide addit. ad Angel. in tractatu de malefic. notul. Chai me hai adult. la mia don. numer. 53. Item & an rapiens meretricem puniatur, vide Alexand. consil. primo. in iij. vol. Impeditur matrimonium lege ciuili inter raptorem & raptam : in auth. de rapt. mul. qui rap. nupf. & d. l. vna. §. in autem. Sed id canones non admittunt : & cum magis deferant matrimonio, quàm insectentur crimen, iustas esse nuptias inter hos volunt. c. cum causa. & c. fi. de rapt. Criminis autem accusatio nihilominus admittitur à iudicibus secularibus contra raptorem : soletq; damnari tam fisco, quàm parentibus, à quorum manibus fœmina erepta est. Quidam tenent pœnam esse eo casu ciuilem, & sublatam fauore matrimonij, capitalem. Idem Alexand. num.

*Raptus siue
nolentis siue
volentis.*

*Sponsa à spon-
so rapi non
debet.*

*Raptoris pœ-
na.*

*Meretrix
rapta.*

*Matrimo. cū
rapta.*

37. dicit consuluisse legalem pœnam, idest, vltimi supplicij cessare ob matrimonium, idq; obtinuisse, secundum opinionem Io. Cal. in c. fi. de rapt. & Butrig. in d. l. vnica. Hodie vsu Franciæ durat legalis pœna si parentes insistent.

DE LENOCINIO.



Hic opponitur Lenocinium, quod lex non remissius coercuit. nec enim mediocriter delinquit, qui lenociniũ exercet: dicit Marcellus in l. mariti. in princi. & in §. qui quæstum. ff. de adulter. & huius eadem pœna est, quæ adulterij, l. si quis adulterium. in fi. ff. eo. tit. Grauius videbitur adulterio, quòd eo duo tantum, illo verò tres percent: vt dicit Ang. de malef. eadem not. num. 69. facit arg. l. si plures serui. ff. de iniur.

Lenociniij pœna.

*Lenocinium
Vxoris quæ-
suplex.*

LENOCINIVM multiplex est. primò, cùm quis quæstum ex vxoris adulterio facit: quæstum autem facere de vxoris adulterio ille existimandus est, qui aliquid acceperit, vt vxorem pateretur adulterari meretricio quodam genere. verba sunt Iuriscons. in d. §. qui quæstum.

SECVNDO, Ille leno est, qui in adulterio deprehensam, mœcham cognitam vxorem retinet, nec conqueritur, etiam si quæstum non faciat, aut non consentiat. l. is cuius. §. si vir. ff. eod. titul. & l. secunda. & l. castitati. & l. crimen adulterij. C. eod. titul. Id genus lenociniij non punitur, licet lenocinium sit: punitur duntaxat in eo, quòd eius vxor impunè adulterari potest, nec auditur maritus accusans. l. si vxor. §. primo. ff. de adulter. In id præclare Marcellus, quòd si patiat,

tiatur, inquit, vxorem delinquere, non ob quæstum, sed ob negligentiam, vel culpam, vel quantamcunque patientiam, vel nimiam credulitatem, extra legem positus est.

TERTIO, Lenocinium committi dicitur à marito, si vxori occasionem det adulterandi, & id ex culpa, quæ est grauior patientia, aut negligentia. d.l. mariti. §. quod si patiat. ibi, sed ob negligentiam vel culpam. Et hanc lenocinii speciem subnotauit Benedictus. in repet. sua. verb. cuidam Pet. tradid. nume. 62. ex Bartol. in antiqua lectura l. si lenones. C. de episcop. audien. quàm lecturam dicit Benedictus nondum impressam. Maritus enim debet vxori exemplum præstare modestiæ coniugalis, & pudicitæ autor esse. C. discretionem. iij. iuncta glo. j. in fi. de eo qui cogno. consang. & lenocinium id genus eadem ratione, qua superius puniendum erit.

QUARTO, lenocinium illud obscœnum & non ferendum reputauit lex, cum filix luxuriandi necessitas imposita à patre est. d. si lenones. & l. Athletas. §. primo. ibi, sed & qui in liberis hunc quæstum exercet. ff. de his, qui not. inf. Idem Bened. eodem loco refert se vidisse patrem lenocinii vxoris & filix conuictum iudicio concremari.

*Lenocinium
filix, flammæ
dignum.*

QUINTO, Si caupo, vel stabularius mancipia habeat ministrantia, & occasione ministerij, quæstum horum faciat, siue in balneis id exerceat, siue in diuersorio, ut passim ferè fit, lenocinii pœna tenebitur: verba sunt Vlpiani in d. l. Athletas. §. siue autem principaliter. & l. palàm. §. si. ff. de rit. nup. Idq; intellige, quando negotiationum superiorum accessione id euenit.

*Lenocinium
cauponarij.*

*Lenocinium
Иррагаріи.*

SEXTO, Cùm non accessione, sed in officina & prostibulo principaliter exercetur lenocinium, idq; est superiori grauius. d. §. qui autem principaliter. & d. l. palàm. in princip. Idq; tam turpe scelus paupertatis prætèxto excusari non potest. dicit text. in d. l. palàm. §. non est ignoscendum.

*Lenocinium
persuasionи.*

SEPTIMO, Ultra casus superiores, Lenocinium id maximè notatum est, quo ad alterius explendam libidinem pudicitia virginis, aut nuptæ, aut viduæ affectatur, aut appellatur. Et leno, aut lena huiusmodi, siue dolo aut vi, siue suasu abduxerit, siue prorsus non abduxerit, & suaserit tantum, omni casu notatur, & poena dignus est. l. item apud Labeonem. §. abduxisse autem. & sequentibus §§. ff. de iniur. Iure digestorum

*Lenoni præ-
на.*

poena fuit extraordinaria, nec referre videbatur, an sollicitatores alienarum nuptiarum effectu potiti sint, aut prorsus exclusi: quia omni casu propter perniciosam sollicitationis voluntatem extra ordinem puniendi fuerunt: verba sunt tex. in l. prima. in princip. ff. de extraord. crimi. Sed Iustiniani constitutione in auth. de lenonib. §. sancimus. certa poena constituta est: vt si leno adeo curiosè venatus sit, vt sollicitatione suaserit, & volentem struxerit libidinoso, deportandus & extra prouinciam, tanquam pestilens & publici pudoris euerfor, eiiciendus est. d. §. sancimus. ibi, & ipsos lenones iubemus extra hanc fieri foelicitissimam ciuitatem, &c. Et aliquando hac constitutione motus beatus Lodouicus Galliarum Rex anno 1225. inter plures constitutiones, quibus politicæ disciplinæ ordinem confirmauit, histriones, mimos, & cæteros id genus nugales homines abegit è curia sua: tum meretri-

*И. Ludonici
constitutio in
scortationes.*

ces

ces publicas è ciuitatibus expelli, contumaces exutas traduci, & domorum conductores in pensionem annuam mulctari iussit. quod postremum specialiter illa constitutione fuit inhibendum, cum lege ciuili id probatum sit: sed & pensiones, inquit Vlpianus, qui ex locationibus prædiorum vrbanoꝝ percepti sunt, venient: licet à Lupanario perceptæ sint: nam in mul-torum honestorum viroꝝ præsidij lupanaria exer-centur. l. Ancillarum. §. fin. ff. de petit. hzred. arg. est in l. cum interdum. ff. de instito. quæ intellige in simplici-bus scortationibus: non autem in stupris, siue sim-plicibus, siue contra naturam, quia domus conductor puniretur vt stuprator: l. qui domũ suam. ff. de adulte. & l. prima. §. fin. ff. de extraordin. crimin. Nec in his constituendis diuus Rex Dagoberti Regis Gallia-rum x. i. molliem secutus est, qui adeo luxuria dif-fluxit, vt cohortem muliebrem secum asportare non contentus, anno 636. fœminas venustissimas accurato delectu ad id desumptas in aliquot regni sui loca col-lo-carit, ibi cultu regineo ad libidinem uisendas, Ne-ronem fortè secutus, cuius iussu, quotiens Ostiam Tyberis deflueret, aut Baianum sinum præternavigaret, dispositæ per littora & ripas diuersoriæ parabantur, insignes ganeæ, & matronarum institorum loco pas-sim inuitantium, atque hinc inde orantium, vt ap-pelleret.

*Lupanaria
sublata.*

*Lupanaria
permiffa.*

*Dagoberti
Regis molli-
ties.*

*Neronis de-
licia.*

Quod si, vt pròpositum recipiam, nolens fœmi-na abducta sit, aut volens abducta, sed ingratis libi-dini exposita est, leno aut lena comprehendi debet, & omnium nouissima sustinere supplicia: verba sunt Imperatoris in d. §. sancimus. glos. id omnium nouis-

l. finum

simum supplicium, mortem interpretatur, per l.vltimum. ff. de pen.

Lenocinium nonum. ALIVD & octauum Lenocinii genus, Item & nonum posuit glos. in c. apud misericordem. §. crimen. 30. q. prima. quum meretrix scienter vxor ducta est, tum & quum adulterij damnata à marito recepta.

Leno quādo est qui meretricem duxit. quæ non satis probo. cum huiusmodi matrimonium, quod etiam cum meretrice vulgari initum est, non tantum canones à culpa vacare asserant. cap. non est culpandus Osee Propheta, si meretricem quam duxit vxorem. 30. q. prima. sed & probant, virtuteq; illustrant: c. inter opera charitatis. de sponsalib. & matr. Item & quoad nonum maritus lege permittente potest vxorem damnatam recipere, & sibi conciliare. auth. sed hodie. C. de adult. Nec igitur sceleratè facere potest, neque nomen lenonis consequi, arg. l. Gracchus. C. eod. titul. Non dubito tamen, quin sit lenocinio notatus, qui sciens meretricem vulgarem duxerit, aut adulteram semel ea causa dimissam receperit, veliq; aut patiatur adhuc sordescere & non conueriti: vt in l. crimen. & in l. castitati. C. eod. Vtunque res agatur, persona honesta id sine honoris detrimento facere non potest: & ob causam hanc Flavius Domitianus Imper. equitem Romanum, ob reductam in matrimonium vxorem, cui dimissæ adulterij crimen intenderat, erasit iudicum albo. Nam ea res coniugium adeo notat, vt vix elui possit, licuitq; ob eam causam liberè diuertere. Tiberius Cæsar equiti Romano iurisiurandi gratiam fecit, vxorem in stupro generi compertam dimitteret, quàm se nunquam repudiaturum antea iurauerat. Demosthenes. in Ne-

Adultera dimittenda et non recipienda.

rzam docet. Theogenem quendam propter vxorem meretricem ab eo ductam Areopagico senatu reprehensum, mulctatumq; secreto & cum modestia. *Meretrix in vxorem non assumenda.* Ad hæc inducit Theogenem excusantem, obtestantemq; se nescisse, & deceptum esse. Sed hij duo casus satis suprâ comprehensi erant. Ab his omnibus autem, semper excipe eum, qui vxorem suspectam duntaxat habet: quia licet si obscœnissimum scortum sit, maritus tamen suspitione etiam verisimili notam lenocinii non contrahit. *tex. est in d.l. crimen,*

DE STUPRO.



STUPRUM duobus modis committitur, *stuprum.* Primo, cum virgine & vidua: Altero, *Proagoria* contra naturam. Id Tranquillus proagorium dicit in Nerone, ἀπαγορίον, quod nos perducere dicimus, id est, lenocinari. Præterea stuprum sæpe pro adulterio simplici legitur, vt apud Cic. actione in verrem, septima. Nocte, inquit, stupri causa, lectica in urbem introferri solitus est, ad mulierem nuptam vni propositam omnibus, contra auspicia, contra omnes diuinas atque humanas religiones. Quæ verba satis significant, quantopere odiosum & obscœnum adulterium olim fuit. Superiorum primum est, cum aut vidua, aut virgo stuprata est. Stupratorem autem volentis iuxta ac nolentis eadem pœna lex ciuilis coërcuit: vtrunque gladio. §. item lex Iulia. institut. de publi. iudic. & l. prima. C. de rapt. virg. & §. si autem instit. illo tituli. Sed nouum ius id attēperauit, vt grati stupratores, si honesti sint, pecuniariter & extraordinem plectantur: si humiles,

Neronis stupra.

Virginis stupratoris poena secundum sum.

Stuprum contra naturam.

Tiberij stuprum.

Caligula stuprum.

Stupri contra naturam poena.

fustuario castigati exulent, d. §. item lex Iulia. Omni verò casu, quo vis accesserit, vltimum supplicium flagitioso lex scripsit, d. §. l. si autem. Inter flagitia Neronis detestabilia id vnum enumeratum est, quod super ingenuorum supra & nuptarum concubinatus Rubricæ Vestali virgini vim intulit. Hodie vsus induxit, vt si vis absit, virginis stupratori honesto ea datur optio, vt aut ducat, aut dotet: secundum distinctionem c. primi. & c. peruenit. de adulter. & stupr. eaq; vera sunt, modo stuprata alioquin honesta sit, & aliundè nihil malè audierit. Idq; fuit ex Mosis præcepto Exod. x i l. si seduxerit, inquit ille, quis virginem nondum desponsatam, dormieritq; cum ea, dotabit eam & habebit eam vxorem. Quod si pater dare noluerit, reddet pecuniam iuxta modum dotis, quàm virgines accipere consueuerunt. Idq; sequi fuit humanius. c. pe. & fi. de rapt.

STUPRVM item, idq; erat alterum genus, contra naturam committitur ab his, qui cum masculis nefandam venerem exercent. Fertur, inquit Tranquil. in Tiberio, in sacrificando captus facie ministri acerram præferentis, nequisse abstinere, quin penè, vix dum re diuina peracta, ibidem statim seductum constupraret, simulq; fratrem eius tibicinem: atque vtri- que mox, quod mutuò flagitium exprobabant, crura fregisse. Valerius Catulus Consulari familia iuuenis se à Caligula stupratum vociferatus est. Idem Caligula M. Lepidum Mnestem Pantonimū, quosdam obsides dilexisse fertur, commercio mutui stupri. Huius poena gladio expeditur. l. stuprum. ff. de adulter. & l. stuprum, de rit. nuptiar. l. prima. §. fi. ff. de

extra

extraord.crimi. & l. si adulterium cum incestu. §. stuprum. ff. de adulte. l. cum vir nubit in foeminam. C. de adulte. & d. §. item lex Iulia. & in auth. vt non luxur. §. j. Ius pontificium id admisit c. sollicitatores. §. qui puero. distinct. l. eodem iure leuius aliquando puniuntur. c. clerici. de excessib. praelat. Secundò, contra naturam committi dicitur, quando foemina inuicem coeunt & corrumpuntur, eademq; poena est. l. foedissimam. C. de adulter. Tertiò, quando foemina, sine vsu naturalium, ad corruptionem masculum adhibet: & vt idem delictum est, idcirco & eadem poena. vt dicit Ang. in tract. malef. notul. Che me hai adulter. la mia do. nume. §. qui ibidem inuehit, forsitan non satis accommodè, in viduas adeo molles & luxuria liquefcentes, vt se non possint cōtinere, quin famulis commisceantur, easq; vocat maledictas, & dignas reputat, quæ decollentur. huius sententiam iuuat glos. in verb. cum relegatione. in d. §. item lex Iulia. ibi, item, si fuerit stuprata. Quartò, sunt, qui addant huic sceleri contra naturam illum, qui se proprijs manibus deliberatè corrumpit. per c. flagitia. 32. q. 7. vbi sodomita dicitur. & glo. ibidem dicit illum contra naturam peccare.

Stuprū inter foeminas inuicē coeuntēs.

Foemina stuprum cum masculo.

Vidua cum famulo stuprum.

Pollutio.

Sodomita poena.

HODIE sodomitæ exuruntur: de horum supplicio diximus in commentar. nostris ad consuetu. Burbo. §. ij. in glos. *congnouissance des cas à mort*. Id nephan- dum delictum vocat lex. item & foedissimum, eoq; pestes, fames, terremotus, & cæteras calamitates nobis contrahi conqueritur glos. in d. §. flagitia. & in auth. vt non luxu. Idq; tantopere odit lex, vt etiam domorum, in quibus commissum est, dominos puniendos sanciat, vt stupratores. l. qui domum. ff. de adult. & l. j.

in fin. ff. de extraord. criminib.

DE INCESTV.

*Incestus cū
affini aut sa
cra Virgine.*



INCESTVS est flagitium, quod cum affini, consanguinea, aut virginibus sacris committitur, siue prætectu matrimonij siue simpliciter. l. si. ff. de rit. nupt. & l. si adulterium cum incestu. in princip. & §. stuprum. & §. incestum. ff. de adulte. In summa propriè dicitur incestus, cū matrimonium initur illicitum siue per leges, siue per canones. d. §. stuprum. Ratio dictionis est ex cestu: Cestus cingulum erat Veneris, quo antiqui vsi sunt ad honestas nuptias: idcirco, si quæ nuptiæ honestæ non videantur, eo sacrato cingulo indignæ sunt, & ideo incestæ, tanquam sine cestu. Incestus crimen Græci anicesten vocant, vt declarat Festus. Quantum ad virgines sacras attinet, satis suprâ diximus in xxij. casu matrimonij impediti, nec repeti opus est. Pœna incestus est capitalis, siue nolentibus sanctimonialibus, siue volentibus crimen fuerit admissum. l. raptores. in fin. C. de episcop. & cleric. Idq; lex delicti atrocitate maximopere notauit: vt etiam ad pœnam factis sit attentasse, etiam si consummatum non sit. l. si quis non dicam. illo tit. facit tex. in l. j. C. de rapt. virg. & id etiam Ethnici principes grauiter infectati sunt. Flavius Domitianus alioqui flagitiosissimus incesta vestalium virginum à patre suo quoque neglecta seuerè coercuit, priori tempore admissa capitali supplicio, posteriori more veteri: & cum Ocellatis sororibus, item Varronillæ liberum mortis permisisset arbitrium, earumq; corruptores relegasset, mox Corneliam

Incestus propriè.

Cestus, quid.

Incestus sanctimonialiū pœna.

neliam virginem Maximam absolutam olim, dehinc longo interuallo repetitam, atque conuictam defodi imperauit: stupratoresq; virgis ad necem cedi.

ALTERVM incestus genus, quod in affinem, aut consanguineam committitur, in matrimonio sceleratum est, & multo magis extra matrimonium, vt supra diximus, in xxv. & xxvij. impedimentis. Domitius Neronis pater, cum omni parte vitæ detestabilis esset, & omni genere perfidiæ notatus, tandem maiestatis, adulteriorum, incestiq; cum sorore Lepida, sub excessu Tiberij reus, mutatione temporum euasit. Neronem eius filium, olim etiam, quotiens lectica cum matre veheretur, libidinum incestu, ac maculis vestis proditum affirmant.

Incestus cum consanguinea.

Domitij & Neronis filij Incestus.

DE CONCVBINATV.



CONCVBINATVS à concubitu dictus est, & lege ciuili si nominatim permissus non est, at certè extra crimen est. & ad id Vlpianus, cum Attilicino, inquit, sentio, solas eas in concubinato haberi posse, sine metu criminis, in quas stuprum non committitur. l. j. in princip. ff. de concub. Oportet item concubinatu exercentes posse iure matrimonium inuicem inire, vt in §. ad hoc autem. in auth. vt lic. mat. & auiz. Virginem quidam excipiunt, quòd cum ea stuprum committatur. l. j. C. de rapt. virg. & Lraptores. in fin. C. de episc. & cler. Martianus contra sentijt. Alioquin, inquit, si honestæ vitæ, & ingenuam mulierem in concubinato habere maluerit, sine testatione id manifestum faciente non poterit. l. in concubinato. ff. de concub. Specialiter iure

*Concubina-
tus.*

*Virgo an pos-
sit esse con-
cubina.*

*Meretrix an
possit esse co-
cubina.*

*Concubina-
tus iure no-
no prohibi-
tus.*

*Concubinatus
ex Aristote-
le illicitus.*

nouo concubinam vnam habere licet, & qui vnam
habet castè viuut. auth. de trien. & semiff. §. confidere-
mus, in fi. Meretricem autem, & quæ palàm quæstum
fecit, quemadmodum licet in vxorem accipere, ita &
in concubinam habere: d. l. in concubinato. in princ.
Nero meretricem, quæ ferebatur Agrippinae simili-
ma, inter concubinas recepit. Idem & nefariae vitæ
sux nuptiarum concubinitus adiecit contra iuris or-
d. m. Hodie iure nouissimo, concubinitus illicitus
est: vt est præclarus tex. in auth. de lenon. §. sancimus
igitur omnes quidem castitatem agere: quæ etiam so-
la cum fiducia possibilis est hominum animas præ-
sentare. & §. mulieres itaque castè viuere volumus &
oramus. Vt non luxur. ho. cont. nat. & apertius & re-
centius in c. j. de fil. natu. ex matr. ad morga. cont. &
hunc text. ad id præclarè inducit Bened. in repetit. sua
in notula. & vxor. no. adel. nume. 674. & Io. Fab. in §. j.
inst. si quad. paup. fecis. dicat. Canones specialiter om-
nem concubinitum, præter vxorium interdixerunt: nec
circa concubinitum antiquas attenderunt leges. c. ne-
mo sibi blandiatur de legib. hominum. 32. q. 4. hzc tra-
ctantur per Hostien. in c. lator. qui fil. sint legit. & per
glos. in c. aliter. 30. q. 5. Idq; sancte constituerat Aristo-
teles lib. politicorum vij. c. xvj. in fi. Coitus, inquit ille,
omnis alterius, quàm cōiugis pœnitus sit interdictus:
quandoquidē sit & appelletur coniux. Quod si quis
deprehendatur, contra facere, pro delicto pœnam re-
portet. Hactenus Aristo. infertur ex his, quòd si con-
cubina adulterata sit, concubinum accusantem non
admitti. text. est in l. si vxor. in prin. & in §. planè. ff. de
adult. & in l. quæ adulterium. C. eod. tit.

SVPERIORA vtcunque sufficient tractatui rei vxoriz, stupri, adulterij, incestus, concubinatus. & ceterorum quibus mœchiffatur, si ad exitum non omiserò, quod succinctissimè, vt eleganter Demosthenes in oratione contra Neream scripsit: meretrices voluptatis gratia haberi, concubinas ad quotidianam corporis curam, vxores ad liberos legitimos gignendos & rei domesticæ fidam custodiam.

DE CRAPVLA ET SOBRIETATE. LIBER II.



COMPOSITE videbimur instituti seriem instruxisse, si superioribus subiiciamus luxus eos, quibus victu & vestitu diffusi solent, cum in his cohibendis versetur modestia, & vicissim in exercendis incontinētia, ex qua sæpius emergunt scintillæ & igniculi, quæ in grauioribus libidinis flammis, & postremò in plenum incendium liberius euagata, has solent mouere turbas, quæ superiori tractatui argumentum ministrarunt, & quæ sanguinem & animam concutiunt: & ab his, si cui (at certè huic tantum, qui frugalitatem colit) tutum esse contigit. A ciborum luxu ordiri æquum est, cum superiori magis accedat. Sentiēdi etenim genera quinque sunt, tactus, gustus, odoratus, visus, auditus. Ex his, vt ratiocinatur Gellius ex Aristotele, si quædam immodica voluptas capitur, ea omnium rerum fœdissi-

Libidinis flamma ex scintilla.

Sentiendi quinque genera.

Tactus. ma est. Tactus ad Venerem pertinet, & de eo supra
Gustus. egimus: Gustus autem ad ciborum libidinem: suntq;
 hij duo sensus soli hominibus communes cum be-
 stijs: cosq;, qui duabus istis beluinis voluptatibus sese
 dediderunt, grauissimi vitij vocabulis Græci ἀπολέσας,
 vel ἀλεατῆς appellant, & omnium iudicio in pecudum
 ferorumq; animalium numero habentur his ferinis
 cupiditatibus præuincti. Cæteræ ex tribus alijs sensi-
 bus proficiscentes hominum esse tantum propriè di-
 cuntur. Ergo quia tactus & gustus quandam habent
 conuenientiam, rectè post tactum ad gustum protin-
 us accedemus.

*Ciborum mo-
 destia.*

MODESTIA est inter crapulam & inanitionem:
 & vt dicit Auicenna, par peccatum est familico sto-
 macho cibum recusare, & epulis ad fastidium confe-
 cto cibum offerre. Corpus etenim abstinentia nimia
 naturali calore propter subtractam omnem humidi-
 tatem, qui substantialis non est, tandem consumitur,
 fitq; putridum, & lepram contrahit. Crapula item fa-
 cit, vt corpus humiditate superabundet, & adeo gra-
 uetur, vt cum superflua regere natura non possit, in-

*Abstinentia
 nimia dam-
 nosa.*

*Crapula
 quantum da-
 nosa corpori.*

*Apoplexia
 ex crapula.*

ducantur mortiferæ infirmitates, vt Apoplexia: quam
 semel conceptam, si fortis sit, soluere possibile non
 est: si debilis, nõ facîle: vt dicit Hippocrates eo apho-
 rismo. Ad quem Galenus, Apoplexia, inquit, post
 multam putrefactionem ad cerebrum rapitur, atque
 omnes cerebri ventriculos replet, & occupat per ner-
 uos sensibiles spiritum animale: sic subito corpori
 sensus aufertur & motus: tandem humor putrefa-
 ctus, qui in cellulis erat inclusus ad inferiora descen-
 dit, & sic suffocatur patiens. Neq; sobrios ferè mor-
 bus

bus id genus solet adoriri, etiam si ad omnes morbos, quacumq; utamur cautione, nati simus, legaturq; *apoplexia parci homini.* M. Antò. Verum Imperatorem, alioqui cōtinentem & parcum, Venetia, cum è Concordia ciuitate altinum proficisceretur, & cum fratre L. Annio Antonino in vehiculo sederet, subito sanguine ictum eo morbo, quem Græci ἀποπληξια vocant, abiisse. Hunc enim morbum licet potissimum ebrietas & crapula frequens procreet, tamen casu, ictu, aut alia cerebri concussione, item & frigidi occurfu aliquando contingit. *apoplexia causa.* Alio loco idem Galenus in eisdem aphorismos κρασιῶν vocat omnem noxam ex vino intemperantius hausto factam, quæ est, quam nos crapulam dicimus, pro ciborum immoderata voracitate. Scipsum fefellit Panor. in c. à crapula. de vit. & hone. cleric. qui asserit crapulam, quasi crudam epulam denominari. Vt cunq; sit, hæctenus cuilibet compertum est, nihil esse vitæ humanæ magis noxium ea crapula, teste Domino, qui dixit, Attendite vobis ne forte grauentur corda vestra crapula, ebrietate, & curis huius vitæ, & superueniat in vos repentina dies. Luc. xxj. & Eccles. xxxvij. Noli auidus esse in omni epulatione, & non te effundas super omnem escam. in multis enim escis erit infirmitas, & auiditas appropinquabit vsq; ad cholera: propter crapulam multi obierunt: qui abstinens est, adiiciet vitam. Antea dictum erat. c. xxxj. Sanitas est animæ & corporis sobrius potus. Faciunt in hæc text. in d. c. crapula. in c. nec tales. circa medium, de consecrat. dist. 5. in c. nihil. in fin. in c. legimus. eadem distin. in c. vinolentum. iij. & in c. ecclesiæ princeps. xxxv. dist. & ibidem in fi. prin.

*Crapula
unde ex Galeno.*

*Crapula
breui vita.*

*Sobrietatis
commendatio.*

*Edendum
ut viuas, no
contra.*

*Sobrietatis
officia.*

*Sobrietatis
comites.*

*Sobrietatis
effectus.*

MODESTIA, quæ inter hæc elucet, sobrietas dicitur, quæ victus cultusq; corporis rationem ita moderatur, ut ad vires & ad valetudinem referatur, tantumq; sit adhibendum cibi, quantum ad reficiendam naturam satis sit. In summa, ut inquit Tullius ad Herennium, homo sibi constituat edendum, ut viuat: non viuendum, ut edat. In idq; aliquando Socrates rogatus, quonam à cæteris differre se putaret, quod ij, inquit, viuunt, ut edant: ego contra edo, ut viuam. Animi sanè constituti ea sit perpetua opinio, non ad epulandum se productum esse, neq; eo vitam dirigere, sed existimare alimentorum causam viuendi duntaxat gratia censerì. Aristoteles lib. de virtutibus, eo capitulo quo differit, quid vnaqueq; virtus sit, Sobrietas, inquit, prona ad cupiditatem partis est: qua fit, ut in fruendis rebus sic versentur, prauas omnino voluptates ne appetant. Huius enim officium est, voluptatum corporis illecebras nihil mirari, nulla turpis illectamenti delinitione duci, licitis vtendi rebus, securitatem suspectam habere, & non magis, cum ampliter, quàm cum mediocriter suppetit, animum vitamq; laxare. Huius comites syncera sunt & perpetua, ordinis conseruatio, rerum mundicia, verecundia, prudentia, cautio. Præterea non solum ad vitia reprimenda, verum etiam ad valetudinem commendatur: & inter medicos medicina summa reputatur sobrietas, non tantum ad sanitatem conseruandam, morbosq; præcauendos, sed ad infirmitatem curandam. Ad hæc vitæ ornamentum est, siue publicæ siue priuatim agatur: & cum mente omnia regantur, ea rectè uti non possumus helluatione impediti, quod impedimentum

tum

tum omnibus viribus homo sibi benè volens debet abigere, vt certè fiet, si, vt natura consulit, simplicem cibum, qui sufficiat, sequamur: neque inuertamus condimentis, immutationibus, & artificiosis, perniciosis quidem magis quàm placidis. Sed temporum corruptio eo nos produxit, vt quemadmodum medicinz ars dicitur, & commentarijs augetur, declaratur, variaturq;: Ita & curiosiore ingenio culinæ ars inuenta est, coliturq; ferculis nouis, delicijs, cōdimentis sexcentis & in dies locupletatur: scriptaq; extant huius rei nomine copiosa & subtilia in hominum necem: quandoquidem hæc est in omnibus ferè conditio hominum infœlix, vt ad circumscribendum seipsum ingeniosi sint. Laudenda merito fuit Aegyptiorum regum vitæ constitutio, vt consultißima & vtilissima: His enim non tantum imperandi, iudicandi, aut pecuniæ vacandi, sed & deambulandi, lauandi, & cum vxore cubandi, omnisq; degendæ vitæ tempus erat præstitutū. Cibo vesceretur simplici, vitulo, & anser. Vini potandi mensura certa erat, qua neque repleri venter, neque rex inebriari posset. Denique in rebus Veneris & cæteris regum vita ea continebatur modestia, vt non à legislatore, sed à peritissimo medico, non ad regnandum & voluptates explendas, sed ad sanitatem seruandam & regnum diutius possidendum composita videretur. Cùm regem defunctum lugebant & laudabant, imprimis continentem, sobrium, abstinentem prædicabant. Strabo refert Gallorum olim in legibus fuisse, vt ipsi darent operam, ne obesi, siue ventricosi, fierent, punirenturq; iuuenes, qui certam zonæ mensuram excederent. Epicurus, li-

*Culina artis
cultus.*

*Sobrietas ex
Aegyptiorū
lege.*

*Galli olim so-
brietatem op-
luerunt.*

cet aliquando sentierit viuendi foelicitatem in rebus voluptuarijs consistere, tamen ipse viuendi ratione
Sobrietas
Epicuri. aut ediuerso docuit, aut voluptatis interpretationem alio diuertit. Dicebat enim saepius, sibi prae voluptate turgere corpusculum: aqua & pane ad vescendum utebatur, voluptates & sumptus alimentarios expuebat, non tam ipsorum odio, quam metu incommodorum, quae statim confluebant, quibusque corpus & animus obruebantur: idque sapientissimè Philosophus alioquin Epicureus dixit, & factis modestissimè retulit. Timotheus Athenis clarus & ciuitatis princeps dicebat Platonis cœnas eo à cæterorum cœnis differre, quòd ex tum delectarent, cum discumbitur: illarum verò, die etiam postero. Cum enim apud Platonem cœnasset apparatus admodum tenui, rectè existimauit lautitiam mensarum præsenti voluptate tantum placere, officere verò futuris consultationibus & valetudini: quae summa sunt incommoda principi ad reip. cautionem. Spartiatum non tantum suam remp. administrabant suo sensu, sed & alijs gentibus consilia dabant tutissima: nec alia re prudentius, quam victus parcimonia, quae salubrium consiliorum certa parens est. Et ad id spartiatum Leontichidas primus cuidam percontanti, quznam erat causa, cur illi tam parce biberent, Ne, inquit ille, pro nobis alij, sed nos potius pro alijs consulamus. Principi, ea causa, quòd cum reip. curam gerere, & consilio & prudentia fulgere oporteat, sobrium esse non tantum utile, sed necessarium est: alioquin eius imperij status diu consistere non potest. Huic, si regnare desiderat, tum maximè est vigilandum, cum eius plebs genio indulget:

ipfi

ipsi verò nunquam genialiter viuere vtile aut decorum erit. Epaminondas Thebarum dux ea prudentiæ parte multum valuit, eiusq; extant sobrietatis scita, quæ ad exemplum pertinent. Vocatus ad cœnam à vicino, quum reperisset apparatus luculentum, ægrè passus est, moxq; discessit spretis obsonijs, hoc scommate comessatorem palàm persecutus, huc veni, quòd te sacrificare putarem, non deliciari & illudere. Cùm aliquot dies Thebis compotationibus & libidini plebs indulgeret, ille sui & suæ curæ memor abstinuit solito continentius: cumq; occurrisset familiaris duci pulchrè scallido & diligenter cogitabundo, mirariq; diceret, quòd in hunc modum dux & ciuitatis luxuriantis princeps incederet. Vobis, inquit ille, satis sit licere ebrios esse ac diffluere: meum est interim vigilare cautius. quo præclarè exhibetur principi quantum sibi liceat, quantumq; curæ sit. Romuli continentiam, qui succedendo secuti sunt, regnum conseruarunt & auxerunt ad iustum imperium. Sed vbi sceptro tantum, non moribus succedi ceptum est, pessum ijt regis nomen & regnandi ius. Ille enim ciborum parcissimus fuit, & ad cœnam aliquando vocatum quum minimum bibisse deprehendissent conuiuæ, & palàm dicerent, excusauit, quòd postridie negotium haberet: qui cùm addidissent, vinum vilius fore, si ad eius exemplum cæteri bibant, Imò, inquit ille, Carius erit, si quantum quisque volet bibat. Ego enim bibi quantum volui. Quandiu ille regnauit, vini vsus fœminis prorsus fuit interdictus: & ad id Plinius secundus, Inuenimus, inquit, inter exempla Meccenij, vxorem, quòd vinum bibisset è dolio interfe-

*Epaminonda
continentia.*

*Romuli ab-
stinencia.*

*Mulieris
abstentia.*

Etam

*Lex Romu.
Posthumia.*

*Phocionis fru-
galitas.*

*Socratis de
sobrietate di-
ffinitio.*

Etiam à marito fuisse, eumq; cædis à Romulo absolu-
tum. Numæ Romuli successoris extat lex Posthu-
mia in hæc verba, vino rogum ne respergito. quam
declarat idem Plin. lib. xiiij. ca. xij. Inuidia non caruit
oratoris Demadis in Phocionem principem obiur-
gatio tenuis prandij apparatus, qua dicebat se demi-
rari Phocionem rempub. administrare, cum tam vili
pranderet. Nimirum si Demades alioquin eloquens
& bonus orator luxui deditus Phocionis probi &
sapientis principis mores dedignatus est: nemo enim
ferè solet alienos mores probare, sed ex suis semper
æstimare. Idem Phocion sobrietatem adeo coluit, vt
filium in hac sibi successorem & similem fieri volue-
rit, & satagerit. Huic cum filius obsonia plura solito
coemisset, improbauit, præcepitq; minis acerrimis, ne
plura, quàm naturæ continenti essent necessaria ingur-
gitaret, alioqui pœnas esse luiturum. Socrates sole-
bat frequenti & serio sermone loqui & disputare de
victu: idq; facturus præfabatur se non de paruo ne-
gotio aut de re mediocri disserturum: remq; existi-
mabat & iudicabat esse maximè vtilem & vitæ hu-
manæ admodum necessariam, sobrietatemq; & cibi
continentiam initium & fundamentum ad rectè &
sapienter viuendum, siue priuatim, siue publicè: & vi-
cissim crapulam vitiorum omnium argumentum
producere & calamitatum causas dare. Idem apud
Xenophontem, post longam ratiocinationem de so-
brietate, eo vtitur epilogo. Quid enim, inquit, O En-
thideme interest inter hominem incontinentem &
belluam? Nam quicunque ea, quæ optima non sunt
cogitat, voluptuaria vult exequi, quid à pecudibus dif-
fert?

fert? Hactenus Socrates. Hominis prudentis non est, imò prorsus non hominis est, ventrem colere beneficiorum acceptorum ingratisimum & qui semper plura sibi iusto postulat, & huius immoderatæ libidini obsequi beluarum est proprium, qui solo appetitu ducuntur. Nec abs re fictum esse puto Circem idcirco homines quosdam deuotos & aliquot dies libidinosè ab ea nutritos in sues conuertisse, quos suina natura esse vescendo cognouisset: Vlisssem verò, abstinentia sua, & Mercurij consilio, hominis speciem suis moribus dignam retinuisse. Androcides sapientia clarus Alexandri intemperantiam cohibens huic scripsit in hæc verba. Vinum potaturus Rex memento te bibere sanguinem terræ. Sicut cicuta homini venenum est, sic cicuta vinum. Ad quæ Plinius secundus, his præceptis, inquit, si Alexander obtemperauisset, amicos in temulentia non interemisset. Prorsus ut iure dici possit, neque viribus corporis vtilius aliud, neque aliud voluptatibus perniciosius, si modus absit. Vino & cibo temperato vires corporis & animi iuantur, pudicitia conseruatur, ira coercetur: copiosiore læduntur, conteruntur, præuertuntur: & ad id vetus est prouerbium, Vino sapientiam obumbrari. Et quia vini potus solet ad insolentiam impellere, etiam ingenuos, Chartaginenses pugnaturi solebant ab illo abstinere: id refert Aristoteles libr. æconomicor. primo. cap. v. Sexcentas clades vino obrutis euenisse reperias, siue ducibus, siue militibus: hasq; ut improvisa magis feriunt, ea grauitate acceptas, ut vllæ reparationi nusquam spes fuerit. Imperatoribus item & regibus, quemadmodum sobrijs benè contigit, sic

Ventrem ingratitudo.

Circæ suæ.

Vlisses abstinens.

Vinum, sanguis terræ.

Vini effectus secundum modum, quo assumitur.

*Alexandri
fortuna.*

*Alexandri
virtutis quā-
do corrumpit.*

*Tiberij Cæsa-
ris in Iulius.*

& ediuerso helluonibus & crapula deditis infœliciter
succesit. Externa exempla liberiore stylo, quam no-
stra, licet ea fortè non desint, adducturis nullum aliud
occurrit speciosius quàm Alexandri ipsius, qui quum
Africam, Europam, & Asiam tot cladibus miscuerit,
nescias in huius considerando furore satis dicere, for-
tunæ an virtuti tribuendum sit, quod de eo traditum
est. Huic enim totus orbis parum fuerat, nisi & idem
fatum, quòd iuueni furioso morem tantopere gesse-
rat, & in tot rebus prosperis indulserat, effrenem am-
bitionem, seu magis rabiem retinisset, longzuitate
negata. Ille enim vt primùm curis instantibus laxa-
tus est, militarium laborum, quàm pacis siue otij pa-
tientior, eum interceptere voluptates: & quæ hostium
arma non confecerant, quassarunt delitiæ, profusæ
mensæ, greges scortorum, ludorum illectamenta, &
cætera contra priores ritus effecere, vt non solum se-
ipsum corruerit, sed & populares animos & ocu-
los offenderit, ita vt amicus pro hoste cœperit haberi,
& qui imperium pati solebat, restiterit: milites item
disciplinæ suæ tenaces, solitosq; prius parco victu ad
naturæ duntaxat conseruationem defungi, prorsus
ea barbara vita mutati sunt. Alexandrum his nouis
moribus obrutum magis quàm delectatum cœpere
adoriri in caput eius inlidit, militum desertio, iræ, sus-
pitiones: & denuo natus annos triginta, plus minus,
post aliquot aliàs leuiores victorias occidit, nullo suc-
cessore certo eius cognito. Tyberius Cæsar adeo po-
pinationem à tyrocinio coluit, vt pro Tyberio Bibe-
rius dictus sit. Deinde princeps non erubuit noctem
continuumq; biduum epulando potandoq; consu-
mere.

mere. Nec id sibi satis fuit, nam & obscœnam consuetudinem & helluationem cœterorum adeo probavit, vt quos cognouisset insignes manducones & compotores, vt Pomponium Flaccum & C. Pisonem, amicos iucundissimos dixerit & honorarit uiuens prouincijs decretis. Ignotissimum item quæsturæ candidatum nobilissimis anteposuit ob epotam in conuiuio, eo propinante, amphoram. Inter eius turpitudines id à Tranquillo subnotatur, Imperatorem apud Sex. Claudium libidinosum & prodigum senem cœnasse nudis puellis ministrantibus. Quomodo obierit inter scriptores non conuenit, cum alij veneno: alij morbo, ob fremitum ex re præter dignitatem imparatoriam audita, confestim recepto: alij ob cibum denegatum: alij iræ intemperantia: alij derelictum iacentem vocatis ministris, ac nemine respondente confurrexissè, & ad lectulum stantem & debilem concidissè scribunt. Vtunque sit, ignominiosè & ingenti omnium gaudio id accidit, vitamq; eius detestata plebs cadaueri Gemonias scalas obstinatè sollicitauit. Nec tam obscœnos ritus à prædecessore Octauio Cæs. Augusto recepit, qui vt ipse

Cœna liberij ministrantibus puellis nudis.

Augustus continens et crapula vitior.

non astitit: solebatq; parcè cibum sumere, & conui-
uia etiam quotidiana non dedignari. Tradunt Ro-
maz aliquando exceptum à quodam, cœna, quàm de-
ceret, ieiuniori, dimissum æquo animo sordes inuita-
toris tulisse, idq; tantum illi, cum abiret, insufurasse.
non putabam me tibi tam familiarem. Tyberio mor-
ibus perditissimo successit Caligula eo vitio offu-
sior. Hic enim commentus est nouorum ciborum
& cœnarū portentosa genera, vt calidis frigidisq; vn-
guentis lauaretur, præciosissimas margaritas liquefa-
ctas sorberet, conuiuiis ex auro panes & obsonia ap-
poneret: vulgoq; iactabat oportere hominem frangi
esse, aut Cæsarem. Valetudine neque corporis neque
animi constitit: & vltra comitalem morbum, quo
vexabatur, mentis valetudinem grauissimam sentit,
adeo vt aliquando secedere ob purgandum cerebrum
deliberauerit. Nono Calend. Febr. hora septima ali-
quantum cunctatus an ad prandium surgeret, mar-
cessente adhuc stomacho pridiani cibi onere, tandem
surrexit & domum egressus à coniuratis nobilibus
traiecto pectore & maxilla discissa occubuit, iacensq;
triginta vulneribus confectus est.

*Caligula
prodigiosa
crapula.*

*Caligula
valetudo ex
crapula.*

*Claudij Cæ-
saris crapu-
la.*

CLAVDIUS Cæsar, licet diui titulo honoratus,
moribus tamen despectissimis fuit: cibi & vini quo-
cunq; tempore appetentissimus, nec temerè vnquam
triclinio abscessit nisi distentus & madens: solebatq;
supino & per somnum hianti pinna in os immitti
ad euomendam crapulam. Ille boleto medicato, cu-
ius cibi auidissimus erat, per Agrippinam oblato sta-
tim obmutuit, & tota nocte doloribus excruciatu
tandem defecit.

NERO multo abiectior, & prorsus vitiorum exemplum, epulas è medio die ad mediam noctem ex more protraxit: eo penuriz decidit, vt supplicium vitæ suæ dignum fugiens siti correptus aquam ex subiecta lacuna egrè poturus manu hauserit, & in hæc verba pœnitens, & hæc est, inquit, Neronis decocta: repererat enim, vt aqua decocta gratiam haberet crudæ, immissa in poculum niuæ: fameq; & iterum siti interpellante ei panis sordidus oblatus est cum aqua tepida. Deinde sentiens equites appropinquare, quibus præceptum erat, vt viuum attraherent ad pœnam, quæ sibi parabatur, ferrum iugulo adegit, seq; infelix turpiter occidit, ab omnibus dimissus, & quem nemo iuuit ope aut consilio gratiore post exercituum & prouinciarum defectiones, quam quidam ex familiaribus hac perdita, eo tamen homine digna voce, vsq; adeo ne mori miserum est? Tranquillus in Tyberio scripsit illum inimicos suos subornato odio iudicatos fame necasse, Neronem non ipsum quem supra descripsimus, sed Tyberij ex Germanico nepotem in Pontia, & Drusum Neronis huius fratrem in ima parte palatij. Druso autem alimenta adeo subducta, vt tomentum è culcitra tentauerit mandere, cum amborum reliquæ in conuiujs adeo dispersæ antea essent, vt vix quandoque colligi possent.

Neronis profusa belluatio ad penuriâ recta.

Fames summa.

SERGIUS GALBA, cibi plurimi fuisse traditur. Solebat enim couiuuari incipere hiberno tempore ante lucem: & ea lasciuiâ adeo contemptus & exosus est, vt cum ad eandem quæreretur in exercitu, arcesserenturq; milites ad auxilium, nemo nõ spreuit nuncium. Iugulatus est, & solus relictus donec gregarius miles

Galba crapula.

à frumētatione rediens, abiecto onere, caput ei amputavit, & inserto per os pollice ad Othonem detulit.

*Vitelij Cas.
Voracitas.*

VITELLIVS CAESAR non profundæ modo sed sordidissimæ gulæ epulas quadrifariam primus distribuit in ientacula, prandia, cœnas, & comestationes: & omnibus se sufficientem parabat vomitandi consuetudine. Famosissima cœna ad memoriam huius temporis traducta, est ei à fratre parata, in qua duo millia lectissimorum piscium, septem millia auium apposita traduntur: in hac scarorum iocinora, phasianorum & pauonum cerebrella, linguas phanicopterum, Murenarum lactes à Carpathio frenoq; Hispanico per nauarchos ac triremes petitarum apposuit. Tandem cùm sola sæuitia & voracitate imperaret, interceptus à suis est, & cum magno dedecore tractus per urbem Romam publicè nudus, erecta coma, & capite eius subiecto ad mentum gladio stercore obuoluto, postremò apud Gemonias scalas minutissimis ictibus excarnificatus atq; confectus est, & inde vnco tractus in Tyberim. Duos successores habuit Vespasianum, aut filium eius Titum omnino absimiles, hisq; diuersè accidit. Horum prior Vespasianus ob sobrietatem valetudine prospera vsus est, ad quam tuendam, inedia plurium dierum exerce assueuerat: & hac modestia imperium diu tenuit & locupletauit. TITVS verò conuiuia iucunda secutus est, magis quàm profusa. Eius mors præmatura ab omnibus publicè multum lucta est: laudesq; defunctus tantas habuit, quantas viuus, præsens ipse aut alius accipere potuisset etiam per adulationem. Irrupit in pristinos mores Domitianus, qui frequenter & largè,

Vespasiani sobrietas.

Tit. Luctu.

*Domitiani
vitiosi mores.*

largè, clàm & palàm conuiuari solebat. Factus est va-
 letudinarius abundantiori comestatione, deformis
 & macer. Parthenij cubicularij proditiōe à suis oc-
 cisus est, communi omnium lætitiā, vt etiam in cor-
 pus eius sœuitum sit dedecore exportationis & igno-
 bilis sepulturæ. Huius morte Imperatorum deformi-
 ter imperantium sœuitia interruptè finem cœpit, ven-
 tumq; est ad moderatissimos Imperatores, Neruam
 Cocceium, Vlpium Traianum, Aelium Adrianum,
 M. Antoninum Pium, M. Antoninum Verum, L.
 Annium Antoninum, Aelium Pertinacem, & alios
 complures, quos hîc non commemoro, ne historia
 magis, quàm instituto nostro charta compleatur.
 Cum etenim clementia & benignis moribus, siqua
 alia re, imperium retineatur, sœuitiaq; dissoluatur, cu-
 ra & sollicitudine & bono consilio regatur, temeri-
 tate deficiat, voracem, crapulosum, heiluo nem, & in-
 gluiuosum nemo probabit illa consequi, quæ ad re-
 gnandum digna sunt: & cùm his moribus ad bel-
 luam & naturam ferarum accedat, necesse est eum fe-
 rum, inconsultum, & improvidum esse: neq; magis
 hominum regno dignum, quàm brutum ipsum. Ra-
 rò & vix accidit, vt qui parcus fuerit, sœuus aut incon-
 sultus visus sit, præter Iulianum Seuerum Imperato-
 rem: hunc ferunt parcum admodum, attamen sœuum
 inter cæteros, vt nouum quoddam & contra natu-
 ram: quæ sœuitia à nomine, aut seueritas potius dicen-
 da fuit: aut cum Macrobij Syro dicendum, sæpius
 eum, cui plus liceat quàm par sit, plus velle quàm li-
 ceat. summis etenim magistratibus in summa peccan-
 di licentia se continere arduum & difficile pro Pla-
 tonis

*Imperatores
moderatissi-
mi.*

*Requisita in
principe.*

*Iulia. Seue-
rus parcus
& sanus.*

*Impotentia
principis fre-
quens.*

*Neronis acerba vox
de impotētia
principis.*

tonis sententia: meritoq; antiquitas eos, qui modestiam videbantur secuti, magis quàm potestatem explicuisse Diui titulo insigniuit, quod ita vixisse diuinum & plusquam humanū videretur. Vnde illa Neronis acerba vox, cū enim tanto potentatu elatus, & successibus suæ voluntatis inflatus nullum amplius adhiberet delectum, aut modum cupiditatibus, flagitijs, & quoscunq; libuisset, quacunq; de causa interimendi cōsuetudini esse, suspicareturq; id nouum quibusdam videri, negauit decessorum suorū quenquam scisse, quid sibi liceret. Præterea szuitia etiam citra intemperantiam aut potestatis licentiam ex ingenij præstantia sæpenumero profluxit, cū inde aut virtutes maximæ, aut maxima vitia producantur: vt ex Plutar. not. Zaz. in l. ij. verb. omne nefas. ff. de orig. iur.

Ingenio præstas aut virtute, aut vitio præcellis.

Crapula pœna.

Curiose non congero, quas libidines crapula protulit ad portentosam luxuriam. Quas, etsi instituto satis conueniant, tamen quia priore tractatu magis aptè conscriptæ sunt, hic attingere visum nō est. Adijciam crapulam hanc impunitam lege ciuili non haberi: nam licet temulentus delicti in perpotatione commissi leuius puniatur, attamen tam ex delicto ipso, licet remissius, quàm ex crapula pœnam expectet. Respicendum. §. delinquant autem. ibi, Impetu, cum per ebrietatem ad manus vel ad ferrum venit. ff. de pœ.

Leges sumptuaria.

Item, & non cuilibet, vt vult, liberè vesci permissum est. Persæ ex lege scripta cibi & potus continentiam obseruabant, idq; attentius, quod seniorum exemplo iuuabantur, quibus secundum ætatem & dignitatem ciborum ratio definita fuit. Pueris pro cibo panis, pro obsonio nasturtium, & ad potum vasculum, quo è flu

è flumine aquam haurirent, fuit. Ideo commendantur ab omnibus Cyri regis virtutes, qui cum forma speciosissimus esset, natura humanissimus, institutione modestissimus, disciplinæ & honoris ad hæc studiosus: horum omnium gratia prorsus refertur educationi, quam ille à teneris annis ad leges Persicas conformauerat. Ex Varrone & plerisque medicorum Philosophorum refert Gellius lib. Atticar. no. et. iij. cap. xix. compertum esse pueros impuberes, si plurimo cibo utantur nimioque somno, hebetiores fieri, & hinc elici tarditatem, corporaque fieri improcera & minus adolescere. Romæ simplicitas in cibis capiendis olim fuit certissima index humanitatis & continentię, cum epularum usus simplex & modicus esset, non licuit, nisi palam conuiuari, neque cibos alios apponere, quam eos, quos oculis populi non esset erubescendum, frequentior erat apud eos pultis usus, quam panis: sic, inquit Valerius, salubritatem suam industrię certissimo ac fidelissimo monumento tuebantur: bonęque valetudinis eorum quasi quædam mater erat frugalitas inimica luxuriosis epulis, & aliena nimis vini abundantię, & ab omni immoderato veneris usu auersa. Idem Gellius lib. xv. cap. viij. quædam ex oratione Phanorimi veteris oratoris de cænarum atque luxurię exprobatone refert. & lib. ij. cap. xxiiij. inscripto de vetere parcimoniâ, Antiquas leges sex, editum vnum, & Senatusconsultum vnum enumerat. Senatusconsultum C. Fannio & M. Valerio Messalla Coss. factum est: eoque iussi sunt principes ciuitatis, qui ludis Megalensibus antiquo ritu mutitarent, id est mutua inter se conuiuia agitarent, iurare apud Coss.

Cyri summa virtutes.

Pueri cibo plurimo habebantur.

Roma mores circa victum.

Senatusconsultum sumptuaria.

verbis conceptis nō amplius in singulas coenas sumptus esse facturos, quā tricenos vīcenosq; aris, præter olus, far, & vinum: neque vino alienigena, sed patrio vsuros: neque argenti in conuiuio plus pondo, quam libras centum illaturos. Post id successit lex amplior, quæ dicta est Fannia. Hæc ludis Romanis, plebeijs, & saturnalibus, & alijs quibusdam diebus, in singulos dies centenos aris infumi concessit, decemq; alijs diebus in singulis mensibus tricenos: cæteris autem diebus denos. Lex deinde Licinia lata est eaq; superiori addidit, vt nuptijs ducenos impendi liceret: cæteris diebus statuit tricenos, cum & carnis aridæ, & salsamenti certa pondera in singulos dies constituerit, quæcunq; essent ex vite, terra, arboreq; promiscuè indefiniteq; indulgit. Postea Cornelia rogata est a Silia dictatore, cum, superioribus sanctionibus vsu intermissis, seu senio & situ obliteratis, pleriq; in patri-
monijs amplis profusus helluarentur, proluerentq; prandiorum gurgitibus pecuniam suam: cavit illæ, vt Calendis, Idibus, nonisq; diebus ludorum, & ferijs quibusdam solennibus sestetios tricenos infumere ius esset: cæteris autem alijs diebus omnibus non amplius ternos. Aemilia lex inuenitur, qua non cœnarum sumptus, sed ciborum genus & modus est præfinitus. Item & alia Antia, qua vltra sumptus definitionem magistratibus non licuit passim & omnibus sui copiam ad conuiuandum facere, sed tantum certis personis inuitantibus. Postremò, lex Iulia, qua pro festis diebus ducenti statuuntur: Cal. no. Idib. trecenti: nuptus & repotijs idest comestationibus, quæ septimo die post nuptias fiunt, & quas *reburz* dicimus, n. s.

millies esse. Augustus edicto quodam, vt luxuriæ *Edictū au-*
 effervescentis ætus coerceret, quædam eadem ferè sta *gustū sum-*
 tuit. L. Annius Antoninus Imperator, quem mirari *ptuarium.*
 facilius quisquam, quàm laudare posset, à principio *Lex Annia.*
 vitæ tranquillissimus, adeo vt ab infantia vultum neq;
 ex gaudio, neq; ex mœrore mutauerit, cum incōtinen
 tia omnes gradus laborare nouisset, & mutuens ne cra
 pulæ libertate, suppressis honestis moribus, pessum
 irent modestè viuendi ritus, legem comestationibus
 dedit, præscripsitq; simplicibus simpliciter viuendi for
 mulam, clarioribus viris permisit, vt conuiuia eodem
 cultu, quo Imperator ipse, & ministris similibus ex
 hiberent, vt refert Eutropius. Accurs. in glo. in l. seruis
 vrbani. in verb. cibarijs. ff. de legat. iij. notauit rusticos *Rusticorū ci-*
 non debere nutriri pullis, sed pane, alijs, cepis, caseo, *baria.*
 & fabis. Item, & canones vetant ad venialis peccati
 præceptum, ne pauperibus cibaria deliciosa parentur.
 c. nunc autem. 25. dist. prope fi. Id amplius persequun
 tur docto. in l. maritum. ff. solu. matrimo. & maximè
 Ange. & Ioan. de Imo. in l. Nefennius. §. fi. ff. de re iu
 dica. Victus enim ratio & cibarium præscriptum
 ex qualitate & dignitate personarum pensatur. l. se
 cundum dignitatem. ff. de administrat. tut. & l. j. §. mu
 lieri. ff. de vent. in poss. mitt. facit c. non coguntur. 41.
 distinct. & c. fin. 19. distinc. Hic cursim quasdam com
 memorabo simplosiorū leges Græcas, quarum prior *Leges Sym-*
 fertur. ἢ πίνει, ἢ ἀνδρῶν. Item, & illa, ἢ πίνει, ἢ τρώει, ἢ *posteriorum.*
 μὴ τῆλερα. Denuo & tertia, μίσω μακάριον συμποσίω. & alia
 prouerbialis & faceta ὁδὸς ἢ πίνουσι χρεὸν ὁδὸν ἂν τρώει. His
 autem & alijs ab Alcibiade in Platonis quodam con
 uiuiο emissis datus est locus amplius crapulam com-

*Ebrietatis
laudatores.*

*Ebrietatis
descriptio.*

mendandi : suntq; , qui liberiori stylo ebrietatem laudant declamationibus publicis, sed id quidem apud sobrios auditores, quibus liberum fuit reiicere aut admittere, quæ experiundi ingenij causa declamata sunt. pro coronide subijciam D. August. verba, quibus certissimis coloribus ebrietatem depinxit. Ebrietas , inquit ille, est flagitiorum omnium mater, culparumq; materia, radix criminum, origo vitiorum, turbatio capitis, subuersio sensus, linguae tempestas, procella corporis , naufragium castitatis , amissio temporis , voluntaria insania , languor ignominiosus , turpitudine morum , dedecus vitæ , honestatis iustitia , animæq; corruptela.

DE LVXV VESTIMENTORVM ET CVLTV CORPORIS. LIBER III.



Cultus corporis.

Libido cultus et hydropica.

VM innumerabilia videantur incontinentiæ & luxuriandi genera , horum nullum aliud videri potest, quo magis à modestia discedatur, quoq; grauiore casu demergamur , quodq; superioribus propius accedat, quàm id , quod cultu corporis , luxuq; vestiendi exercetur. Nimirum, hæc est infœlix hominum conditio, vt libidini nullus futurus sit finis : cùm in potiundo magis accendantur, quàm satientur : & , vt inquit Horatius , crescit indulgens sibi dirus hydrops , nec sitim pellit.

pellit. Et cùm cæteræ voluptates aliquando aut va-
letudine, aut senio, aut afsiduitate languescant, hæc
certè, de qua acturi sumus, magis ac magis solet in-
crescere: & quamlibet in tenuem immissa tramitem
latissimè euagandi sibi viam facit, & vbi semel à mo-
destia in luxum id genus declinatum est, effrenatè ef-
fluitur, nullaq; compendij ratione perspecta enorme
& infinitum malum est. In id præclare Plinius, dum
inde inuehit vestimentorum ornamenta & margari-
tarum luxus comprehendi, vnde & ciborum delitiz
excipi solent. Parum scilicet, inquit, fuerat, in gulas
condi maria, nisi manibus, auribus, capite, toto de-
nique corpore, à fœminis iuxta uirisq; gestarentur.
Quid mari cum vestibus? quid vndis, fluctusve cum
vellere? Non recipit hæc nos rerum natura, nisi nu-
dos. Esto, Si tanta ventri cum eo societas, quid ter-
gori? Parum sit, nisi qui vescimur periculis, etiam ve-
stiamur.

*Vestimenta-
rum ut ci-
borum luxur.*

A D corporis velamen vestimentum necessitas re-
perit, quod subinde corrumpit voluptas. Fecit primum
Deus Opt. Max. Adæ & vxori eius Eux tunicas pel-
liceas, & induit eos. quo in opere, quantum homini
consultum sit, nemo non videt: cùm nulla alia re ac-
commodatius ille velari & minoris contegi possit.
Et ne circa id mœcharetur, lanam & linum lege sua
summus ille naturæ princeps à vestimentis exclusit:
extatq; lex, si non huius viua voce, at certè præcepto
publicata inter leges Deuteronomij, quæ hoc titulo,
& his verbis adscriptæ sunt. Hæc sunt præcepta at-
que iudicia, quæ facere debetis in terra. Lex autem in-
ter illas hæc est. Non indueris vestimento, quod ex

*Vestimenta-
rum ratio à
Domina.*

*Lana & li-
num probi-
bita.*

lana linoq; contextum est. Fœliciter quidem cum re-
 bus humanis ageretur, si huic legi parendum sit, vt
 certè est, & non ad lanam & linum luxu tam immo-
 derato effluendum. Præpostere, lege prorsus omiſſa,
 eo paulatim peruentum est, vt quæ necessitas induxit,
 in voluptatem tracta sint: nec sufficere visum est Aeg-
 yptiorum, qui primi textilibus vsi sunt, inuento vti,
 item & simplicibus lanis, coloribusq; natiuis contine-
 ri, nisi & ad Lydorum inuentum coloribus infician-
 tur. Sic videmus in omnibus ferè rebus homines cu-
 pidine & luxu eo præteruectos esse, vt nihil amplius
 considerato iusto vsu necessitateq; inuentionis nullo
 modo obseruata, solus luxus prorsus celatur, simplici
 contemptim vituperato. Olim specus erant pro do-
 mibus: tum luthea ædificia Doxij ingenio, exemplo
 sumpto ab hirundinum nidis, fieri cœperunt. Post-
 modum Euracius & Hiperbius fratres lateritias do-
 mos Athenis primi constituerunt, easq; simplices &
 iusto sumptu. Sed vt assolet latius euagari, quod se-
 mel cœptum est, res in enormem luxuriam recidit,
 continuauitq; ad hæc tempora incrementum conua-
 leſcere ad ædificia prodigiosa: neq; statu temporum
 nostrorum res ad summum adhuc pertigisse digno-
 ſcitur, quando varijs artificijs portentosisq; inuentis
 contenditur, & nulli sumptui parcitur, vt cum Plinio
 secundo dubites, mirari ne deceat inuentorem, an
 inuentum: artificem, an autorem: ausum aliquem
 hæc suscipere, an excogitare: parere, an iubere. Fer-
 tur ab eo, M. Lepido & Q. Catulo Coss. domum
 nullam pulchriorem Romæ fuisse, quàm ipsius Le-
 pidi: tamen intra annos triginta quinque eandem
 centesi

*Domus qua
 olim fuerit.*

*Domus late
 ritia prima.*

*Ædificiorum
 luxu.*

*Lepidi do-
 mus.*

centesimum locum non obtinuiffe : Eas item omnes duabus domibus C. & Neronis cefsiffe, quarum illa Neronis aurea fuit. Vtrique denuo gloriam hanc priuatis ædificijs ereptam effe. Computabit in hac æftimatione quilibet, imò & magis, qui antiquorum Piramidas, L. Syllæ & M. Scauri theatra, P. Claudij, Q. Martij regis miracula, montes à Claudio perfoffos, Milonis, Tarquinij Prifci domorum pretia, opera pictorum, molem marmorum Romæ extructam à mille & octingentis annis æftimauerit, quæ poffit effe fæculi huius infania, fi fenfim cum tempore res aucta fit, vt & augebitur certè in pofterum, cum nulla fit fpes aliquando defuturæ luxuriæ : prout & homo non nouit fuæ cupiditati exitum dare, & intelligere res tanta follicitudine, tantoq; impendio confectas homine ipfo fragiliores effe, quotidie accidere, vt incendijs prorfus circumducantur, eoq; concidant, vt ne tignum quidem fuperfit. Stratonicus igitur rectè, qui cum Rhodi aliquot dies ageret cognito ciuium luxu dicebat fe mirari, quod ædificarent, perinde quafi effent immortales, & epulari, vt breue tempus victuri. Solemus enim auidius eo frui, quod fcimus breui duraturum. Sed & aliud malum accedit, vt quos luxus ignis non vindicauit, diutius perfiftere non poffint, hominum imbecilli natura, qui nihil, nifi à fe fuo fumptu erectum æftimare folent : idq; , vt in re veltiaria. Nam quemadmodum veltimenta, quibus alius vti cœperit, taftidimus, etiam fi fint commoda, fi fint preciofa : tantumq; nouitati concedi follet, vt nemo decore videatur veltitus, qui ftudio fuo, & nouo fumptu veltitus non eft: fic in extruendis do-

Neronis domus.

Domus magnifica.

Ædificia homine ipfo fragilia.

Ædificans vt immortalis, vefcens vt cito moriturus.

Ædificia nifi noftro fumptu facta non placent.

*Aedificio-
rum insania
viti aliena
praestat.*

*Cultus cor-
poris qui ob-
seruandus.*

mibus nemo hodie sibi videtur benè habitare, nisi illarum propria opera, inuentione, pecunia, sinon prorsus aedificatur, at certè renouatur sint. Quo fit, ut cum cuiusque suus sit furor, certeturque suo quisque aliorum furorem vincere, maior pars derelinquatur, sui operis studio nimio, & alieni fastidio: adeo, ut quae omisit incendium, temporis casus peruertat, & quae prompto excidio non abeunt, ruderibus distrahantur: cum tamen homini prudenti & res suas consideratius tractanti perpetuò videri debeat praestare aliena frui insania, quàm sua: effici, ut patrimonio consulatur, casui & damno rerum tanto labore & impendio erectarum occurratur, nihilque oneri intolerando sit.

CULTVS corporis ad dignitates, vires, & valetudinem, non ad voluptatem admittitur. Socrates ad decorum retulit: dicere enim solebat, corpus, prout decet esse componendum & praeparandum. Cultus enim concessus atque decorus addit hominibus auctoritatem: effœminatus ac luxuriosus non corpus exornat, sed detegit mentem: & ut inquit Quintilianus, toga, calceus, capillus, & cætera, tam nimia negligentia, quàm cura reprehendenda sunt. Salomon in Ecclesiaste c. ix. monet, ut omni tempore vestimenta sint candida. Vestem sordidam in publico habere capillumque summittere nulli licet: verba sunt Venuleij in l. vestem sordidam. ff. de iniur. Agesilaus in Aegyptum à rege vocatus propter vestimenti sordes initio contemptus est. Rectè Aristoteles Hyppodamum indecori inclamauit. Nam cum esset in cæteris vitae partibus morosior, quàm deceret, propter gloriae cupiditatem, capillorum prolixitate & gestu habituque;

habituq; videri vellet speciosus, vili vestitu & abiecto non hieme tantum, sed & æstate utebatur. Cicero Anacharsis Scythæ horridam & pertimescendam ornatus & vitæ speciem subnotavit eius ad Hannonem epistola, sub his verbis. Anacharsis Scythes Hannoni S. Mihi amiectui est Scythicum tegmen: cal ciamantum solorum callum: cubile terra: pulpamentum fames: lacte, caseo, carne vescor. Quare, vt ad me quietum venias, licet. Munera ista, quibus es delectatus, vel ciuibus tuis, vel dijs immortalibus dona. Vale. Sua etenim huic rei inter abiectiorem & luxum modestia est, quam pro hominis dignitate, aut loci consuetudine, aut alias metiri oportet. Diogenes igitur Rhodios adolescentes incusavit superbæ, quod curiosius culti sibi viderentur: postmodum Lacedæmonijs sibi obuijs viliori modo, quàm deceret, cultis obiecit superbæ non minorem speciem. Magistratum, tum maximè, cum ea, quorum curam agit, expedit, dum in publicum se profert insignibus vestitum oportet: nec tunicatum aut sine calceis videri decebit: quæ tamen in priuato indecora non sunt: sæpius enim non tantum decora sed vtilia. Olim Romæ cuiq; priuato tunicato incedere sine toga licuit: magistratui non licuit, nec & priuato, qui senatorem aut magistratum alloqui aut salutare vellet: toga enim tunc erat superinduenda & sic ij adeundi. Præterea indecorum fuit, imò non licuit priuato sine toga magistratum, aut eos, qui dignitate, vel ætate, vel opibus præcellerent, deducere, vel reducere in domum, in forum, in templa aut alio. Ideo in Catone, homine alioqui post homines natos & grauissimo & seuerissimo,

*Anacharsis
horrida frugalitas.*

*Modestia inter
luxum
& sordes.*

*superbus
qui curiose
cultus est, et
etiã qui abiecte.*

*Magistratus pro
dignitate ornatus sit.*

*Cato prætor
tunicatus et
sine calceis.*

*Pratoria di-
gnitas.*

*Latum cla-
uum.*

*Neronis lu-
xus.*

*Sacerdotis
cultus.*

Degradatio.

*Degrada-
tio q̃m qua
fuit.*

rissimo, ab aliquot damnatum est, quòd Prætor æsta-
te à prandio statim sine tunica & sine calceis in fo-
rum sæpe descenderit, & ius ita dixerit: quo factò ali-
quantum euiluit Cato. Dignitas etenim illa Præto-
ria maxima fuit, & ideo Coss. collegæ prætores dice-
bantur, vt refert Gell. & prætexta induebantur, quæ
erat toga, cuius oræ & circuitui purpura aut aurum
prætexebatur. Item & latum clauum ferebant, idest
tunicam prætextam, latiore vulgari, & discinctam,
cui toga superinduebatur. Illi præterea purpura Me-
galensi ornabantur, vt & Trabea. Ea autem orna-
menta gestandi autoritas inter primas dignitates ha-
bebatur. Circa hæc magnifica ornamenta luxus of-
fensa & vituperio non caruit, vt in Nerone damna-
tum est. Quòd adeo superfluerit, vt nulla veste bis
vſus sit. Ad hæc sacerdotij dignitas ea modestia ma-
ximè præcellere debet: nec superfluo aut indecoro
cultu neque sordido aut agresti sacerdoti vtendum
est, sed pro religionis honestate decoro. cap. parsimo-
niam. 41. distinct. & in summa illius dist. glos. in c. ij. in
fi. de custod. eucarist. Et vt hodie non licet sacerdo-
tem his vestitum insignijs, quæ huius dignitatem, de-
cent, supplicio afficere, soletq; imprimis deponi ex
iudicio & exui, ita olim summos magistratus orna-
mentis exui oportuit. P. Lentulus prætor, postquam
Vulturij & Allobrogum legatorum indicio coniu-
rationis Catilinariz conuictus fuit, suisq; literis & si-
gnis ab eo cognitis in Senatu parricida probatus,
quoad de sumendis ab eo & cæteris supplicijs deli-
beratur, decreuit Senatus, vt sacrum Præturæ magi-
stratum deponat & abdicet: Tum, vt in custodijs
habeatur.

habeatur. Deliberatione Senatus secundum sententiam Catonis inita, huic in carcere gula fracta est. Plutarchus in Cicerone formam huius depositionis Lentuli, quam nōs degradationem dicimus, clarius expressit. Cū enim ille Prætor esset, posita in Senatu prætexta, fortunæ suæ congruam vestem induit. coq; publico exumento vitur Curia Franciæ, cū sacerdotem grauioris accusationis conuictum exangui rari ex sententia conuenit. Ediuerso aliquando licuit etiam moto à Senatu, aut dignitate, modo id sine ignominia contigisset, vestis insigne retinere. Ideo Augustus cū plures Senatores exautorasset, ob numerum affluentem, insigne vestis, & spectandi in orchestra epulandiq; publice ius reseruauit.

vestis ornatus relictus ei qui missus est.

CAVENDVM igitur, vt ad rem redeam, maximè principi, aut magistratui, ne quid, cū in publicum prodit, durum aut rusticum circa vestis insigne appareat: sed maximè enitendum, vt pro dignitate gestus, vestitus, status, sessio, & cætera decorum illud teneant. Philippo Macedonum regi, cū aliquando auctiori captiuorum præfesset, sederetq; parum decorè Chlamide intorta, oblatus est quidam è turba miserorum clamitans, dimitte me, quæso, Rex liberum paternæ amicitiae gratia: à quo cū Philippus amicitiae causam petiisset, Nolo, inquit ille, palam dicere, sine, quæso, vt in aurem eloqui liceat: admissus à rege auribus admotis, demitte, inquit, Chlamidem, nam ad istum modum indecenter sedes. Hoc audito, Philippus illum mox dimitti iussit liberum, quem iam tunc agnouisse amicum esse & benemeritum diceret. Nec & minus erit cauendum, ne quid effœminatum,

Principi aut magistratui decorum tenendum in vestitu.

Cultus effœminatus.

aut molle sit, cum nihil dignitatem magis interdicat aut violet, quam fucus, mollities, aut delicia. Hæc enim prorsus modestiæ, fidei, severitati, quæ dignitatum alumnæ solæ sunt, repugnant: Nec benè conveniunt, nec in vna sede morantur maiestas & amor. Quòd si magistratum incorruptum esse oportet, qui fieri potest, ut eiusmodi sit, qui seipsum mollitia & fūco corrumpit? Idcirco rectè Macedo idem, cum Antipatri gratia, quendam barbam & capillos fucare & tingere solitum in iudicum ordinem evocasset, eundem statim, post cognitum vitium submovit, obtestans eum in rep. gerenda non videri fiducia dignum, qui in capillis fidus non esset. Vespasianus Imperator adolescentem quendam vnguento fragrantem, cum sibi pro impetrata præfectura gratias ageret, nutu aspernatus, maluissimè, inquit, allium oboluisse: literasq; reuocavit præfecturæ, & ea indignum iudicavit eum, qui hoc luxu diffunderet.

*Vnguentorum
odor effra-
gnatus.*

*Distinctio
cultuum.*

s v v s cuiq; fuit vestiendi modus, secundum dignitatem, opes, ætatem, sexum, nobilitatem, gentem, merita, & tempora. quorum singula ordine suo videamus. hoc enim contextu absoluetur hic noster vestiarius tractatus.

*Abdolomi-
ni cultus di-
versitas, de
statu.*

Nec Abdolominus, licet regia stirpe ortus, eodem cultu usus est, cum esset ob inopiam stipe exigua olitor conducticius, quo eum uti decuit, cum ad regnum Sydonum euectus est. Et cum res ad humanæ fragilitatis (cuius nimia in prosperis rebus obliuio est) exemplum pertinet, visum est non prætermittere. Alexander Macedo, ut tradit Q. Curtius, quum Stratonem Sydonæ possessorem iniquum expulisset, quorum

quorundam consilio Abdolominū huic regno præfecit, cui prius paupertatis causa probitas erat: ille in opere diurno & manibus victum queritans ab Alexandri statoribus in horto suburbano inuentus est, quem herbis sterilibus repurgabat: hunc regem salutant, proponuntq; palam regium vestitum, qui in manu erat: cum scalore permutandum suadent, corpus illuie abluendum, regis animum capeffendum, & in eam fortunam, qua dignus erat, continentiam suam proferendam: consulunt insuper, vt cum in regali solo residebit, vitæ necisq; omnium ciuium dominus, caueat obliuisci status illius, in quo regnum acceperit. Huic cunctanti & sibi illudi putanti scalar ablutus est, & iniecta vestis purpura auroq; distincta, ad Alexandrum perductus est: qui Abdolominum diu contemplatus, libet scire, inquit, qua patiētia inopiam tuleris. Tum ille, vtinam, inquit, eodē animo regnum pati possim. hæc manus suffecere desiderio meo, nihil habenti nihil defuit.

DIGNITAS aut Imperatorum, aut Regum, aut magistratuum fuit. Imperatores primum purpura ysi sunt, siue violacea, siue rubea, & siue simplici, siue dibapha aut Megalensi. Violacea ianthina dicta est, Græci enim *ῥοι* violam vocant: huiusq; precium insigne & magnificum fuit. Nam Megalensis purpura erat dibapha, id est, bis tincta, & maximo impendio præparata. ad libram æstimabatur & venibat: in singulas libras centum nostri aurei, qui sunt mille antiqui denarij, numerabantur. Martialis huius purpuræ vestem ad francorum nostrorum quinq; millia ascensisse scripsit, quæ æstimantur centum denariorum il-

*Purpura
Violacea Im-
peratorum.*

*Purpura
Megalensis
precij ma-
ximum.*

lorum millibus. huius id carmen est:

*Constatura fuit Megalensis purpura centum
Millibus.*

*Purpura
simplex.*

Simplicis purpuræ libra denarijs centum, idest, decem nostris aureis empta est. quæ ita post Bud. coniecit Baifius in l. vestis. ff. de aur. & arg. leg. Dibaphæ vsus hodie aut rarus est, aut prorsus nullus in Francia.

*Purpura ra-
ritatis cau-
sa.*

Nec est purpura quæ illicitingitur, aut venditur. Plinius huius raritatis causam expressit his verbis: Murices, inquit, lib. ix. c. xxxvj. verno tempore congregantur, qui purpuræ florem illum tingendis expetunt vestibus in medijs habent faucibus: liquoris hic minimi est in candida vena, vnde preciosus ille bibitur sanguis nigrantis rosæ colore subluces, reliquum corpus sterile. viuas capere contendunt, quia cum vita succum eum emittunt. Et quia tanto impendio ea ferebantur vestimenta visum est imperatorib.

*Purpura
prohibitio.*

Valentiniano & Theodosiano id impendium coercere, prohibueruntq; ea causa purpuræ siue laneæ, siue sericæ venditionem & muricis commercium inter priuos, hosq; suarum fortunarum & capitis discrimine mulctarunt. l. prima. C. quæ res vend. non poss. vbi ego puto corruptè inscribi imperatores Valentinianum & Theodosianum, quos non inuicem, sed aliquo interuallo post regnasse constat. Valentinianus enim cum Valente fratre imperauit anno à Christo nato 367. Valentiniani filius Gracianus Imperator Theodosium pronomine magnum in collegam admisit anno 382. & eo tempore Valentinianus alius frater Graciani junior, cum vterque filius esset Valentiniani primi, imperabat in occidente.

Extant

Extant & de eadem re vestiaria dux constitutiones eiusdem Theodosij in l. vellera adulterin. & in l. purpuræ nundinas. de vestib. oleber. & aur. lib. xj. C. vbi muricem sacrum vocat. Quod si hodie purpura videtur, illa fucata est & adulterina: quæ res capitali supplicio digna visa est. d. l. vellera.

TRABEA item imperatores utebantur, quæ erat *Trabea* toga acu picta, quam nos *broderie* dicimus: & ea primum usus est Romulus purpurea. Augustus Cæsar Tyria purpurea ornari solebat, & aliquando empturus, cum obscuram improbare, venditorq; probare volens dixisset, Erige altius & dispice, Ergo, inquit Augustus, tabulato me oportebit incedere, ut po. Romanus dicat me benè cultum? Conchiliatæ *Conchiliatæ vestes.* vestes imperatorum dictæ sunt, à conchilio purpuræ genere, harum usum Iulius Cæsar ademit, certisq; tantum personis & ætatibus permisit, hisq; adhuc per certos dies ademit. Purpuræ tam ianthinæ, quam conchiliatæ meminit Vlpianus in l. Si cui lana. §. De versicoloribus. versic. proinde quæritur. usque ad fin. ff. de legat. iij.

VESTIS aurea olim raro in usu fuit, Plinius ex *Aurea Vestis.* Verrio refert Tarquinius Priscum tunica aurea primum triumphasse: Agrippinam, quam suis delitijs & osculorum blanditijs Claudius Cæsar illectus novissimam habuit uxorem, assedisse paludamento auro textili sine alia materie indutam Imperatori marito spectaculum navalis prelij edenti. Prætexta & *Prætexta.* Imperatores usi sunt, ut & magistratus, quorum proprius fuit latus clavus, de quo supra diximus. Chlamide *Chlamide.* usi sunt reges, ut supra de Philippo Macedone dixim

diximus, licet Chlamidem inter puerilia vestimenta enumerauerit Vlpianus in d.l. vestis. §. puerilia sunt. tamen in eo text. Iurisconsultus Chlamidem simpliciter non asserit esse puerile vestimentum, sed duntaxat alicubi dixit illam ad vsum puerorum pertinere, vt & pallia, quæ filiis nostris comparamus: vbi hæcenus pro alicubi lectum fuerat alicule, non ex omnium sententia. Honoris causa victoribus, data est, hisq; quibus statutz ius, ob victoriam, concessum est. Cicero pro Rabirio Posthu. Scipionis statuam in Capitolio cum chlamide videri dicit, quòd bellum in Asia gessisset, Antiochumq; vicisset.

Paludamentum.

PALUDAMENTVM olim Imperatorum fuit, teste Plinio eodem, dicebaturq; chlamis imperatoria, quam gestabant armati & cum copias educerent: & in id Valerius de Crasso loquens Pullum, inquit, ei traditum est paludamentum, cum in prelium exuntibus album aut purpureum dari solet. Id hodie nos dicimus, *cotte d'armes*, vt declarat Budæus. Cuiusmodi vestimentum hodie cuilibet comune est, etiam militi, qui curam non habet, vt & olim fortasse fuit, testimonio Liuij, qui de sorore Horatij loquens, cognito, inquit, super humeros fratris paludamento sponfi, quod ipsa confecerat, soluit crines, & flebiliter sponsum mortuum appellat.

Opulètorum cultus.

VESTIMENTVM ornatius fuit eorum, qui opibus præcellerent, quàm cæterorum: vt & honoratius tractabantur, & maximè si remp. iuuerant, aut magistratum gessissent: modo tamen ornamentis dignitatum proprijs non vterentur. Dominus præcepit Iob viro diuiti, vt speciose vestiretur. Daniel purpura vestitus

Danielis cultus.

vestitus cum torquis aurei ornatu incessit. Qui enim opibus clarus est & suprâ cæteros notus, nobilis dicitur, à notitia publica. D. Hieronymus hæreticum Heluidium nobilem in scelere factum esse dicit, id est, insigniter notum. Lais, Phrine, Gnatena, Nico, Calistion, Thais, & Leontium nobilia scorta dicta sunt. Obert. in c. j. quib. caus. feud. amitta. ingratitudinem egregiam dixit, non equidem honoris titulo, vt falso putauit Aluarot. Sed vt notaret hanc præcipuam & insignem esse. Lucullus etiam priuatus cum ædificijs, conuiujs, & expensa omne genus, tum maximè vestimentis cæteros etiâ nobilissimos præcessisse visus est: ijsq; causis in honoribus ijsdem habitus est, quibus magistratus. De quo extant in rem nostram Horatii versus:

Nobilis à notitia etiâ scelerum.

Luculli luxum in cultum.

Chlamides Lucullus, vt aiunt,

Si posset scenæ centum præbere rogatus

Qui possum tot ait? tamen & quæram & quos habebō

Mittam: paulopost scripsit sibi millia quinq;

Esse domi, partem vel tolleret omnes.

N B Q V E circa hæc pueris iuxta ac senibus idem concessum est, sed semper ætati prouectæ quid amplius delatum fuit: ideo lege Iulia, cuius suprâ meminimus conchiliata veste nisi certis personis, quæ ætate selectæ erant, vti non licuit. & ad id Callistratus, semper, inquit, in ciuitate nostra senectus venerabilis fuit: nanq; maiores nostri eundem honorē senibus, quem magistratibus tribuebant. l. semper. ff. de iur. immunit. Rectissimè Licurgus hæc constituit. Ille enim inter plures leges, quibus Laconum remp. ordinauit, cuilibet ætati vestimenti rationem instituit. Hos, qui di-

Cultus prouectæ ætate.

Vestimenta secundū ætates ex Licurgi lege.

gnitatem gererent, pro huius summa insigniter vestiri, senes pro valetudinis ratione, opulentos pro facultate: pueros pro calceis pedum nuditatem continuare voluit. Apud seipsum autem statuerat, quemuis expeditius se accommodare siue ad cursum, siue ad ascensum aut descensum & ceteros labores posse, celeriusq; pedibus nudum, si assueuerit, quam cum calceis hos excepturum. Quoad vestimentum, varietate, qua nihil mollius existimabat, prorsus sublata, vno, eoq; simplici amictu quotannis assuefieri instituit, ratus equidem & aduersus frigora, & calores cautius hominem nutrirī & consuescere.

*Cultus pro
sexu.*

SEXVS vestimentorum notabile discrimen semper habuit, idq; primo ex lege diuina Deutero.xxij. Non induetur mulier veste virili, neq; vir veste foeminea. tum & lege humana. l. vestis, §. virilia. §. muliebria. & §. communia. ff. de aur. & arg. legat. c. si qua mulier. 31. dist. Valerius tradit inter antiqua instituta, Lycios, cum ipsis lugendum est, vestem muliebrem induere solere, vt cultus horrore magis affligantur, & idcirco diutius mœrorem ferre nolint. Q. Mutius Scruola dicebat, se scire senatorem muliebribus cœnatorijs vestibus vti solitum, idq; probri loco esse. vt refert Pomponius in l. inter vestem. ff. de aur. & arg. leg. Q. Curtius scripsit Darium zona aurea muliebriter cinctum indecorè fuisse. Tunica vsus communis fuit viris iuxta ac foeminis: illorum tamen breuior, & Græco vocabulo *hocqueton* dicimus, quasi dicas *δωρυ*: harum verò longior multo & ad imos pedes, diciturq; vulgò, *corre*. Alijs significationibus, quas ea dictio habet, propria vtriq; est, siue sit linea, quam interulam, siue

*Tunica vsus
communis vi-
ri ac foemi-
nae.*

siue camisiam dicimus: siue lanea & media, quam
 brumali tempore usurpamus, diciturq; *rouget*. Sparta-
 norum virgines olim sola tunica utebantur, erant ab
 utroq; latere sinus non confuti, sed explicati, ut cum
 incederent femora utcumque paterent. Vlpianus in d.
 §. virilia. & §. muliebria. enumerando sigillatim, quæ
 cuiusq; propria sint, tunicas in utroq; repetijt, ut utri-
 que communes. Viri tunicæ togam superinduunt, scæ
 minæ stolam. Stola enim licet apud veteres pro quo-
 libet indumento, quod tegit, usurpata sit, ex eo quod
 solæ indumentum sit, tamen honestæ mulieris vestis
 est ad imos pedes demissa. Idem Vlpianus stolam
 inter muliebria vestimenta enumerauit in d. §. mulie-
 bria. vbi & palla adscripta est. Matronarum indumen-
 tum est ad vestigia vsque demissum, diciturq; tunicæ
 pallium, cum stola deest ex Vergilij Emistichio: pro-
 longæ tegmine pallæ. Illius vsus hodie frequens est
 honestis mulieribus, quæ pallis hibernis quocumque
 tempore tunicis superinduuntur. Aliud tamen fuit
 pallæ vestimentum Gallorum proprium, quod erat
 manicatum & ad medias vsq; nates demissum, tuni-
 ca virili breuius, paruoq; impendio fiebat: quod ali-
 quot annos intermissum, tempus in vsum hodie re-
 uocauit: Estq; id, quod nos *casquin*, dicimus: quo in-
 dumento natium ornatus aut subligaculi opificium
 non contegitur. hæc apertius declarat Martialis hoc
 pentametro.

Dimidiasq; nates Gallica palla tegit.

quidam vocant *pallætor*. PALVDAMENTVM, de quo
 suprâ diximus, imperatorum fuit: eo tamen Augu-
 stas pro summo ornatu vsus esse testis erit Agrippi-

na Claudij Cæsaris vxor.

Pallium.

PALLIUM vtrique promiscuum fuit, eratq; latè longeq; diffusum, vt sub eo tunica & toga tegerentur. Id Cornelius Tacitus lib. iij. vestem promiscuam vocat. propriè Græcorum fuit, vt Romanorum toga: item & Philosophorum: vnde illud Hærodis scitum, video barbam & pallium, Philosophū nondum video. Hodie Archipræfulum est: idq;, cū in suo dignitatis ornatu magnifico conspici eos oportet, gestandum est: solentq;, cū recens à summo pontifice promouentur, ius pallij Romæ exoluere, antequam literas recipiant. Taxari sæpe solet maiori precio, quàm beneficij fructus æquè patiantur, licet id non tradatur: nec maiore impendio longo tempore vestiuntur, etiam si acu pictis vestibus vti volent. Olim pallio aureo Idola ornata sunt. Cicero lib. iij. de nat. deorum refert Dyonisium, cū fanum Proserpinæ locris expilasset, & secundis ventis sacrilegus ad Peloponnesum classem appulisset, in fanum Iouis venisse, aureum ei detraxisse pallium, quod ætate graue, hieme frigidum diceret: laneumq;, tanquam ad omne anni tempus aptum inieciisse.

Palliu Archipræfulu.

Palliu Idolorum.

Bombicina vestimenta.

BOMBICINA vestimenta fœminis duntaxat conueniunt: vt Plinius, Bombices, inquit, telas aranearum more texunt ad vestem luxumq; fœminarum. Et alio loco de bombicinis, nec puduit, inquit, has vestes etiam viros leuitate vsurpare propter onera æstiuæ: in tantum à lorica gerenda discessere mores, vt oneri sint etiam vestes. & hæc latius declarat Baysius in dicta l. vestis.

Muliebris capitis ornamenta.

CAPITIVM, reticulum, mitra, tiara, vitta ad caput

put sceminarum pertinent. Capitium nos *chaperon* dicimus: Reticulum, quòd capillum continet, *coyphæ*. Mitra non illa est, quàm præsules gestant, sed *Mitra* erat corona ad ornatum capitis adolescentularum, de qua pendebat buccarum tegmen ad foliorum instar aut fasciæ. Tiara capitis muliebris ornamentum est, *Tiara* quo vsi sunt aliquando reges, sæpius sacerdotes. Vitta *Vitta* est fascia, qua crines, aut fersa, aut flores religantur.

LACERNA virilis fuit: Græci Chlamidem, aut *Lacerna* *μαδίνην* vocant, Latini pallium sed penulam dicunt: nos ad Græci imitationem *manteau* dicimus. hancq; fuisse absque manicis, argumento est, quòd vtrinque indui possit, & ex vtraque parte reijci, ex Iuvenale satyra prima. Crispinus Tyrius humero reuocante lacernas.

EA nobiliores nunquam utebantur, nisi, cum plueret, ad togam contegendam. Illa frequentius vtuntur milites aut plebeij ad frigus arcendum. Scorteam, *Lacerna scorteæ* idest, pelliceam lacernam ferunt cursores ordinarij. Quidam hoc vocabulo vocant tegmen canonicorum, quòd ab amiciendo, aumussiam dicunt. Cætera ad eundem Baysium in eodem tractatu vestiario, quem in dicta l. vestis. conscripsit, reuocamus: hæc partim ex eo, partim ex pluribus alijs summam reulisse satis sit.

ET QVIA muliebrum ornamentorum occasio se appositè obtulit, hisq; in tantam hodie luxuriam ventum sit, vt ea re, si qua alia, rerum statum periclitari, facultatibus exhaustis, honestisq; omnibus suppressis, dignoscamus: cogit rei indignitas, vt paululum hic immoremur. A capite rem ordiri & ad pedes

Muliebris cultus indignitas.

persequi facile est. Quis non erubescat tiaras, hæte-
romallas, calceosq; æquè sericos plebeijs mulierculis
in vsu promiscuo esse? hisq; addi aureas vittas, vt or-
natione cultu caput reluceat? Demum collum & pe-
ctus strophio aureo, aut lineo acu picto & maiori
sumptu instructo? Bulla collari & torque aureo
splendescere? tunica & stolam sericas, aut subsericas
passim indui? In summa, rem ad prodigium venisse,
cui modesto horrendum non est? Princeps noster
HENR. constitutionibus in id seuerissimè repetitis id
prorsus cohibere visus est, si sexus contumacia defuisset.
Neronis sœuitia laudabilis in eo fuit; quòd gra-
uiore executione rem commodam comprobauit: In-
ter publicè canendum matronam Romanam è spe-
ctaculis vetito vestimento cultam demonstrasse pro-
curatoribus suis traditur: detractamq; illico non ve-
ste modo, sed et bonis exuisse. Q. Fabio Max. & T.
Sempronio Coss. à M. Oppio & T. Romuleio Tri-
bunis plebis lex lata est, quæ Oppia dicta est, qua mu-
lieri plus semiuncia auri habere, aut vestimento versicolori
vti, aut vehi iuncto vehiculo in vrbe oppido
ve, aut propius inde mille passus, nisi sacrorum publi-
corum causa, non licuit. Imperatores autem non tan-
tum vestimenta serica aut aurea, sed & vestium lim-
bos auro, aut serico prætexi acerrimè prohibuerunt.
l. prima. & ij. de vestib. olob. lib. xj. C. nec item leni ani-
maduersione plecti iubetur, quisquis vetito se & in-
debito non abdicauerit indumento. verba sunt text.
in l. nemo vir auratas. vbi paragaudarum fit mentio,
quæ sunt vestimenti virilis genus vt plurimum linei,
cui alia vestis superindui solebat: erantq; paragaudæ
vinctæ

*Lex Oppia
de cultu mu-
lieri.*

Paraganda.

vinctæ pluribus loris, quæ vſu aurata erant, & de-
 mum interdicta. Vopifcus in Aureliano tunicarum
 ſubſericarum & linearum paragaudarum mentio-
 nem facit, dicitq; militibus Aurelianum paragaudas
 primum dediffe. auri intexti vſum reperit rex Atta-
 lus: interdixit Aurelianus Imperator: item, vt neque
 in cameras, neque in tunicas, neque in pelles, neque in
 argentum verteretur: ſolebatq; in eo iure optimo ra-
 tiocinari, quòd eſſet plus auri, quàm argenti: ſed quia
 aurum per varia bractearum, filorum, & lignatio-
 num impendia periret, argentum non æque, ſed in
 ſuo vſu & ſtatu maneret, fieri non poſſe, vt æqua ſit
 vtriuſque ſubſtantia. L. Valerius Tribunus pleb. pro
 mulieribus legis Oppiæ abrogationem ſuadens con-
 tra M. Portium Catonem contrà docere nixus eſt,
 nullam malignitatem videri aureis monilibus geſtan-
 dis, quòd in auro, præter manus præcium, nihil fiat in-
 terimenti. Sed nemini notum non eſt, auri geſtan-
 di occasione, cæterorum, quæ abſumuntur, terunturq;
 luxum non deeſſe, alioquin aptè non veſtiri. Tacitus
 Imperator ideo auro clauatis veſtibus interdixit, quòd
 neceſſario veſtes ferantur auri decentia præcioſiores,
 indeq; impendium. Bayſius interpretatur id eſſe, quòd
 nos *boutons d'or & orfrez* dicimus. Vlpianus in l. cum
 aurum vel argentum in fin. de aur. & arg. leg. clauo-
 rum aureorum meminit: dicitq; partem veſtimento-
 rum eſſe, quòd Pomponius in l. etſi non ſunt clau. ff.
 eo. declarat, vt verum ſit, ſcilicet veſtimenti nomine
 non auri eos clauos comprehendere, ſi veſtimentis ſint
 conſuti, alioquin aurum eſſe: prout & annuli, vaſaq;
 aurea, ex ſententia Q. Saturnini. Sabinus vltra ſen-

*Curi inte-
 xti vſus.*

*Autũ cur
 tam rarũ ſit.*

*Clauata ve-
 ſtes.*

Clau. aurei.

*Gemma an
reclusa an
auro cedat.*

*Calcaria in-
aurata.*

*Ocrea cla-
uata auro.*

*Immeturum
solea aurea.*

*Carruca an
ro celata.*

*Mithridatis
currem an-
rei.*

tijt gemmas auro inclusas auro cedere, si auro, or-
nandi gratia, adhibita sint: si contra, gemmis, aut mar-
garitis cedere: cum generaliter illud spectandum sit,
quid cuiusq; rei ornandae causa adhibeatur, ut acces-
sio cedat principali. Aurum hodie profuse ad sor-
dida aptari graue est: eo enim talos calcaribus inau-
ratis, clauandis ocreis ornare non pudet etiam ple-
beium & ignobilem. Olim in rege probrosum visum
est: Antiochus enim Syriae Rex contemptus fuit,
quod aureos clauos crepidis suis subiectos habuerit,
argenteaq; vasa ad vsum culinæ comparauerit, & te-
xtilibus sigillis tabernacula adornata statuerit. Iure
infectemur Poppeam Neronis coniugem, quæ deli-
catoribus iumentis suis soleas ex auro induere sole-
bat: alias quasdam, quæ rhedas seu carrucas, quibus
vehabantur, argento cælauerunt: ut refert Plinius.
item & Mithridatem insolentius vsum fuisse curri-
bus aureis argenteisq;. Postquam Chartago sublata
est, Romæ nata est luxuria, coepitq; licere amplecti vi-
tia & à recto abire: statum argenteum tum primum vi-
sa sunt: Capula, id est ensium manubria, quæ eborea
solebant laudari, argento: Baltei, qui ex corio sole-
bant fieri, Vaginarum item, auro: Batilla, quæ sunt pro-
pria prunæ cogendæ, & quibus ferrum sufficere de-
buit, auro celata sunt: strata, siue freni equorum, pol-
lubra manibus, pelues pedibus lauandis, trullæ ad
hæc lotio excipiendo, argento confecta sunt: ut ea-
dem materia & brutis & hominibus, cibusq; iuxta ac
probris feruiat. Mulierum balineæ argento stratae
sunt ad duplicem vsum: vno, luxuria argenti: altero,
ne vestigia cum viris lauantium nosci possint. Lecti
mulie

mulierum toti, triclinia etiam quædam argento, & à quibusdam auro confecta sunt. In summa eo ventum erat olim luxuriæ, vt non ludibrio tantum habiti sint frugi homines, sed & in hos animaduersum sit. Refert Plinius se vidisse Arellium Fuscum insigni ea calumnia equestri ordine motum, quò daureos annulos pro dignitate ferre deberet, argenteos habere visus esset. Fœliciora tempora Cati Aelii, quem cum Actolorum legati in consulatu prandentem in fictilibus deprehendissent, rogarunt, vt vasa argentea, quæ offerebant reciperet: recusauit modeste, nihilq; sibi insolens videri voluit, neque aliud habuit argenti ad supremum vitæ diem, quam duo pocula, quæ L. Paulus focer, ob virtutem deuictæ Persæ rege donauit. Acquiora secula Fabritij, qui bellicosos Imperatores plusquam pateram & salinum ex argento habere vetabat. Scipio Minor cum Memmij cuiusdam militum tribuni, quem nos hodie Marescallum dicimus, iumenta intercepisset onusta delicijs, idest poculis præciosis & operosè factis, & vasculis lapideis vino refrigerando aptis, Mihi, inquit, ac patriæ diebus belli huius, tibi verò perpetuò inutilis futurus es. L. Crassus orator duos scyphos, non tam auri fulgore, quàm pretio artificij præciosos sibi donatos nunquam ausus est in vsum suum proferre. Nec constitutionibus tam antiquis quàm nouis, vt tandem ad luxum hunc redeam, mulierum imbecille ingenium auocari potuit, quin omne studium suum ad sui cultum immoderatiorem se quotidie supramodum conferat, semper aliquid sumptuosius adiungendo, vt stolis auro clauandis, tunicis, strophijs, & alijs amiculis

*Modestia
mulierum.*

*Cati Aelii
frugalitas.*

*Mulierum
luxus in cul-
tu.*

acu pictorum opificio adornandis, capite inaurando, capillis calamistro inurendis, facie cerussa & fuco illinienda, siue alijs id genus ementitis naturæ artibus, neque tempora, neque facultates sufficiant: quibus ubi non parçitur, neque adhuc impensæ, aut ruenti luxuriæ obsisti potuit: incusanda sunt tempora, moresq; deplorandi, quibus, perduto genio, freni naturæ impotenti & indomito animali dari non possint: neque spes vlla sit, facturas mulieres modum huic luxuriæ, nisi princeps acriore censura sæuiat. Ea enim palàm adducunt paupertatem, auaritiam, & adulterium. pauperem etenim cum fieri necesse est, qui vxori diutius prærogare cogitur, quæ in sui cultum desiderantur: l. fin. ibi, timentium, ne quæsitis longo sudore impendijs, egeant. De vestib. olober. & aurat. lib. xj. C. Auarum item, qui prodigiosè expendat, aut mox pauperem esse oportet. Sæpe enim, inquit Portius Cato apud Liuium legis Oppiæ abrogationem dissuadens, me quærentem de fœminarum, sæpe de virorum, nec de priuatorum modo, sed etiam magistratuum sumptibus audistis, diuersisq; duobus vitijs auaritia & luxuria ciuitatem laborare, quæ pestes omnia magna imperia euerterunt. Postremo, cum ipse immoderatus cultus ad luxum colatur, quis non videt luxuriam coniunctam esse. Miserum, inquit idem Cato, illum virum, & qui exoratus, & qui non exoratus erit: cum quòd ipse non dederit, datum ab alio videbit. Quo apertè voluit dicere miseriam exorati esse in futura inopia: non exorati in vxoris luxuriæ propria ignominia. Posthumia sacra virgo, ob suspicionem stupri natam ex cultu curiosiore, causam dixit apud

Ponti

*Luxuria ex
cultu.*

Pontificem, & Genes. xxxviii. Iudas suspicatus est Thamar ex ornatu meretricę esse. Bal. in proœmio decretalium in superbiam hanc iusto dolore inuehens asserit vestium superfluarum sumptu mulieres iuxta ac viros ad libidinem & immundiciam allici, & idcirco episcopos aut iudices ius habere frenosim mittendi ita lasciuiantibus, & excommunicationis pœna mulctare. arg. l. cum suprâ. de re milit. lib. xij. C.

HENRICVS rex noster sua constitutione his omnibus prudenter obstitit: excepit duntaxat familiam, quæ sibi, aut reginæ, filijs, aut principibus ad statum, optimo iure, vestium delectu oportet à cæteris differre. Saba Regina cùm audisset famam Salomonis venit ad eum, & postquam vidit eius sapientiam, necnon cibaria mensæ, & officia ministrorum eius, & vestimenta eorum, pincernas quoque & vestes eorum, non erat præ stupore ultra ei spiritus, dicitq; Beati viri tui, & beati serui tui, & hi, qui assunt coram te. ij. Paralip. ix. & eadem adscripta sunt. iij. reg. x. Balfasar Babylonis Rex, cùm Danielem in suam familiam inuitaret, cultum, quo vsurus ille esset factus regis domesticus, declarans, purpura, inquit, vestieris, & torquem aureum circa collum tuum feres.

Salomonis ministrorum cultus.

NOBILES excepit constitutio, hosq; ordine suo suprâ adscripsimus. Curtilis Brixienfis tractatus sui nobilitatis quinta parte quinquaginta, sex priuilegia nobilibus iure communi delata protulit: prætermisit autem, quod ijs serici vsus proprius est, Plinij secundi assertionem. Idem Baysius cap. v. in fin. de re vestiaria, plura ad id refert. facit l. prima. & l. comparandi serici. C. quæ res vend. non poss. Bal. in d. l. prima. inuchit

Nobilitatis cultus.

Nobiliū serici vsus est.

inignobiles & priuatos, qui nobilium ritu vestiri non erubescunt, asseritq; eos pœnz immunes abire non debere: per l. eos. §. qui se pro milite. ff. de fals. allegat. idem Bal. id vulgare, quòd, qui lupus non est, non debet eius pellem assumere. facit l. minimè. C. de episco. audien. & text. in auth. de sanctissim. episcop. §. omnibus. & glo. in cap. cùm decorem. in verb. laruarum. de vit. & honest. clerico. vbi declaratur non licere extraneum vestitum assumere.

*Nobilis est
arma ferre.*

AD HAEC, nobilium ex officio est arma ferre & gladio accingi: ideoq; milites à lege sunt nuncupati. l. desertorem. §. is qui. ff. de re militar. Quinimo, & omni tempore, siue bellorum, siue pacis, indecorum fuit videre nobilem armis suis, idest, gladio nudum: & ea causa sagis breuioribus vtuntur, vt his succincti gladium commodius ferant. Scripsit Tacitus in xj. milites quosdam punitos, quòd pugione tantum accincti non cùm praelongo gladio deprehenso essent. Nouissima Henrici Regis nostri constitutio est, qua militaribus ductoribus, ne in equitum, aut celerum ordinem alios adscribant, quàm nobiles, tanquam ad arma natos & ob id milites ac nobiles nuncupatos: ignobilibus nullum locum reliquit arma aut gladium ferendi. Insuper, cùm nobilitatis titulus sit dignitas, nobilibus insigne sua dignitate dignum delatum est, quæ arma dicimus, quæ cuilibet propria sunt: Ideo licet ordinario iure res in eam libertatem venerit, vt cuilibet etiam viliori arma siue insignia assumere permittatur dum modo id alteri non obstat, arg. l. ad recognoscendos homines. ff. de inge. & manumissi. tamen summo iure id non licet: cum eo genere insignium

*Nobilis in
signia.*

gnium fiat discretio nobilium & ignobilium, qui ne confundantur, reip. interest. Vicissim nobilibus maximè cauendum est, ne à decoro suæ dignitatis tantopere abeant, vt ignobilium ritus & negotiationes exerceat, nundinationes scilicet, commercia, & cætera, quæ illis interdicta sunt. l. nobiliores. C. de commerc. & mercat. & eo modo nobilitatis nomen amittunt, vt contra Venetos scripsit Alex. in addi. ad Bar. in l. j. C. de dignitatib. lib. xij. Commertium enim licet hominum vsui admodum necessarium sit, tamen vile & seruile est. vt not. in d. l. nobiliores.

*Nobiles, qui
bui à statu
abeant.*

CVM cuiq; nationi suus sit proprius cultus, indecorum videbitur, si extraneo vestiamur: cum in eo regionis mos obseruandus sit, & qui variando diuertit hypocrita est, dicit glos. in verb. deauratis. in c. clerici officia, de vit. & honest. cler. allegat c. si quis virorum. 30. dist. & c. erit autem. 4. dist. Olim Romæ ea confundi non licuit, sed certo obseruari oportuit. Tranquillus refert Augustum, lege proposita, permisisse, vt Romani Græco, Græci Romano vterentur. Ea res Gallos maximè conturbauit, qui cum cupidior studio certent nouarum rerum, hisq; simul ac nouerint, ferantur, nunc exilem Hispanum, paulopost Italum contractum, mox latum Germanum, Obesum subinde Britannum tam variè referant, vt nullum sibi proprium cultum reliquerint, ab alijsq; malint accipere, quàm suo se continere. Olim ijdem Galli contrario ritu circa cultum modestiæ exemplum cæteris exhibuerunt. Refert Aristotel. libr. politicor. vij. cap. vlti. Gallos morem habuisse tenui veste amiciri: idq; utile ad sanitatem esse censet, & ad res bellicas, si à

*Cultus, pro
nationis ri-
tu.*

*Gallorū cir-
ca cultū va-
rietat.*

pueritia obseruetur.

*Romanorum
cultus for-
ma.*

HIC antiquum Romanorum vestiendi decorem subiicere, non erit ineptum ex Quintil. Licet enim certa ferè esset amictus forma, aliquatenus tamen tempore mutata est. Veteribus nulli sinus in vestimentis fuerunt: cumq; longo tempore obsoleuisset, hodie vsu veteri reuocato obseruatur ad decorem & minori dispendio. Itaq; id aliquando à Græcis Romani mutuati sunt, vt vestibus brachia continerentur, idest pallijs, quæ omni tempore Græcorum propria fuerunt, vt Romanorum togæ. in id Tranquill. in Aug. Togas, inquit, & pallia distribuit, Romanis & Græcis. Subinde cœperunt tunicæ & togæ ad sinus breuiores ornari: Item & manicis accommodari, vt brachia gestibus & vsui essent aptiora. Cui lati clauī ferendi ius non erat, tunica utebatur, quam nos *saye* dicimus, non rotunda quidem, sed à tergo longiore multo, quàm in aduersum: cingebatur ita, vt huius limbi priores paulum infrà genua, posteriores ad medios poplites vsq; peruenirent. Mulieres tunicas longiores ferebant & ad imos pedes, has *cottes* dicimus: Centuriones prorsus cæteris breuiores & suprà genua. Quod si purpureæ essent tunicæ, leuis erat cura, an rectè descenderent, an ita obliquè. Latus clauus autem, licet tunicæ speciem haberet, tamen honoris causa non cingebatur, ferebaturq; cinctus submissius paululum. Togæ alia erat forma, illamq; rotundam, & aptè casam esse oportuit. Illam veteres ad calceos vsq; demittebant, vt Græci pallium: successores Romæ breuiorem habuerunt: idq; ad nostra vsq; tempora processit. Sinus priori tempore nulli, posteriori quidam,

quidam, sed decentissimi, & supra imam togam: infra autem prorsus nulli. Ferebatur Balteus cum bulla sub humero dextro ad sinistrum oblique ductus: & ita compositè, ut neq; strangularet, neque flueret, idest, neq; collum comprimeret, neq; descenderet laxius. Olim fuit decorum vestimenta superiora aperta habere, ut collum & pectoris superior pars pateret: operiri autem humerum cum toto iugulo non oportuit, ne dignitas, quæ in latitudine pectoris est perdat. Hodie amictus ea angustia componuntur, ut nedum pectoris, sed & nec iuguli aut colli pars aliqua appareat.

MERITORVM ratio in his ius fecit: Trabea, siue toga acu picta licet Imperatorum propria foret triumphantibus tamen ob meritum honorem concessa fuit. Lex Iulia conciliatam vestem pluribus pro dignitate permisit. Augustus, cum ob affluentiore numerum quosdam e Senatu mouisset, his etiam non Senatoribus insigne vestis & lati clavi ferendi ius ob vitæ antea merita referuauit.

*Cultus pro
meritis.*

POSTREMO, tempus ut occurrit, rem variat: ideoq; eadem lege Iulia per certos duntaxat dies & certis personis conciliata vestis usus assignatus est. Solet illudi ijs, qui ruri agentes in solitudine, pallijs sericis, aut tunicis hæteromallis se & familiam sine dierum delectu vestiunt: idq; animaduersione dignum quidam scribunt, quod re sua & aliena sepius abutantur. per text. in l. temperet vniuersi. ibi pallia, tunicasq; domi sericas. de vestib. olobe. & aurat. lib. xj. C. Gellius lib. xj. c. ij. elegantiam antiquitus dictam docet, non ab ingenio egregio, sed à læto, honesto, & opportuno

*Cultus pro
tempore.*

*Vestiri ruri
ut in foro
non decet.*

*Elegantia
cultus.*

*Cultus pro
diebus sa-
cris.*

portuno cultu corporis victuq; affert ex Catonis libro, qui carmen inscriptus est, id in rem praesentem, vestiri in foro honeste, mos erat: domi, quod satis erat. Denuo, cum diebus sacris id debeat, ut quoad eius fieri potest diuinæ maiestatis gratia & eius beatissimæ familiæ honorificè coli debeant, nos ad id exequendum pannosos accedere non decet, sed modestè & honestè pro cuiusque dignitate cultos: eaq; re, si cordis praeparatio non desit, Deo omnipotenti gratius videbimur nos offerre. Ezechiel Domini iussu corporis cultum describit his verbis: Laui te aqua: unxi te oleo: vestiui te discoloribus: calciaui te hircincho: cinxi te bisso: indui te subtilibus: ornaui te ornamento: dedi armillas in manibus tuis & torquem circa collum tuum. Nemo est etenim tam rudis & agrestis qui nolit se ad hos dies parare cultu lautiore, ut squalorem excutiendo, faciem lauando, caput tundendo, vestimenta aut nouando aut emundando: & cum hi cæteris latiore videantur frontem exporrigere, æquum est, & cordis & corporis cultu hanc lætitiā excipere. Mundamini, inquit Iacob ad domesticos suos, Genes. 35. & mutate vestimenta vestra. Surgite, & ascendamus in Bethel, ut faciamus ibi altare Deo. Nuptialis pompa hilaritate solet conspergi: & agrestem nimis dicas eum, qui incultus & ut assolet ruri colendo, squallidus, his se non erubescat sistere. Hunc palam corripuit Dominus dum, Amice, inquit, quomodo huc venisti non habens vestem nuptialem?

*Cultus trium-
phorum.*

PRAETEREA, temporum triumphi, introitus principis, fugæ item & cladis, tum funeris efferendi longe

longe diuersa est ratio, & non eodem modo vestimur. Nero reuersus è Græcia Neapolim albis equis & alio magno fastu introijt, disiecta parte muri, vt mos Hieronicarum fertur per portas non ingredi. Romam post venit eo curru præteruectus, quo olim Augustus triumphauerat, vestem purpuream, chlamidemq; stellis aureis distinctam, & coronâ Olympicam capite gerens, manu Pithiam, præeunte pompa, & subsequente cæterorum excellenti caterua. Hæc magna quippe sunt, summaq; maiestate digna: maiora autem videbuntur, etiam si tristissima, quæ miseram fœlicitatem subsecuta sunt. Expectauere fata nugis illusum. Nero idem, qui nuper trabea, corona, purpura, auro, margaritis splenduit, qui nullam vestem vnquam bis induit, cuius vxor Poppea soleas iumentis suis ex auro induerat, qui ipse nunquam minus mille rhedis iter fecit, soleis mularum argenteis, mulionibus Canusina lana, idest, laudatissima indutis, armillata & phalerata, cum seruorum Cappadocum Mazacum turba atq; cursorum, Vbi res libi pœssum ire videt, cum fugæ se expedit, nudo pede, tunicatus, penulamq; obsoleti coloris superindutus, & sordide adoperto capite equum ascendit, quatuor tantum comitantibus. Et hercule iuste hæc æstimantibus non planè liquet, vitij an fortunæ, temeritati an humanæ fragilitati, cuius nemo in prosperis satis meminisse potest, adscribenda sint. Fœlicitas, cum aspirat, semper timenda fuit, cum ad vltimum temeritati nihil sufficiat. Præterea rerum vicissitudo id solet ferre, docere, exhibereq; palàm, quàm parum sciat indulgere fortuna, si desit ratio: quæ sola est fœlicitatis continua-

Neronis cultum introeuntem.

Neronis fugientis cultum.

Pompeij fugiens cultum.

Crassi cultus mutatio.

Germanici magnificus introitus.

Germanici luctus.

Luctus summus.

Cultus in luctu.

tio, & sine qua nihil diutius durare potest. Pompeius ubi suos à Cæsare pulsos cognouit, perterritus equum nactus est, & detracto paludamento, quod erat imperatoris insigne, Larissam fugit. Crassus rerum mutatione incommoda, ut tradit Plutarch. non purpureo paludamento, ut solebat, sed nigro pallio indutus ad milites processit. Germanicus ille tantopere vulgò fauorabilis ob corporis animiq; virtutes, quantas nemini cuiquam contigisse constat, dum è Germania post compressam seditionem rediret, Romamq; appropinquaret, ei obuiam ierunt vniuersæ cohortes Prætorie mirifico cultu: populus autem Romanus ad omnem sexum, ætatem, ordinem usque ad vicissimum lapidem se effudit, etiam contra Senatusconsultum, quo erat pronunciatum, ut dux tantummodo cohortes exirent: ut scripsit Tranq. Pompam illam cum funebri conferamus. Tribunorum, inquit Tacitus, centurionumq; humeris cineres portabantur: præcedebant incompta signa, versi fasces, atq; ubi colonias transgrederentur, atrata plebs, trabeati equites, pro opibus loci vestem, odores, aliaq; funerum solennia cremabant. Tranquillus luctum hunc amplius expressit. Quo die, inquit, defunctus est Germanicus, lapidata sunt templa, subuersæ Deum aræ, lares à quibusdam familiares in publicum abiecti, partus coniugum expositi: quin & Barbaros ferunt, quibuscum bellum erat, velut in domestico communiq; mœrore consensisse ad inducias: Regulos quosdam barbaram posuisse, vxorum capita rasisse ad indicium maximi luctus. Q. Curtius Persas solere scripsit detonsis in lugubri veste coniugibus ac liberis, suos lugere. Funerum

rum

rum ea maxima sunt insignia, cum quicquid voluptuarium est, letum, amœnum, aut hilare detrahitur: vicissimq; pro gaudio mœror, pro lautitia sordes, pro cultu squalor assumuntur: & quomagus illuxit, qui occidit, obscuriore pompa elugendus est. Non rectè igitur Alexander Cyri sepulcro aperto, miratus est tanti nominis regem, tantis præditum opibus non pretiosius esse sepultum, quàm si fuisset ex plebe. L. Valerius Trib. pleb. apud Liuium, in luctu, inquit, puram & aurum deponunt, cum eluxerunt, sumunt.

¶ **QVI** ad supplicium deducuntur, nullo insigni vestimento, sed pannicularijs induti, nudo capite, fronte aduersa, vehuntur. I. diuus. §. pannicularia. ff. de bo. damnato. Aul. Vitellius Imperator seminudus, veste discissa, religatis post terga manibus iniecto ceruicibus laqueo, reducta coma à capite, atq; etiam mento mucrone gladij iniecto, vt visendam præberet faciem, nèue summitteret, ad scalas Gemonias per urbem traductus est. Qui capitis causam dicunt, qui denique his adsunt sordide vestiti iudicium audiunt. Sordes, inquit Quintilianus, & squalores, & propinquorum quoq; similem habitum scio profuisse, & magnum ad salutem momentum attulisse & paulò antè, vnde & producere ipsos, qui periclitentur, & liberos eorum, ac parentes, institutum.

*Cultus ad
supplicium ac
cedentium.*

¶ **CULTVS** modestiæ tractatum absoluero, si ad exitum non omisero, quod M. Cato legem Oppiam defendens palàm testatus est, eo luxu magna imperia euerti, quo animi enerues fiunt, quo item in auaritiâ, vicissim & pauperiem cogi oportet eos, qui ruenti luxuriæ obsistere nequeunt. Infœlix est & im-

*Cultus profuso
animo enervantur.*

becillis mens sentientium se ornatu eo sumptuoso ad vires emuniri, cum eò magis virtus atteratur, victoria languescat, animi iuxta ac corporis vires in molliem diffuant. Ideo rectissimè Scipio Minor militi cuidam scutū pulchrè ornatum ostendenti, scutum, inquit, speciosum est, at deceret virum Romanum dextram potius, quàm leuam obfirmare: scutum enim leua, gladius sinistra geri solet. Exempla horum cuique occurrunt. Et quando nostra enumerare non videtur, externorum vnum id est, quod ad rei æstimationem & exemplum pertineat. Alexandri & Darij acies inuicem commissuras ornatu diuerso transcripsit Curtius. Darius hoc ornatu se in campum coniecit. Magi patrium carmen canentes sacrum & æternum ignem argenteis altaribus inclusum sequebantur: hos trecenti & sexaginta iuuenes puniceis amiculis velati diebus totius anni numero pares. Currum deinde Ioui sacratum albentes equi trahebant: quos equus egregiæ magnitudinis sequebatur. Aurigæ albis vestibus induti virgas aureas ferebant. Instabant decem vehicula graui auro argentoq; celata. Posthæc incedebant equites multi gentium duodecim, variè armati, vt & horum varij mores erant. Aderant & his proximi decem millia vulgò immortalium, qui cultu opulento supramodum & effuso elucebant: vt pote torquibus aureis, vestibus auro distinctis, manicatisq; tunicis, & gemmis adornatis. Insolens denuo turba prodibat quindecim millium horum, quos rex cognatos nuncupari sinebat: hiq; muliebriter culti non tam armis, quàm luxu erant conspicui. Sequebatur agmen hominum aliquot, qui regalem vestem excipere

*Collatio ex-
ercituum Ale-
xand. et Darij.*

excipere assueuerant, currumq; regis anteibant, quo ipse eminens vehebatur. Vtrunque vehiculi latus Deorum simulacra ex auro argentoq; formata orabant: gemmæ intersutæ iugum distinguebant, ex quo eminebāt duo aurea & cubitalia simulacra velut concertantia, & inter hæc præteruolanti similis aurea Aquila eminebat. Rex ipse insolenti & luxurioso cultu videbatur. huius tunicæ purpureæ medium album intextum erat: palla erat auro distincta, huicq; aurei accipitres inter se dimicantes acu picti erant. Zona aurea, muliebri mollitia, cinctus erat. Post currum procedebant hastatorum decem millia cū hastis argento exornatis, & spiculis auro præfixis. Peditum triginta millibus & regis equis quadringentis claudabatur agmen. Sequebantur Regis mater & vxor cum foeminarum maximo comitatu: liberi Regis & horum nutritij, spadonum grex, pellices regis trecentæ sexaginta regio cultu, & post has sexcenti muli & trecenti cameli pecuniam regis ferentes cū sagittariorum præsidio. Eo ornatu Darius tantæ multitudinis Rex Alexandrum velut aliud agens & nihil sollicitus adoritur. Sublimia hæc omnia, & ferè prodigiosa si fortuna non defuisset: si viri eo cultu enerues non fuissent magis, quàm fortes. Contra acies Macedonum dispar erat, cū illa equis, viris, ferro, & ære fulgeret: non auro, non argento, neque discolori veste. Agmen erat hominum, qui & stare & sequi, signum & nutum noscere didicerant. nulla turba superflua: nullæ sarcinæ graues. Darius tandem, cū è sublimi curru concursum militum nihil curaret, loci, in quo pugnādum erat, angustijs reductus est ad pau-

*Alexan-
dri exerci-
tus quomodo
ornatus.*

*Darius Vi-
elut vestem
mutauit.*

citatem, quam in hoste contempserat, postremò cum suis in fugam coactus. Ille, spe mutata, seipsum corripiciens, cultusq; profusioris pœnitens, vestem superbam in conspectu agminis deposuit, & humiliorem superinduit, decorum quoq; futurum ratus si ostendisset suis se leui ornatu tunc contentum esse.

D E L V D O.

LIBER IIII.



*Malorum
pertinax cō
sinuatio.*

GRADATIM se consequuntur cultus, ciborum luxus, & ludus. Sedit populus, vt scriptum est Exod. xxxij. manducare & bibere, & surrexerunt ludere. Inde ad idololatriā deciderūt, hisq; mœchari dicti sunt. Neque enim solet vllum vitium finiri ibi, vnde oritur, sed vt dicit Velleius, vbi semel à recto deerratum est in præceptis peruenitur, nullusq; huic rei modus est. Et erat absoluta cautio, non declinare, sed viam sequi, cum malorum nostrorum ipsi nobis sementem facimus: & quotienscunque à nobis semel peccatum est, totiens & infinitè peccandi illecebra producit. Cum etenim omne fundamentum, quod in nobis est, à Deo exijt, si super id Diabolus nouerit nos ædificare far, stipulam, fœnum, aut ligna, qui astutus est, incendium supponit, quo extinguendo in materia tam flagrante quis quæso sufficiet? Fœlix certè, quem Domi

Dominus hoc excidio liberum voluerit: Fœlix & cui id præuidere & noscere opportunè datum est, & abire liberum. Vas figuli probabit fornax, & hominem iustum tentatio. ædificandum igitur erit auro, argento, & margaritis, firmoq; lapide, ne vt in farre, fœno, & ligno scintilla in præsentem flammam euagata citius superædificatum absumat. Similia ex S. Hieronymo in Iovinianum transcripta sunt in c. si enim. de pœnitent. distinct. 2. colum. mihi v. & quia ludo, vt superioribus mœchari, & à modestia abire passim videamur, aptum erit huius serie tractatum nostrum concludi.

LVDVS siue lusus fusa sua significatione est, etiam cum, siue iucundè, siue mordicus quis scurratur: licet propriè ludus in factò dicatur, & Iocus in verbo. De vtroque dicturi præmitteremus ludorum plura esse genera, vnum exercendi, alterum sortis. Exercendi species expressit Plautus in Bacchide, Cursu, inquit, luctando, hasta, disco, pugillatu, pila, saliendo se exercebant magis. In his autem vt in cæteris, quæ sortis sunt, semper in promptu habendum est, quid quenq; deceat, cauendumq; inquit Cicero, ne voluptate elati in turpitudinem delabamur. Suppeditant enim & Campus Martius, studia venandi, aliaq; ludendi honesta exempla. Hæc prudentissimè subduxit Aristoteles lib. Rhetor. ad Theodect. primo. c. xj. Verum, inquit, quoniam iucundum est vincere non solum in contentiosis, sed & in omnibus, ludos etiam omnes, qui pugnx aut contentionis speciem habent iucundos esse necesse est: sæpe namq; in ipsis victoria inest. Idem & distinguit horum quosdam pro consuetudine

Ludus quid.

Ludi se exercendi.

Modestia in ludo.

Ludi commendatio ex Aristotele.

Ludi sortiu. dine ludentis iucundos esse, vt tesseram, aleam, pilam, tabulam, aliosq; liberos ludos : si quis enim his assuescit, iucundi videntur : alios insuper statim videri iucundos : sunt hij, Venatio & omnis bestiarum persecutio, cum ibi certatio sit, victoria, lætitia, & exercitatio. Idem Aristoteles lib. Ethicorum x. cap. vj. inter loquendum de felicitàte, hanc ludi partem non omisit. Docet ille felicitàter & succincte operationes eas esse expetibiles, à quibus nihil præter operationem quæritur, quemadmodum & felicità illa sola est, quæ per se sufficiens est, & quæ nullius indiget rei: Ita esse de omnibus actibus, qui à virtute proficiuntur, vt ludi, qui iucundi sunt: si non propter aliud adeantur, & suscipiantur, quàm quod illi iucundi sint. Quod si avaritiz studium eò nos producat, ludorum cessat iucunditas, quorum prorsus iucundorum id proprium est, vt iucundi sint, vt sæpius detrimentum ex ipsis, quàm commodum suscipiatur. Corpus igitur & patrimonium negligere debent ludos adituri: oblectamentaq; ideo dicuntur beatorum & diuitum, quod ad felicitàtem vitæ & animi, non ad avaritiam pertineant : & ideo, quos talibus dextros esse contingit, reges & principes maximè solent dignari & commendare. Ultra voluptatem superiorum Quintilianus docet lusu moderato ingeniorum vigorem excitari. Ad specialia igitur veniamus.

*Ludi quinque
dati in au-
then. Alea-
rum.*

IVSTINIANVS Imperator in noua sua constitutione, Alearum vsus. C. de relig. & sump. fune. sortis, sub aleæ vocabulo, ludis prohibitis, quinque exercitamenta, quibus luderetur, ordinauit : Comonouolon, Cōmodaumolo, Regindalia, Cempon, & Reypusara.

pusara. Quorum vocabulorum monstris stupefacti eruditiores, de his nihil certò decernunt. Alciatus modestissimè idem de seipso præfatus, ne tamen lectorem molestum dimitteret, coniecit primo loco corycouelon legi posse, esseq; iactum pilæ docet. Altero loco *καμου δισκύλου*, idest lusum cursorium. Tertio, *Βρασίλινδα*, qui lusus est, cum ducta sorte aliquis fit Rex, isq; quid laboriosum ministro, qui sorte pariter obtigit, imperat. Quarto Catampon, quòd inter ludos à Festo enumeratum est: qualis sit ille ludus nemo hæcenus certò pronunciauit. Quintò *ἐξωσπ λισίρας*, à decursu latrunculorum, idest calculorum. Accursius & eius sequaces audacius fortè, quàm certius, velut æstro, siue, vt malim dicere, inscitiz furore perculsi in contrarium diuinant, nihil prorsus de corrupta lectione conquesti. Interpretantur primum esse, vbi lapis in longum proijcitur: secundum, vbi lapis vel palus in breue spatium limitatum irruitur: tertium, cum equites velut in certamen se prouunt: quartum, cum taxilli ligno proijciuntur: postremum, vbi pondus dentibus eleuatur. Vtunque sit, etiam si sint alij interpretes, nihil legi quo diuinationem hanc Accursianorum possimus reijcere, nisi quòd illa prorsus simplex sit, causamq; nullam habeat, nisi planè æstricum illum furorem, à quo plura recepta exiisse passim legimus, etiam si rudibus & planè inscijs vix contingat.

PILAM lusoriam primus inuenit Pithus, vt tradit Plinius. Illa quadruplex est, vsu tamen communi triplex tantum. Prior vera pila est, quæ pila trigonalis dicta est, cæterorum prædura, firmo pilo plena, & ab

*Pila lusoria
trigonalis.*

eo nomen sumpsit : reticulo non palma projicitur, aut redditur, ad Ouidij carmen.

Reticuloq; pila leues fundantur apertio.

Pila paganica.

Illam *Esteus*, dicunt. Altera dicta est paganica, pluma plena : eaq; pagani palmis in campo liberiori vtuntur. Eo ludo magis elabrandum est, quàm cum reticulo in spheristerio luditur, in quo minus multò sudari solet & exantlari. Dicitur vulgò palma. Alia est, quæ follis dicitur, nostrates, *Ball* dicunt. hæc ex pelle fit ventoq; inflatur, crassior cæteris, sed paulò grauior : pugno inter ludendum, aut pede, aut ligno ad id apto, non palma aut reticulo redditur. à flatu follis dicta propriè est. Superiora clarissimè & succinctissimè declarauit Martialis hoc disticho.

Follis.

Hæc, quæ difficilis turgent paganica pluma,

Folle minus laxa est, & magis laxa pila.

Pila expeditè luditur

*Dionysius
pila studio
suo.*

Lusus id genus expeditum hominem desiderat, vestimentisq; exutum esse oportet : vt de Dyonisio Syracusanorum tyranno scripsit Cicero lib. *Thuscul.* q. 5. Atque is, inquit, cum pila ludere vellet (studiose enim id facitabat) tunicamq; poneret, adolescentulo, quem amabat, tradidisse gladium dicitur. Hic, cum quidam familiaris iocans dixisset, huic quidem certè vitam tuam committis, arrisissetq; adolescens, vtrunque iussit interfici : alterum, quia viam demonstrasset interimendi sui, alterum, quia dictum id risu comprobasset : atq; eo facto sic doluit, vt nihil tulerit grauius in vita: quem enim vehementer amarat, occiderat. Vides regem solitarium, sibi ipsi molestum, suspectum, nulla hora non offensus pila frequenti lulisse.

¶ V D O S id genus nuncupatum prohibitos non reperi,

peri, cùm ferè nihil fortis habeant, sed exercitationis multum: imò & inter valetudinis cautiones annumerantur ab Vlpiano in l. si quis mihi mandauerit, ibi, spheristerium, hypocaustra, & quædam ipsius valetudini apta. ff. mand. Galenus lufum parvæ pilæ maximè commendat de exercitatione tractans, censetq; nulla alia re magis exerceri corporis partes, quàm palmaria pila, quàm nos suprâ paganicam dici docuimus: Illa enim, inquit idem, adeo hominum vsibus est accommodata, vt huius copia ne pauperrimo quidem homini denegata sit. Si igitur, vt doctè ratiocinatur Gropetius Anglus medicus, exercitatio corporalis sit labor honestus, humanæ vitæ fida custodia, dormientis naturæ stimulus, sopiti caloris Luna, morborum mors, temporis lucrum, iuventutis debitum, adolescentiæ disciplina, senectutis gaudium, salutis adiutorium, æmula & expultrix omnium malorum, sitq; pila ab omnibus inter exercitationis generâ maximè laudata, æquum non esse consequitur, ab ea subduci, tanquam à felicitàte humana, legibus & prohibitionibus. Q. Mutius Scruola clarissimus legum vates & certissimus, optimè pila lufisse dicitur, animumq; suum forensibus ministerijs fatigatum ad hoc diuerticulum transferre solebat: eoq; nos docuit lege sua id non tantum licere, sed laudabile & utile esse. Vlpianus ex Mella & Proculo scripsit pilæ ludo adeo deferri, vt si vehementia collusoris pila percussa cædes aut spectantis, aut aliud agentis contingat, impunita sit. in l. item Mella. in princip. ff. ad l. Aquil. vbi pilam palmariam seu paganicam intelligendam puto, ex eo, quòd illa in vico aut foro aper-

*Pila ludus
apud vale-
tudini.*

*Exercitatio
nis cōmoda.*

*Scruola pi-
la ludosus.*

*Pila per-
missa.*

tè ludatur, vbi & sæpius tondi solet: nunquam in sphæristerio, in quo trigonali pila luditur. Notanda sunt verba Proculi hæc, & sanè, si ibi tondebat, vbi ex consuetudine ludebatur. Similis ferè textus est in l. qua actione. §. si quis in colluctatione. & in l. si ex plagis. §. cum pila plures luderent. & in l. Item si obstetrix. §. si. & in l. nam ludus. ff. ad l. Aquil. Iustinianus in d. auth. alearum vsus. pilam lusoriam probauit, si Alciato credimus. Iurisconsultorum responsis de aleæ lus. & aleato. ff. pilæ mentio facta non est, præterquam, cum virtutis ludi expressi sunt, quorum cum de numero sit pila, illam ijs cōtineri æquum est, etiam si inter exempla à Paulo data in l. solent. ff. illo tituli. omissa sit. Exempla enim regulam nihil restringunt, l. damni infecti stipulatio. ij. ff. de damno infect. & l. legata supellectili. in princip. ff. de supellect. legat. canones nihil expressè cauerunt, tantum aleatores incusarunt. c. episcopus. 35. distinct. & c. inter dilectos. de excess. prælato. Ad aleas, inquit Pontif. Innoc. aut taxillos non ludant, aut vbi luditur intersint. in c. clerici. de vit. & honest. clerico. Cætera ludendi genera, quæ colluctationem virtutis habent, & labore absoluntur magis, quàm sorte, laudabilia sunt. d. l. solent. & d. §. si quis in colluctatione. & d. l. item si obstetrix. §. sed si cum alij in campo iacularentur. de hiscj dubitatum hæctenus non est, præterquam in ludo decur sorio, quem nos *tournay* dicimus, quem reiecerunt canones: vetant enim milites conuenire, & ad ostentationem virium suarum congregari, etiam si virtutis causa fiat, cum inde hominum cædes & animarum pericula procedant: verba sunt concilij Lateranensis in

Ludi virtutis permitti.

Ludi decur sorij prohibiti.

c.j.de torneam.Idem ius duellum reprobat.c.mono- *Duellū quā
do illicitū.*
machiam.2.q.4.non obstante pugna comprobata in-
ter Dauidem & Goliath: facit text.in c.j.& ij.de pur-
gat.vulga.& in c.j.de cler.pug.in duel. Lex ciuilis in-
distincte id non definiuit, sed considerauit quo ani-
mo colluctetur.Nam si quis,inquit Vlpianus,in col-
luctatione, vel pancratio, vel pugiles, dum inter se
exercentur, alius alium occiderit, si quidem.in publi-
co certamine, cessat Aquilia, quia gloriæ & virtutis
causa, non iniuriæ videtur damnum datum: verba
sunt text.in d.l.qua actione.§.si quis. ff.ad leg.Aquil.
Contra, si inimico animo ad vindicandum aut no-
cendum id fiat, tunc aut in otio,aut in castris: primo
casu cruenta spectacula in otio ciuili & domestica
quiete non placent: quapropter omnino gladiatores
esse prohibentur: verba sunt Constantini Imperato.
in l.vna. de gladiatorib.lib.xj.C. In castris autem &
belli tempore id admissum, cum iniuriæ probatio
deest, modo Tribunus id concesserit: vt notatur in
d.l.vna. & in d.§. si quis in colluctatione. Alioquin
autem, Plutarcho consultore, militaribus certamini-
bus se exercere conuenit,vt in iaciendis hastis,tractan-
dis arcubus, venationibusq; persequendis & cæteris
id genus.

L V D I alij sunt,vt alex,tessera,talorum,tabula,par *Ludi fors.*
impar, cæterorumq; quibus cum sorte magis, quam
cum virtute colluctandum est. Alij item, vt scrupo-
rum siue latrunculorum,quos scachos dicimus: hisq;
ingenio & arte magis,quam fortuna certatur.

A L E A M seu tesseras Troiano bello primus inue- *Alex lusus
caiamiras.*
nit Palamedes,vt tradit Plinius.Huius vsus antiquior

*Alea va-
rietatē variis
motus pro-
fert.*

*Alea va-
rietati vitæ
nostræ cōfer-
tur.*

infinitis exemplis docuit, quam sit res improba, ex qua tot iacturæ data, tot noxæ & calamitates contractæ sunt, vt tandem in re deplorata nihil, nisi lacrymas, abiectiōem animi, & desperationem exutorum miseris superesse videamus. Hinc deierationes, & in Deum & sanctos eius anathemata, & graues blasphemix: & quando virtuti nihil conceditur, sed fortunæ duntaxat, iactūq; tessellæ alter summū, alter exiguum numerum producat, necesse est pro humana leuitate illum frontem exporrigere: hunc verò iniquo animo ferre & ira accendi, adiurare, spem abijcere, & seipsum adeo conturbare, vt nemo non iudicet maximè esse metuendum eo furoris, calamitatis, & noxarum se conijcere; vnde se subducere nemini ferè ita affecto liberum est. In summa id negotium adeo varium est, vt nihil certum habeat, præterquam mœrorem, pauperiem & infamiam. Ob eam varietatem rectè Philosophi antiqui aleam vitæ nostræ, quasi lusui, contulerunt: vt quemadmodum, quicquid alea iacta profert excipiendum est, siue summum, siue pusillum, neque denuo iacere licet: Ita quæ humanæ vitæ casu nobis obtingunt, siue prospera, siue aduersa, necessitatem ferunt: neq; , si meliora expetamus, aut distorqueamur, immutantur; sed disponenda sunt prout fatum volet. Stobæus id Socrati detulit, Plutarchus Platoni. Id lusit Terent. in Adelp.

Ita est vita hominum, quasi cū ludas tesseris.

Insipientiæ igitur non ferendæ est, tam infœliciter lasciuire, vt sorte nostra adeo incerta non cōtenti aliam superaddamus & grauiorem & miseriorem. Ea mouerunt Imperatorem, qui in clauth. alearum vsus. lusum

sum hunc, licet antiquum, prohibuit. Antea rogatz fuerant leges, Titia Publicia, & Cornelia, quaz spon-
 siones omnes, ex quibus virtute certandum non erat *Leges lusa-*
 repulerunt. l. quibus ex rebus. ff. de al. luf. & aleato. Iu-
 risconsultus inter maleficia, quaz sola cogitatione sub-
 notantur, aleatorem non omisit, sed nominatim ex-
 pressit in l. fugitiuus. ff. de rer. & verb. signifi. Alea Ro-
 maz ludere olim non licuit, eiusq; rei grauior lex con-
 stituta est, quaz exilij pœnam haberet. *Alea roma*
olim illicita. Linicius Lenticula, quod domi & in foro alea lusisset deportatus
 est: huncq; cum M. Antonius restituisset, à Cicerone
 taxatur, quod ea restitutione, aleam à lege damnatam
 probasse videretur. Tranquillus in Augusto scribit
 aleatorem eo tempore Romaz malè audisse. Et is est
 lusus, quem canones clerica dignitate indignum cen-
 fuerunt. d. c. inter dilectos. de excessib. prælat. & c. cle-
 rici. de vit. & honest. clerico. & c. episcopus aut pre-
 sbyter. 35. distinct.

TABVLAE ludus, si tesseris & tabula expeditur, *Ludus sabu-*
 fortunæ ludus est, vt & est is, quem par impar Hora-
 tius lib. sermo. ij. saty. iij. dixit, & Tranquil. in August. *la.*
 Hiq; omnes lege ciuili illiciti sunt. auth. interdicimus. *Ludus par*
 C. de episcop. & cleric. *impar.*

SCRVPORVM, aut scacorum ludus, quia ingenio *Ludus ser-*
 & arte luditur, non ita exosus est, sed permissus: d. l. *porū seu sca-*
 nam ludus. ff. ad leg. aquil. & glos. in d. auth. interdici-
 mus. in verb. ad tabulas. Accurs. in glo. j. in fi. in l. error
 facti. C. de iur. & fact. igno. huius ludi meminit. *corum.*

HAEC omnia vera & obseruanda sunt, cum lex
 dictet, iubeat, vetetq;. Sed modestiæ officio id vetitum
 erit, si prudenter otia negotiaq; disponamus: vt & in-
 conti

*Modestia in
ludo.*

*Alea quo-
modo licite
ludatur.*

*Augusti in
ludendo mo-
do.*

*Augustus
quomodo a-
lea luser.*

continētis vitio nihil horum, quæ licent corruptum
crit. Nam quemadmodum pilæ lusoriæ laudabilis
modus intemperantia exacerbari potest & in vitium
verti, ita vicissim alearum odium vsu laudabili miti-
gari. Ludendi etenim, vt & cæterorum, modus est re-
tinendus, vt ne profusè nimis nostra conficiamus, ne
animum proiciamus indulgentius: vt potius luxu-
riari, quàm ludere: honestum deferere, quàm animum
laxare videamur. His enim futurum est, vt, aut volu-
ptate elati, aut iactura abiecti, prout sors futura est, in
quodcunq; horum res exeat, velimus, nolimus, in tur-
pitudinem certò dilabamur. Scruola idem, quem pi-
la optimè lussisse diximus, alea quoq; & calculis va-
casse interdum dicitur: sed non vt eo otio tempora
tereret, patrimonium profunderet, negotia publica
intermitteret, tantum verò, cùm diu ac bene ciuilia iu-
ra & diuinas ceremonias constituisset. Ille etenim ho-
mo grauissimus, vt de eo tradit Valer. Max. vt in re-
bus serijs semper visus est Scruolam egisse, id est, vi-
rum seuerissimum, consultissimum, & prudentissi-
mum: ita & in scurrilibus lusibus hominem, id est, na-
turaliter continui laboris impatientem, liberius egit.
Aug. Imperator animi laxandi causa modo piscaba-
tur hamo, modo talis aut oscillatis, nucibusq; ludebat
cum pueris minutis, quos facie & garrulitate vndiq;
conquirebat. Eundem Imperatorem in omnibus vi-
tæ partibus continentissimum fuisse ac sine suspicio-
ne vllius vitij scripsit Tranquillus: alex tamen rumo-
rem non expauisse, sed ea lussisse simpliciter, & palàm
oblectamenti causa etiam senem, præterquam mense
Decembri alijsq; festis profestisq; diebus: eaq; con-
stare

stare clarius quadam ipsius epistola. Cœnaui, ait, mi Tyberi cum iisdem. Accesserunt conuiux Vinitius & Silius pater. Inter cœnam lusimus *peritissimè*, & heri & hodie. Talis enim iactatis, vt quisq; canem aut senionem miserat, in singulos talos singulos denarios in medium conferebat: quos tollebat vniuersos, qui venerem iecerat. Et rursus alijs literis. Nos mi Tyberi, quinquatrijs satis iucundè egimus. Lusimus enim per omnes dies, forumq; aleatorium calfecimus. frater tuus magnis clamoribus rem gessit: ad summam tamen perdidit non multum, sed ex magnis detrimentis præter spem paulatim retractus est. Ego perdidit xx. millia nummum meo nomine: sed cum effusè in lusu liberalis fuisset, vt soleo plerunque, nam si quas *Augusti in ludendo iucunditas.* manus remisi cuiq;, exegissem aut retinuissem, quod cuiq; donaui, vicissem vel quinquaginta millia. Sed hoc malo. Benignitas enim mea me ad cœlestem gloriam effert. Insuper & alia epistola, quam scribit ad filiam. Misi tibi denarios ccl. quos singulis conuiuiis dederam, si vellent inter se inter cœnam vel talis, vel par impar ludere. Vides fœlicem ac liberalem ludendi iucunditatem Imperatoris, qui xx. millia maluit perdere, quàm l. millia auarè lucrari. Contrario ritu lusit Cæsar Caligula, qui ne ex lusu quidē aleæ compendium spernens, plus mendacio, atq; etiam perurio lucrabatur. Et quondam proximo collusori demandata vice sua progressus in atrium domus cum prætereuntes duos equites Romanos locupletes con festim corripere confiscariq; iussisset, exultans redijt, gloriansq; nunquam se prosperiore alea lusum. Nero *Neronis lusum.* quadrigenis in punctum hs. aleam lusit. Augustus

*Domitiani
lusu.*

dies sacros ab hoc oblectamento exclusit. Scauola item eas horas, quibus sacra ordinanda erant. Domitianus Imperator non ita modestè. Nam quotiens otium erat, alea se oblectabat: idq; adhuc rectè: sed profectis diebus, matutinisq; horis, parum decòrè. Commodum erit huc transcribere Senatusconsult. Parisiense anno quadragesimo septimo supra sexquimillesimum, conditum, in hæc sanctissima & religiosissima verba in rem nostram.

*Senatuscons.
Parisiense san-
ctissimū de
ludo.*

LA COURT, OUY sus ce le procureur general du Roy, deuëment informee, que à ces saints iours de la sainte semaine peneuse de Pasques & les deux ensuiuant, que les bons Chrestiens doiuent principal. ment entendre au diuin seruice, & laisser toutes comessations & ieux de dissolution, neantmoins plusieurs n'ayans la crainte de Dieu deuant les yeux, par obstination de mauuaise vie, s'efforcent lesdits iours aux heures, que lon doit vaquer & entendre au diuin seruice, aller aux ieux de quilles & courte boulle, de paulme, & qui est encores pis, de dez & de cartes, en aucuns lieux, ou lon en tienc le berlant: & de là vont aux tauernes & cabarets, & vaquent à comessations & gourmandises. postposant entierement le seruice de Dieu; auquel ilz deueroient vaquer & entendre: & par ce moyen font plusieurs insolences scandaleuses à toute le demeurant du peuple, & de mauuais exemple, & bien souuent iurent & maugreent le saint nom de Dieu & de sa tresglorieuse mere: & souuent aduient, qu'il y ha des excès & batteries, & plusieurs autres crimes & delicts troublant le repoz des bons & vrays Chrestiens: A quoy la iustice souueraine, la premiere partie de laquelle en ce Royaume Treschrestien est, & doit estre, garder & faire garder l'honneur de Dieu & de l'obseruance de la sainte religion Chrestienne

en defendant toutes choses contraires, & punissant les transgressours de peine exemplaire, doit promptement & diligemment obuier. A ceste cause par prouision & iusques à ce que autrement en aura plus amplement esté ordonné, ha inhibé & defendu, inhibe & defend à tous les manans & habitans de ceste ville de Paris & fauxbourgs d'icelle, & de toutes autres villes de ressort (qui tiennent ieux de quilles, & quilles à baston, coupe boulle, paulme, ou berlans de dez & cartes) de tenir lesdits berlans publiques, & ieux de quilles & de ieux de cartes, dez & parings quilz si font en tout temps, iours & heures, sus peine de punition corporelle, quant à ceux qui les tiendront, & aussi quant à ceux qui ioueront, sus peine de prison, & de grosse amende pecuniaire, à la discretion de la iustice pour la premiere fois: & pour la seconde sus peine de prison & de punition corporelle. Et quant aux autres ieux susdits de les tenir ouuers, & y receuoir aucuns esdits saints iours durant le temps que lon vaquera au diuin seruice, ou à la predication, sus peine quant au propriétaire de la confiscation de la propriété du lieu: & quant aux locatifs de vingt liures Parisis d'amende. Et à tous les manans & habitans en ladite ville de Paris, & autres villes susdites & villages esdits saints iours, es heures & temps que lon fait le diuin seruice, du matin ou apres disner, & la sainte predication de la parole de Dieu, y aller, sus peine d'amende arbitraire. Semblablemât inhibe & defend tresexpressément, sus les peines, que dessus, à tous tauerriers & cabareriers, de tenir lesdits iours aux heures, que lon fait le diuin seruice aux Eglises, soit du matin ou apres disner, & que lon presche la parole de Dieu, leurs tauerne ou cabarets ouuers & y receuoir aucun. Et defend aussi à tous durant ledit temps, que lon fait le diuin seruice ou la predication de la parole de Dieu, sus la mesme peine de tenir prison & d'amende

de arbitraire, d'aller ausdites tauerne & cabarets. Et ordonne que les presentes inhibitions & defenses seront faites à son de trompe & cri public par les carrefours de ceste ville de Paris & autres villes de ce ressort, non seulement pour les iours susdits, mais pour les iours de tous les Dimanches, de L'Ascension de nostre Seigneur, de la vigile & iour de Penthecouste & deux iours ensuiuans, des festes & Solennitez de la tressacree & treflorieuse vierge Marie, vigile de la Toussaints, vigile & iour de Noel, & les deux ensuiuans : & que la publication de ces presentes à son de trompe & cri public sera faite d'oresnauant trois fois l'annee : à sauoir le mercredi de la semaine penueuse du matin à dix heures en attendant onze, & les vigiles de Penthecouste & de Noel à l'heure susdite. Et paulopost formas obseruandi descriptas. Aussi fait ladire court defenses durant le temps susdit de sonner tabourins ou trompettes par la ville, pour ieux de basteleurs ou autres, sus peine de prison & de punition corporelle. Defend aussi esdits manans & habitans de ceste ville de Paris & autres villes de ce ressort de leur bailler maison, ou lieu pour ce faire durant ledit temps sus peine de dix liures Parisis d'amende pour chacune contrauention. Fait en Parlement le vingtseptieme iour de Mars l'an mille cinq cens quarante & sept.

Modestia omnia accommodas etiam vitiosa.

Ludendi tempora.

Collusores deligendi.

LVDENDI qualitates ludum ipsum variant, vt & in cæteris negotijs cõtینگit. Nihil enim tam sanctum est, quod vtendi modo præpostero non corrumpatur : & ediuerso, nihil est tam odiosum aut indecorum quod vsu recto non accommodetur. Obseruandum igitur primò erit, quo tempore ludas, cum profecto, aut eo certè, quo diuina absoluuntur, pro Christiana religione non liceat : neq; tantæ rei dignitas his oblectamentis turbanda est. Tum, quos habeas collusores:

lusores : hij enim sine delectu assumendi non sunt. Cùm vidisset Sara filium Agar Aegyptiz ludentem cum Isaac filio suo , dixit ad Abraham , Eijce ancillam & filium eius. Ioseph , cùm non haberet , quos deligeret, lusit cum tribunis suis. Hæc notantur in c. Iosep. & in c. lusit Isaac. 32. q. 4. Insuper, quo ludi genere : tum , quo affectu : postremo , quanto tempore. Quòd si corruptè & eo delectu postposito ludas, mœchari, non modestè agere videberis.

Ludendi genus affectus et tempus consideratur.

SOLENT in materia ludi perplexè tractari quædam controuersiz , quarum cum maior pars ad forum pertineat , illas , quæ videbuntur non superfluz , non disputando , sed notando , summatim attingam , cæteris omisissis. Otiosum etenim & plusquam scurrile fuerit in disquisitionem exponere , & super eo serius configere , an à sententia fortunæ per sortem aut aleam data possit appellari : dicereq; fortunam rerum omnium humanarum superiorem , naturaliter vagam , multa negotia præcise absoluerè , summæq; & nouissimæ cognitionis iure iudicare. Ideo non audiri eum , qui prouocato iudicio velit contendere , aut errorem causari , & per eius speciem fortunæ iudicium in consilium referre.

Sententia sorte data an appellatione possit oppugnari.

CVM LVDVS omnis maxima libertate censeri debeat , tam cùm suscipitur , quàm in ipsius legibus ex composito asserendis : æquum non erit vim adhiberi , siue vt quis ludere cogatur , siue vt iniquis legibus ludat. Pluribus modis id contingit. Primò , Iubentis autoritas pro vi est : Nam & absolutè imperat , qui superior rogat. Laberius ex equestri ordine minus factus sexagenarius Cæsaris iussu inuitus egit : Induxit

Ludere quoties.

Autoritas rogantis imperium est.

in rem suam Syri habitum, qui veluti fragris caesus, a proripiente se similis exclamabat.

Porrò Quirites libertatem perdidimus.

Ac paulò post subiecit.

Necesse est multos timeat, quem multi timent.

Ad hæc verba mouit populum astantem, qui coniectis in Cæsarem oculis, gratum se habere nutu docuit illius impotentiam his vocibus lapidari. Laberius hac actione violentiam, quam patiebatur contra libertatem pristinam, vltus est. Collusoris item dolus & blanditiæ pro violentia reputantur. Solet & adhiberi vis cum volens à ludo desistere vi & minis retinetur: vt dicit textus in l. solent. ff. de al. ius. & aleat. hæc lex ciuilis ex Prætoris edicto animaduersione digna censuit, plectiq; voluit, aut multa patrimonij, aut latumij, aut vinculis publicis, vt ex eodem edicto respondit Vlpian. in l. prima, in fin. ff. illo tit. & licet violentiæ duntaxat mentio facta sit, sunt tamen, qui suasiones, dolum, & blanditias eodem iure constituent. arg. l. primæ. §. persuadere. ff. de ser. corrup. Aleatores etenim solennes id in promptu habent artificium, vt sibi ignotos adeant, & prouocatione subdola commoneant ad ludum: initioq; solent simplicitatem asimulare, & pecuniæ collusoris parcere, donec lusu ille incaluerit, eumq; ita paulatim fouendo conturbare: tandem conturbatum calliditate exure partim aleis adulterinis, partim arte in id expedita. Lussores hoc genus ad restitutionem tenentur eorum quæ lucro quæsierunt: vt dicit Angel. in tractat. maleficio. not. metido. de mal. dad. in princip. Nam cum turpitudine à solo vincente procedat, eius occasione

*Ludere an
exatur qui
dolo induci-
tur.*

*Aleis falsis
ludens quo-
modo punia-
tur.*

lucrum

lucrum nancisci non debet: Ita ratiocinatur Bal. in rub. C. de condict. ob turp. caus. & ita tenent Io. And. & Imo. in c. clerici. de vit. & honest. clerico. Neque is falsus aleator debet ea restitutione liberari, sed poenam subire grauiorem. Quæ illa poena sit, non satis constat: quandoquidem criminis nomen in promptu non est. Sunt, qui furtum dicunt: idcircoq; ut furem puniendum, argumento sumpto ab eo, qui se falsò simulauit creditorem esse: ille enim, si quid acceperit; furtum facit: nec nummi eius fiunt. Verba sunt Vlpiani in l. falsus creditor. in princip. ff. de furt. Nam quemadmodum debitor videtur ei soluisse per speciem creditoris veri, ita & lusor, qui perdidit, videtur ea alea lusisse, quam veram putabat, & adulterinam ignorabat: igitur hoc errore per quamdam tacitam & præsumptam conditionem nihil actum esse videtur in præiudicium perdentis: arg. l. si me in vacuam. ff. de acq. possess. falsum igitur aleatorem, qui nummos alienos arte subtraxit, furti teneri probabiliter dici potest. d. l. falsus. Angel. hæc refellit duabus leuissimis rationibus. Prima, quòd vsus id non fert, ut is tanquam latro furca suspendatur, quæ ratio friuola & aliena est, cum latronis & furis diuersa sit poena: illius enim capitalis est, & vltimum supplicium, l. capitalium. §. famosos. ff. de poen. huius verò non est. auth. Sed nouo iure. C. de furt. Secunda, in istis, inquit ille, barramentis consensus decepti non abest, cum videatur ludendo consentire. l. prima. ff. de pign. actio. Igitur, inquit, non habet sua propria definitio furti, ut scilicet sit contrectatio rei alienæ domino inuito. l. prima. ff. de furt. ergo furtum non est. Sed hanc

*Alea falsæ
fuit an sit
furtum.*

*Angeli le-
uis rationibus
refellit.*

*Furti diffi-
nitio.*

secundam

secundam rationem prorsus falsam elucrimus, si argumentum conuertatur hoc modo probabili. furtum est contructio rei alienae inuito domino. hoc principium absolute verum est, nec negari potest. Qui falsam aleam subiecit, & eius arte collusoris ignorantis pecuniam substulit, ab inuito substulisse dicitur, cum nemo praesumatur iactare suum: ergo & furtum commississe dicendus est. d. l. falsus. iuncta l. si me in vacuum. & licet à quolibet Angeli syllogismus eludi possit, gloriatur tamen se ita subtiliter respondisse duci Ferrariensi. Quibusdam Angeli opinionem probantibus succurrit & tertia ratio, quod scilicet furtum soleat clam fieri: idque trahunt ab etymologia vocabuli, ut fur à furuo, idest obscuro dictus sit. l. prima. ff. de fur. Aleatorem igitur, si palam auferat, neque vi, neque domino prorsus inuito auferat, furem non videri. Sed haec ratio nihil superiores iuuat, cum furtum etiam palam fiat: quod si clam duntaxat fieri dicatur, tolli oportet furem manifestum. text. est in l. fur est. & in l. nec manifestum. ff. de furt.

Fur à furuo.

*Alea falsa
vires an falsum
committat.*

Alij crimen falsi id esse dixerunt ad instar eius, qui sciens commodasset falsa pondera, ut venditor emptori merces appenderet: verba sunt l. arbitrio. §. de eo autem, qui sciens. ff. de dol. mal. In hanc sententiam Angel. nihil protulit, licet reiecerit. Ego putarem iustam esse, si alearum & ponderum eadem esset iustitia: sed cum illae sint odiosae, & extra legitimorum ordinem, parum, siue verae, siue falsae sint, curantur: haec verò probabilia, legitima, necessariisque veritatis indicia exactissime obseruantur: d. §. de eo autem. Alij senserunt expeditius esse recurrendum ad

ad regulam iuris, qua vbicunque titulus criminis deficit, illic stellionatus obijci. l. stellionatus accusatio. §. vbicunque. ff. de crim. stellio. & hanc sententiam excepit vsus: maximè, cùm crimen huiusmodi in his locum habet, quæ per dissimulationem, calliditatem, & dolum falso commissæ sunt: vt & factò nostro satis conuenit. d. §. vbicunque. Lex ciuìlis certam non statuit coërtionem: Iudex igitur extraordinem pronuntiabit. l. ij. illo titul. Quidam grauiorem furti poenam definiunt his falsis aleatoribus, vt & saccularijs *saccularij.* lex indixit, qui vetitis artibus res alienas subtrahunt: plus enim, quàm fures puniendi sunt: dicit Vlpian. in l. saccularij. in princip. ff. de extraord. crimi. Par. de Put. in tract. de ludo. cap. an si quis lusit cum vno. in fi. tradit vidisse suo tempore, quosdam falsarum alearum conuictos in remigium marinum deportatos ætatem egisse: alios suffixos cruci, eosq; qui nullum alium viuendi ritum haberent, quàm vagari & perquirere, quos exuerent artificio suo.

CIRCA probationem imposturæ huius Salicet. in lea quidem. C. de accusat. illuso contra aleatorem falsum adeo faueri dixit, vt etiam hij, qui malè audiunt & infamia fragrant, audiantur. Rationem hanc habet clarissimam. factum, horum tantum testimonio, qui viderunt, probari potest. Probi his reprobis ludis nunquam adsunt, sed improbi tantum: igitur & his erit necessario credendum. faciunt, quæ scripsit Io. And. in c. j. de testib. cog.

PRAETERIRE nolim, quòd licet maior scribentium pars eadem reputauit, collusorem vi cogere, & subdolis verbis impellere, videaturq; pro his facere *Ludere con-
elut vi aut
suasione.*

text.in l.vna. C.de rapt.virgi.ad fi.tamen acerbio-
 esse sententiam,quàm vt sequenda sit, æquissimè cen-
 suit Angel.num.9. Iurisconsultus enim in d.l.prima.
 & in l.solent. in princip. de al.lus. & aleat. edictum
 interpretans vim nuncupatim requirit. edictum item
 illud pœnale est, & si non restringi, at certè extendi
 non debet.l.odia.de reg.lib.sexto. Vis autem solet in
 collusorem committi, quotiens quis autoritate aut
 minis ad ludendum compellit: aut & secundo, cùm
 per eum à ludo abire non licet: Idq; duobus modis
 contingit. Sunt enim, qui collusorem post lucrum
 abire volentem minis aut ferro retinent: & hæc qui-
 dem vis est, de qua Paul.in d.l.solent. in princip. Se-
 cundò,cùm inter collusores initio conuenit,neutri li-
 cere abire, nisi deperdita certa pecuniæ summa: quæ
 pactio, cùm nullius momenti sit, nihil cogit ludum
 sequi,& nihilominus poterit relinqui, cæteris inuitis:
 qui si de pactione concertent, velintq; huic morem
 geri,vim facere dicuntur. Hæc notant Guill. Bal.&
 Angel.in l.iurifgentium. §.prætor ait.ff.de pact. De-
 bent autem hæ minæ sufficere ad terrendum etiam
 constantem virum.l.metum.ff.quòd met.caus. Neq;
 ferendus, qui tam propter suasionibus paruit, si de
 sua temeritate quærat: aut si non ignorans aleato-
 rum morem improbum,cum his collusit,& perdidit.
 Item & abire volens,si cæteris præuaricationem obij-
 cientibus cessit: arg. l.si verò non remunerandi. §.si
 adolescens luxuriosus.ff.mand.

*Lusor abire
 volentē reti-
 nens vim cō-
 mittit.*

*Ludi pallio
 ne possit al-
 ter abire.*

*Minor dolo
 ad lusu in
 ductu vi-
 detur con-
 stare.*

SVPERIORA vera sunt in maiore,aut in eo, qui
 sui iuris est, non prodigo aut profusuro: quia si in
 prima adolescentia sit, aut pronus ad patrimonium
 effund

effundendum, satis videbitur impelli illecebris, etiam si vis absit: cum leuius iuuentæ igniculi coalescant, & à quocunque bono viro restingui, non excitari debent, sitq; facile huius ætatis homini persuadere. l. fin. §. filius autē. C. de bo. quæ libr. v. & in simili demutui frequentia dicit text. in l. prima. & iij. ff. ad Macedo. Ang. nume. 6. sentit edictum prætoris de vi illata, vt ludatur, ita intelligi, vt etiam calliditate inductus vim pati dicatur: alioquin, inquit, frustra edixerit prætor, cum nemo ad ludendum propriè vi cogatur: lex enim non debet esse inanis. l. si prætor. in princip. ff. de iudic.

SECUNDO, quemadmodum ordinarij, seu solemnes videntur lusores, qui hunc prorsus viuendi ritum habent: ita & sunt, qui lusores suscipiunt, & his diuersoria apta exercent, vt & caupones, & stabularij, qui hominibus cauponam, & equis recipiendis stabulum exercent. l. j. §. caupones. ff. nau. caupo. stabu. illiq; propriè aleatores dicuntur, quos lex viles personas reputauit. vt dicit Bal. in l. prima. in princip. ff. de ale. lus. & aleat. Prætor in huiusmodi susceptores tria subnotauit. primum, vt si vapulauit & incussus est, non possit vindictam persequi, eiq; actio iniuriarum denegatur. d. l. prima. in princip. & §. j. vers. Susceptores duntaxat prohibuit vindic. ff. de al. lus. Secundum vt si quid in domo eius substractum sit, damnumq; ei aliquod datum, actionem in id prætor se non daturum edixit: imò pronunciauit furtum factum domi & eo tempore, quo alea ludebatur, impunè factum esse: prout & verbera illata & damnum datum. verba sunt d. l. primæ. §. item notandum. Tercium, vt si

*Aleatores
seu susceptores.*

*susceptores
lusores quibus
peniuntur.*

*Furtum im-
punium.*

Mutuum nō ob. gans.

pecuniam susceptor ipse sit mutuatus lusori, repetere non possit, aut certè sit exceptione summouendus. quòd postremum sumitur ex d.auth. alearum vsus. hæc not. Io. And. & Imo. in c. clerici. ne cler. vel mona.

Susceptor quando pos- sit offendi.

Quæ tamen non adeo immaturè sunt accipienda, vt passim & iniquè liceat eum susceptorem offendere, siue verberibus, siue damno dando. Oportet enim occasionem offense datæ ex ludo, & eo tempore, quo apud eum luditur, subortam esse, & offendentem lusorem esse. Quòd si quid horum desit, vt lusor non sit, qui damnum dat, qui furatur, quiq; diuerberat: aut & secundo, si lusor sit, & extra ludum, aut non occasione ludi in susceptorem peccat, hi casus extra prætoris edictum sunt, & iure communi disponuntur: eo etenim talia vindicantur ex lege Cornelia. §. sed & hæc lex. instit. de iniur. aut furti. Nihil obest text. in d. l. prima. §. item notandum. ibi, licet lusor non fuerit. Id Accurs. in vtrunque partem asserit, vt scilicet sit noxa impunita, siue offendens lusor non fuerit, siue susceptor ipse non ludat: quòd extremum verum est: primum iniquitatem habet promptissimam. Angel. numer. 6. tenet impunitatem hanc edictam esse contra susceptorem, in idq; duntaxat, quòd sua ciuilitè interest: non autem contra publicam vindictam, quam qui offendit omni casu fiet obnoxius: & pro hoc textus est notabilis in l. non solum. §. quanquam aduersus patronum liberto iniuriarum actio non datur: veruntamen marito libertæ nomine competit. ff. de iniur. Ego apud Vlpian. eo loco notaui, dominum fisci, si susceptor sit, offensum, neque priuatim, neq; publicè ob vindictam fiscaleq;

Susceptor a- leatorū impu- nē nō va- pulat.

Susceptor a- leato. fisci do- minus pro- prius impu- nē quādo offen- ditur.

emolu

emolumentum, quod sibi quæreretur, admittendum esse: idq; in simili arguit text. in d. §. quanquam. ibi, si autem conliberta nupta esset dicemus omnino iniuriarum marito aduersus patronum cessare actionem.

Quod tamen puto esse intelligendum, vt declarat August. addit. ad Angel. nume. 8. vt oporteat dominum fisci & iustitiarum loci, in quo luditur, solere lufos suscipere emolumenti causa: & ita dicit glos. in d. l. j. in princ. de al. luf. in glo. j. Tria ergo requiruntur, vt susceptor dicatur, & offendi libere possit. Primum, vt suscipiendi consuetudinem habeat. Secundum, emolumentum gratia. Tertium, in domo sua. Alioqui, si homo nobilis iucundè & laxamenti gratia lufos inuitat & suscipit, non est susceptor, neq; aleator, & edicto non continetur: ita sentijt Azo in rub. C. de relig. & sumpt. fune.

Susceptor aleator. quis dicitur.

TERTIO, cùm circa pecuniam varijs ludatur modis, horum erit & varia ratio. Ita subduco. Aut præsentem pecuniam lusum est, aut dato ex promissore, aut simplici fide. Primò casu, si præsentem: aut propriam, aut mutuo acceptam. Si propria: aut lusor sui iuris est, aut alieni: aut maior, aut minor. Si mutuo accepta: aut à lusore, aut à susceptore, aut ab alio.

Ludi pecunie plena distinctio.

MATERIA solennis & frequens est: exhibet enim restitutionis perditorum absolutoria, item & contractuum cæterorumq; legitimorum pragmatum in actu lusorio initorum vitia æstimat. Primus erat casus, cùm præsentem pecuniam, eaq; propriam, à maiore sui iuris lusum est. Canonistæ in d. c. clerici. Imo. & Io. Calde. in l. si quis cùm sciret. ff. de vsucap. pro empto. adhuc esse dispiciendum sentiunt, an ludo permissio, an prohibi-

Lusor an habeat repetitionem perditæ.

to lusum sit. Item si permissio: an grandem pecuniam perdidit lusor, an modicam. Si modicam, quia id licitum erat, non repetit. d. auth. alearum vsus. Quod si grandem, repetit condictioe ex lege, ratione d. auth. Magna aut modica summa dicenda erit consideratione personarum: arg. l. ceteræ itaq; ff. famil. ercisc. & l. quælitum. in fi. ff. de testib. etiam si hac in re ad solidum res taxata sit eadem constitutione. Idem erit, si ludo illicito lusum est. d. auth. ibi, & actionibus competentibus repetatur. Ad casum tamen utrunq; multum interesse puto, an qui prouocauit ad ludum, perdidit, an prouocatus. cum primo casu prouocatio sit illicita, prouocans ex sua turpitudine nihil aliud, quam damnum merito consequi debet. c. sedes. de rescript. prouocatum autem, qui perdidit, antequam repetitionem habeat, oportet vehementer impulsus & quasi inuitum ad ludum commotum ab his, qui eo nomine malè audiunt, & tunc vis quodammodo videbitur. Quod si leui prouocationi parere maluit, quam reluctari, sciatq; prouocantem aleatorem esse, perdita non repetiturum æquum est. arg. l. si verò non remunerandi. §. si adolescens luxuriosus. ff. mand. eaq; vera ego puto, tam cum ludo prohibito magna pecunia iactata est, quam cum permissio. Porro, si & dantis & accipientis turpis causa sit, possessorem potiore esse, & ideo repetitionem cessare. verba sunt text. in l. si ob turpem causam. in fin. ff. de condict. ob caus. Sed hæc in Francia sollicitè inquirenda non sunt, ubi consuetudine ludi fortunæ iuxta ac virtutis tolerantur: & ideo quæ ex his sublata sunt iusta ac non subdola aut falsa victoria non restituantur. idq; tenet

*Ludere com
pulsus qui
videtur.*

Jo. And. in d. c. clerici. dicitq; conscientia & foro excusari lusorem, qui lucratus est ex beato Tho. 2. 2. q. 32.

ALTER erat casus, si alieni iuris lusor presenti pecunia lusit, ut filius familias & servus: ijq; si ludo victi fuerunt, patri vel domino competit repetitio. verba sunt text. in l. fi. §. j. ff. de al. lus. His additur monachus, qui habet Abbatem censorem suum: per gloss. in d. c. clerici. Qui enim cum hoc genus lusoribus ludunt, suffurari videntur, cum sciant pecuniam horum non esse. arg. l. servus cuiusdam. ff. de condict. indeb.

Lusor alieni iuri.

SILVOR propriam pecuniā non habens sumpsit mutuam, & perdidit, nostra serie tertio casu, multum refert, à quo acceperit, an à collusore, aut susceptore, aut alio. hoc postremo casu differens erit mutuum, factum ne sit minori, an maiori. Primò casu, si perdidit minor, non tenetur: text. est in l. quod si minor sua sponte. §. restitutio. ff. de mino. gloss. magna in l. quid ergo. ff. de donat. inter vir. & vxor. & alia gloss. in l. si minor 25. annis filio. in prin. in verb. litis contestata. iuncto tex. ff. de mino. Quod si maiori, actio competit, si ludi non sit particeps is, qui pecuniam mutuo numeravit. gloss. in l. fin. in prin. in verb. accipit. ff. de al. lus. Item, & si nesciat statim perditurum, qui accipit: aut non interdicto mutuetur. circa hæc etenim creditorem curiosum esse oportet. l. quod si servus. §. sed si accipit. in fin. ff. de in rem vers. & l. quod in convivio. §. si servus. ff. de al. lus. melior tex. in l. verum. §. pe. ff. de mino. August. in addit. ad Ange. nu. 14. sentijt esse tenendum, quod regulariter mutuo data pecunia lusori etiam perditā repeti possit, nisi quatuor concurrentibus: primò, si collusor numeret: secūdò, si susceptor:

Lusor qui mutuam pecuniam perdidit.

Mutuum factum lusori quando non repetatur.

tertiò

tertiò, si minori: quartò, si bonis interdictò. in cæteris autem, etiam quantumvis perdituro factū mutuum actionem parit: idq; usus admisit contra maiorem scribentium numerum. Quod si à collusore, ex eo mutuo nulla datur actio, ut dicit gl. in d. §. restitutio. ff. de mino. not. in l. si filiofamilias. §. j. ff. quar. rer. act. non dat. & glo. in l. j. in prin. & in d. l. fin. in verb. accipit. ff. de al. luf. Quod si à susceptore, dum in domo sua luditur, suo damno pecunia deperditur, eiusq; nomine agens non auditur: ratione l. j. §. j. de alex. luf. ita sentiunt Io. And. & Imo. in d. c. clerici. Cautio à pluribus adhibetur, ut postquam à ludo discessum est, aliquo iusto intervallo interueniente, qui pecuniam mutuo accepit à collusore aut susceptore, promittat se soluturum per stipulationem: aut in iudicio confessus sit, & soluere iussus: his casibus, siue lufum sit ludo permissò, siue prohibito, competit repetitio: ut dicit August. ad Ang. nume. 16.

*Mutui pecu-
nia lusa cau-
tio.*

*Contractus
lusory.*

HINC solet inferri, quòd contractus facti in ludo nullius sunt momenti, si collusorum, aut susceptorum commodò cedant. text. est in d. auth. alearū usus. In idem produci possunt, quæ de mutuo suprà diximus, quæ est cæterorum contractuum insignis species. l. ij. C. si cert. petat. De venditione nominatim respondit Iulianus in l. si quis cum sciret venditorem statim consumpturum. vers. nisi forte & is, qui à luxurioso, & protinus scorto daturò. ff. pro empt. similis est text. in d. §. restitutio. ubi & rem venditam & pretium: datum perditurus est, qui à venditore statim consumpturo emit: vera illa sunt inter collusores aut susceptorem. Sed si alius emerit, quàm collusor, aut susce

*Venditio fa-
cta in ludo.*

susce

susceptor tenet venditio. Id tantum emptori non curioso pœnæ relictum est, vt suo periculo sibi res empta sit: cuictionisq; nomine actionem nullam habeat. vt expressè dicit tex. in d. l. fi. §. si in alea rem vendam. ff. quar. rer. act. non dat. Quidam dicunt, cuictionis actione sublata emptori restitutionem pretij saluam esse: neq; enim bonæ fid. contractus hanc patitur iniquitatem, vt emptor rem amitteret, & pretium venditor retineret: verba sunt Vlpiani in l. emptorem. §. qui autem habere. ff. de actio. empt. facit l. j. §. illud. C. de lat. lib. toll. & l. pen. C. ad Velleia. Imo, & si apertè conuentum esset, nihil cuictionis nomine præstitum iri, tamen re cuicta, si non id, quod interest, at certè pretium debetur. d. §. qui autem. Et licet nuncupatim ex d. §. restitutio. pretium non debeatur, tamen id in minore verum est: in maiore venditore non est. Item d. l. fina. §. j. quar. rer. act. non dat. cuictionem tantum expressit, pretij mentione minimè facta, quod ad ius commune reuocandum erit: eoq; debetur. d. §. qui autem. August. ad Angel. nume. 14. id distinxit: vt scilicet pretio perduto, neq; pretium, neq; id quod interest debeatur: non perdoti verò pretij restitutio fieri debeat, vbi vltra tenet post Bart. & glos. in d. l. fi. §. j. ff. quar. rer. act. nō dat. superiora vera esse, vbi ludo prohibito lusum est: quod si permissio, sit actio plena de cuictione: hancq; tantum rationem habet, si res tuas lucrari possum, ergo & emere.

Vendens in ludo de cuictione nō tenetur.

Vendens lusor an ad pretium teneatur.

Vendere promittēs in ludo.

Quod si venditum in alea non est, sed vendere promissum, & post ludum contractus ex composito absolutus est, quibusdam visum est, vitiosam promissionem executione probabili obductam esse: vt

y est

est text. in l. si ob turpem causam. ff. de condi. ob turp. caus. vbi idem notant Bar. & Ang. in d. l. si. §. j. ff. quar. act. non. dat. Id tamen non perpetuò verum est, sed duntaxat, cum maior ab alea prorsus & iusto intervallo dimissus exequitur, quod promiserat, argu. l. si ventri curator datus. §. peruenisse autem. in fi. ff. de privileg. credit. similia sunt, quæ exceptit Barto. in l. post contractum. ff. de donat. minorem autem semper excipimus, cum etiam extra aleam vendendi facultatem non habeat. d. §. restitutio.

Lusori oblatio pecunie an valeat.

ALIUD circa id solet dubitari, an si lusori in ludo pretium offeratur prioris emptionis, vt iuxta pactum reuendat, possit offerens liberari. Id copiosè disputat Tyraq. in fin. titu. de ret. lignag. nume. 83. cum duobus seq. Et nos quædam in id scripsimus in commenta. nostris ad consue. Burb. §. ccclxxx. ibi, congruus enim locus non erit. Angel. in d. l. si quis, cum sciret. tenet, quòd solutio pretij eo modo facta redemptorem liberat. per l. si cum dotem. §. j. ff. sol. matr. qui tex. notabilis est, ibi, quod ita verum est, si perdituræ solvatur.

Transactio in foris.

TRANSIGI inter collusores aut susceptorem nihil efficaciter potest: transactio enim fieri solet, vt à lite discedatur, quòd si nulla lis est, nec transactio. Sed si quid inter eos controuertatur, quia in re non licita contenditur, non lis erit dicenda: sed euidens calumnia, super qua transactio non valet, ob dolum & vitium causæ. Contractus enim id genus stricti iuris sunt. Hæc omnia leguntur in Lin summa. in princip. ff. de condi. indeb. eadem notantur à Canonistis in c. clerici. de vit. & honest. cleric.

Ludi expressi missor an sententur.

SVPER SVNT tantum casus, quibus præsentì pecunia

cunia lusum non est, sed aut dato expromissore, aut fide collusorum duntaxat accepta. Bal. ex d. auth. alea-
rum lusus. primum expediuit, consuluitq; expromis-
sorem non teneri: cum ex ludo actio non detur ex
prætoris edicto, vt supra diximus. quod verum erit,
siue expromissor ludi sit particeps, siue non sit: quia,
cum videatur tantū fideiubere, & ad promissionem
collusoris accedere, si promissio non valet, prout &
verum est, nec accessoria cautio. Si lex etenim contra-
ctui occurrere voluit, vt certè his lusorijs voluit. d.
auth. alearum. fideiussor quoque liberatur cò magis,
quòd per huiusmodi actionem in ipsum datam ad
reum perueniretur. hæc ratiocinatio laboleni est in l.
cum lex. ff. de fideiussor. Casus postremi veritas inde
suboritur, vt ex promissione collusor conueniri non
possit, habet enim ille de iure repetitionem perditio-
rum, ergo & exceptionem contra petentem. l. cui da-
mus. ff. de reg. iur. quæ vera essent, cum de ludo prohi-
bito agitur: sed cum simulatione temporis nullus lu-
dus admissus non est, eadem, nescio, an fide, an cor-
ruptela, pertinacius pacta lusoria præstari videmus,
vt vulgò iactatum sit, mercatorum fidem huic ce-
dere. vt dicit Par. de Put. in tracta. lusor. c. an quan-
do duo. in fin.

QVARTO, quæri solet, an offensæ lusorix punian-
tur? In id variatum est à scribentibus, qui rem, prout
euenit, ita metiuntur: vt si casu collusor, aut alius of-
fensus est, nulla offendentis deprehensa culpa, impu-
nè cedat. Exempla in promptu sunt. Si cum alij, in-
quit Vlpianus, in campo iacularentur, seruus per eum
locum transierit, Aquilia cessat, quia non debuit per

*Lusoria of-
fense ampu-
niantur.*

*Cades in lu
da.*

campum iaculatorium iter intempestiuè facere: qui tamen data opera in eum iaculatus est, vtili Aquilia tenebitur. Item si obstetrix, in fi. ff. ad leg. Aquil. Item, si quis in colluctatione, vel pācratio, vel pugiles dum inter se exercentur, alius alium occiderit, si quidem in publico certamine, cessat Aquil. quia gloriæ causa, non iniuriæ gratia videtur damnum datum. in l. qua actione. §. si quis colluctatione. illo tit. Et Aphenus, cum pila, inquit, plures luderent, quidam ex his seruulum, cum pilam recipere conaretur, impulit: seruus cecidit & crus fregit. Respondi, dominum serui agere non posse, cum casu magis, quam culpa videretur factum. in l. si ex plagis. §. si. co. tit. Et idem Vlpianus, si cum pila, inquit, quidam luderent, vehementius quis pila percussus, in tonsoris manum eam deiecerit: & sic serui, quem tonsor tondebat, gula præcisa sit adacto cultello, Proculus ait, tonsoris culpam esse. l. item Mella. in prin. co. ti. Hæc vera sunt in ludis probatis: in cæteris autem, si noxij sint, eo solo, quod noxij sunt, in culpa sunt: imo, & criminum de numero sunt. proæ. ff. forum. §. illud verò satis necessario, ibi, ludos exercere & alia crimina, diuersum erit. l. nam ludus. ff. co. tit. In alio casu, non idem fuit iudicium. Dubitandi causam iniecit Prætoris edictum in d. l. j. de al. lus. quo edicto licet impunè susceptorem cedere.

*Lusor an col
lusorem, &
susceptorem
possit offen
dere.*

Nec lusorum eo loco meminit. Quidam sentiunt, eodem iure, rem contra lusores disponendam esse, alterumq; ab altero offensum queri non posse, quia si horum odio quis infligitur, ergo & multo magis ipsi. auth. multo magis. C. de epis. & cler. Item & si susceptor potest à lusoribus liberè offendi, æquum est

iudic

iudicium idem sibi in lutores licere: ff. quod quisque iuris in al. statue. ipse eod. iur. utat. Alij contrā sentiunt, collusorum iniurias culpa inter se illatas puniri, prout offendentium animus videbitur, ne quis ex sua malitia commodum referat: idq; in argumentum ab edicto sumptum, quo si susceptor eo nomine compressus est, lutor autem omisus, ius commune succurrit. Nihil obsunt, quæ suprà de susceptore ad lutorem illata sunt, cum specialiter prætor susceptoris odium subnotauit, quo significaret, se curam agere reprimendæ improbitatis hoc genus hominum: ut iisdem verbis de caupone & stabulario dicit Vlpianus in l. & ita de facto. §. primo. vers. miratur. ff. nau. caupo. stabul. Susceptores enim malitia sua lutores alliciunt, & omnium prorsus occasionem præstant: & similia in Lenonem dicit Vlpia. in l. ex lege Iulia. §. lenocinij. ff. de adulter. huicq; pœna grauior statuta est, quàm stupratoribus ea causa, quod crimen sollicitauerit. l. mariti. §. qui quæstum. ff. illo titul. Imo & auditum est lenones quosdam concremâtos, ut suprà primo libro diximus. Collusor igitur offensus, siue à collusore suo, siue à susceptore iniuriarum actionem habet: nam cum illi in eadem sint causa, idest, criminis consortes, ferendum non erit, peruerforum & nocentium causam esse potiore, ut certè esset, si offendens libetè abeat, faciunt notata in d. l. nam & ludus. & glôf. in verbo, luserit. in c. primo. quib. mod. feud. amitt. Neque solet admitti defensio huius, qui ludi vim & motus fragrantissimos excusat: quicquid enim malum est, malè præsumitur actum. c. primo. de præsumptio.

*Susceptorum
improbitatē
notans præ-
tor.*

*Lutoris offen-
sa in colluso-
re puniunt.*

*Ludendi so-
cietas quo-
modo renun-
cietur.*

QVINTO, Notabilis casus solet contingere, In-
cunt societatem communis periculi quatuor: & cer-
tam summam singuli conferunt ludendam: lusorq;
vnus ex his eligitur. Hic sinistra alea pecunia com-
muni deperdita, declarat socijs à ludo se non abitu-
rum: suo tantum periculo posthac fortunam luso-
riam experturum. Ludum recipit sua pecunia, cum
non super sit communis. Lucratu est. An socij prio-
res, à quibus abierat, commune lucrum possint pete-
re? Distinctum est, cui facta sit renunciatio, præsenti
ne, an absenti: si præsenti & annuenti, aut aliam pecu-
niam ad commune periculum non exhibenti, quod
inde lucratus est lusor, proprium sibi est, ratione mu-
tua, quā damni partem non esset laturus prior socius,
si damnum contigisset. ea enim mutuo se tenent in
societatis lege lucrum & damnum. l. si non fuerint. §.
fin. ff. pro soc. Iniquum quippe esset societatis genus,
in quo quis lucrum, non damnum subeat. l. secundum
naturam. ff. de reg. iur. text. melior in l. si igitur. in fin.
ff. pro soc. Quod si absenti renunciatio facta sit, per-
plexior res est. Sunt qui id decident ex l. sed & so-
cius. §. si absenti. ff. illo tit. vbi, si absenti renunciata sit
societas, quoad is scierit, quod is acquisiuit, qui renun-
ciauit, in commune redigi. Detrimentum autem si
contingat, solius esse, qui renunciauit, quod quodam-
modo iniquum videtur. d. l. si igitur. Ego puto hæc
statuta esse in societate non limitata: in casu verò no-
stro fines habuit societatis, vt tandiu duraret, quandiu
pecunia specialiter collata non esset perdita: ideo ea
perdita, societas finem habuit, vt in simili descripsit
Vlp. de equis communibus ad quadrigam datis &
mortuis:

mortuis: idem & de pecunia inuicem collata ad mer-
cem emendam, quæ perijt. vt in l. si id, quod quis in so-
cietatem. in prin. & §. idem celsus. ff. illo tit.

SEXTO, Quæsitum scio, an socius vniuersalis te-
neatur socijs suis conferre, quæ ludendo abstulit? Bal.
in auth. ex testamento. C. de collatio. sentijt non tene-
ri, cum subiaceant restitutioni, tanquam malè quæsi-
ta, vt vsura, & alius turpis quæstus. cap. ab extraord. 35.
distinct. Ego puto societatem æquis legibus metiri
oportere. d. l. si non fuerint. §. si. & l. si igitur. At quod
alea perdiderit socius, ex medio non esse latum re-
spondit Pomponius in l. adeo. §. quod in alea. ff. illo
titul. igitur & a contrario sensu, si quid lucri abstule-
rit, non est in societatem collaturus. l. cum duobus. §.
fin. ff. cod. tit.

*Socius an lu-
di lucra cõ-
municez so-
cijs.*

DE IOCO.

POST LVDVM, Ioci locus incidit, cuius
ratio, vt maximè necessaria modestiam
profidenti, contēnenda non est. Iocari dici-
mur, quotiens ingenuè, & remisso animo
quid iucundum proferimus, quod neminem ledit: idq;
honestum est. Quod si illiberaliter, petulanter, & fla-
gitiosè id fiat, vile & obscœnum est, mœchariq; vide-
mur. Inofficiosum erit, in superiorem mordicus scar-
rari, quo eorum autoritas aut contempta, aut non
obseruata videatur: tum apud plebē quid dicere, quo
paupertati illudere videamur. Apud afflictos item,
quo fortunam eorum exacerbare magis quàm con-
solari: & vt falso quendam conuitiari palàm non de-
cet, ita nec vero conuitio ludere, siue corrigas, siue
scurram

*Iocus dicto
runt.*

*Iocorum vna
descriptio.*

*Superiores
quid obser-
uare debeant.*

*Claudij Cæs.
abiecta di-
ctorum &
iudicij ratio.*

scurram agas siue , vt sæpe fit , maledicas diffamandi gratia : quæ sunt particulæ , quibus hæc ioci species consistere mihi videtur. Imprimis, quemadmodum superiorum auctoritati cachinno detrahi non debet, ita & ipsorum est pro dignitate sua se gerere, neque dicto aut facto quid scurrile proferre, quo possint euilescere : & ad id Callistratus. Obseruandum est, inquit, ius reddenti: vt in aduendo se facilem præbeat, sed contemni se non patiatur. Vnde mandatis adijcitur, ne præsides prouinciarum in vltiorem familiaritatem prouinciales admittant : nam ex conuersatione contemptus dignitatis nascitur. l. obseruandum. ff. de offic. præsid. Claudius Cæsar absurdis suis iudicijs, & stolidi sua patientia satis docuit, quàm vile sit homini dignitate præcellenti in seriosis scurrari. Illum ferunt de quodam negotio ita ex tabella pronunciasse, secundum eos se sentire, qui vera proposuissent. Tum & excusanti cuidam testem è prouincia vocatum, quod mortuum diceret, Imperatorem dixisse, haberi pro excusato, quum id licuisset. Alij gratias agenti, quòd reum defendi pateretur, adiecit. Et tamen fieri solet. Tradunt insuper, adeo causidicos eius patientia solitos abuti, vt descendente è tribunali non solum voce proterua, sed & lacinia togæ retenta, & quod fuit petulantius, pede apprehenso retinerent. Vsq; eò eius summa potestas & passim & palàm cuiuit, vt Græculus quidam apud eum causas agens inter altercandum per calorem hanc vocem in illum emisit καὶ οὐ γὰρ οὐκ εἶ, καὶ μῦθος. tu senex es & stultus. idq; dixit impunè. Censura equites recognoscens iuuenem probri plenum à patre

patre excusatum sine ignominia dimisit, habere dicens censorem suum. Censoria olim seueritas maxima fuit, eiusq; extant exempla castigatissimæ disciplinæ, quæ refert Gellius lib. 4. nec Et. Attic. cap. xx. Inter hæc vnum est huiusmodi. Censor agebat de vxoribus solenne iusiurandum: quærebat enim his verbis: & tu vxorem habes ex animi tui sententia? quidam iuratus cauillator & ridicularius volēs videri ad hæc, equidem, inquit, habeo vxorem, sed non ex animi tui sententia. Locus intemptiuus erat, neque in Censorem, neque à iurato & lustrato emitti debuit, ideo mulcta illi dicta est. Gellius neque Censorem, neque scurram nominauit: quidam id Catoni Censori, & L. Portio Nasicæ recognito adscribunt. Aliud fuit, P. scipio Nasica, & Mar. Popilius, cùm equitum censum agerent, equum strigosum & malè curatum, equitem verò habitissimum & vberrium se offerentem ita interrogarunt, Cur, inquit, ita est, vt tu sis, quàm equus, curatior? quoniam, inquit, ego me curo: equum Staius meus. Visum est parum reuerens esse responsum relatusq; est scurra inter ærarios, vt mos erat. Seuerior multò vindicta fuit Dyonisij Syracusanorum Tyranni in familiarem, qui iocans dixerat, postquam Tyrannus pila lusurus gladium adolescentulo commisisset, illum vitam suam adolescentulo commisisse. quo dicto vitam iocanti adimi iussit.

Censoria seueritas.

locus intemptiuus.

locus in superiorem.

locus in tyrannum.

BONO iure plebs cachinno conteri non debet à superioribus. Ideo perspicendum erit, qua modestia illa interpelletur. Cumq; paupertate maximè commendetur, magisq; manibus quam alia re victum quæritet,

Iocus in populum.

ritet, censumq; superioribus suppeditet, nihil à potentioribus obijci debeat, quo significant se paupertatem vitio dare. Cuius rei praesentem poenam dedit Scipio Nasica. Ille enim adolescens, cum adilitatem curulem peteret, ac, ut candidati solent, manum cuiusdam opere duratam praefaret, rogavit hominem, num manibus ambularet. Hoc leui ioco rusticanae tribus commotae sunt, & eo suspicantes sibi paupertatem probro datam, effecerunt, ut repulsam ferret.

Afflicti consolationi non il ludendi.

AFFLICTI consolatione digni sunt, memoresq; nos esse oportet humanae leuitatis, quae nihil firmum ac diutius mansurum votis nostris aptum adhuc excepit. Satis enim videri debet pro hominum leuiori natura, si alienis fortunis & miserijs surdi simus: Neq; eas ioco insectari modestum est, etiam si ignoto, aut inimico contingant. Vox Neronem de fuga sollicitissimum consulentis acerba & crudelis laudata illa non est, usque adeo nemori miserum est: Deliberabat enim tam ferox bellua, quanta posset miseratione, veniam praeteritorum precari, eaq; causa in publicum prodire: ac ni flexisset animos, Aegypti praefecturam precari. Cicero ex Natio commemorat patrem condemnatum, à filio, his pressum verbis, quid ploras patere indignatum magis, & respondisse, Mirum ni cantem, cum sim damnatus. Indignum fuit afflicto ploratum obijci, nihilominus ac si quis aegrotum arguat suspirij, aut decubitus.

Conuiuium quando illiberale.

CONVITIUM, siue verum, siue falsum, etiam si iocandi gratia emissum sit, si offendat, semper illiberale est. Tyberius Caesar aduersus conuiitia licet firmus, ac patiens, iactaretq; saepius in ciuitate libera linguam

quam mentesq; liberas esse debere, tamen perseuerantes se inuicem ofurum minabatur. Negro Cæsar matrem occiderat: Aegretulit tamen à quodam Africano simulato consolationis ioco sibi dictum, Orante Cæsar Galliz tuæ, vt felicitatem tuam fortiter feras. Sunt enim plerique supramodum dicaces, vt passim & palàm non dubitent maledicere, iocari, scurrariq; petulantius sine delectu conuitij, aut personarum malintq; suæ indulgere dicacitati, quàm amicitiz parcere: quo fit, vt amicos planè perdant, cum iocum retinere non possint: quod maximè vituperans Fabius, longè, inquit, absit propositum illud, Potius amicum quàm dictum perdi.

*Dicaciū pro
teruia.*

*Castigandē
modestia.*

CASTIGATIONI & sua est modestia & ratio. Nam vt pluribus leuis coërtio deneganda non erit, vt patri in filium, patrono in libertum, magistro in discipulum, marito in vxorem, iudici in malefactorum: laudabile fuerit seuerè & grauitè coercere & animaduertere, quæ vitiosa deprehendas, quæ item parari agnoscas, aut timere possis. Leuis enim coërtio, inquit Vlpianus, etiam in nuptam, vel conuitium non impudicum cur patrono denegetur? l. non solum. §. quanquam. ff. de iniur. facit tex. in l. sed si quencunque. §. si. ff. ad l. Aquil. Vicissim indecorum erit castigationis specie palàm his maledicere. Magni ingenij est, scire sequi castigationis legem & coërtionis modestiam non prætergredi. Pericles Atheniensis aliquando belli dux creatus Chlamidem induens imperatoriam seipsum apud se prudenter admonebat, quibus legibus esset munus id gesturus: nihilq; efficiendo habuit magis præcipuum, quo se accom-

*Imperiū in
liberos præ-
cipuum.*

modaret, quàm imperium in liberos, dicebatq; eum, qui liberis sciret imperare, Græcis & Atheniensibus posse rectè imperare. Oeconomia hæc pietate mutua continetur: & quemadmodū patris officium est, liberos piè ac benè instituere, ita vicissim liberorum, obsequi, perdurare, et proficere in cœpta animi pietate: alioqui domus patrisfamilias nihil aliud erit, quā hara, & flagitiorū schola: idq; sæpius, quàm seuerum patris nomen pati debeat, agnoscimus apud plerosq; impios, insulfos, vitæq; damnatæ & dissolutæ homines. Magistratus & domini suum imperium paterna pietate, non, vt assolet, sua sola voluntate exercere debent, prudenterq; suis preesse, hos foeliciter gubernare, consilioq; pacis moderari potestatem, non tyrannidem exercere, non scuire & insanire in bonos & pios, non persequi quenquam aut afficere iniuria. Hic amplissimus datur campus inculpandi quorundam Dominorum iurisdictionalium impotentiam effrenem, & deplorandi miseram subditorum sortem. Cum etenim omnis potestas à Deo sit, riteq; omnia videantur instituta, hominum præuaricatione res eò decidit, vt nihil nisi corruptum & inuersum agnoscas. Diabolus item, D. Pauli testimonio, tumultibus & seditionibus suis omnia miscuit, turbauit, confudit, & euertit. quædam in hanc rem diximus in commentarijs nostris. §. c. j. Pro immutationis obliquæ vario & peruerso effectu dixisse satis sit populum hodie Regis benignissimi Henrici prouidentia à militari- bus iniurijs defensum. domesticæ tyrannidi & ferociæ iurisdictionali prædæ esse. Huius populi curam Deus agat, Rexq; iustissimus noster his occurrat maximè

Domini iurisdictionales quātum erret in imperio suo.

optan

optandum est. Satis enim fuerat, subditorum libertatem & fortunas in negotia regis grauiora referuare, non permittere, vt temerè sigillatim conterantur, definantq; ea vsura ad illa subcunda esse apti. Solent alioquin ad simplicem nutum principis esse paratissimi, & alacres, etiam si quid arduum & insolitum exequendum, aut pendendum sit, Iasonis Theffali dicti salis memores, qui se purgare sapientissimè solebat ijs, quibus molestiam attulisset, quòd diceret eum, qui in magnis rebus se iustitiæ cultorem haberi velit, in plerisque interdum illam violare decere: idq; sæpe contingere, vt cæteræ res saluæ sint. Parentibus, vt tandem ad rem nos referamus, & maioribus in liberos iunioresue conceditur castigatio, illaq; non solet reprehendi, si modesta sit. l. iij. C. de patr. potest. l. cum oportet. §. non autem. C. de bon. quæ liber. & l. j. C. de emendatio. seruo. Denuo paterfamiliàs domestica & leuiora delicta corrigere, punire, & animaduertere potest, idq; erit laudabile si scuitiam non immisceat. l. respiciendum. §. furta. ff. de pœnis. Ad hæc si docens leuiter discipulum castiget, officiosè facit, idq; permittit lex. sed etsi quemcumq; in fin. & l. seq. ff. ad. l. Aquil. Cæterum maritus vxorem honestè ex probabili causa emendare potest legis permissu, scuire autem in eam minimè potest. l. si quis in graui. §. si maritus. ff. ad Sillanianum.

Iasonis theffali excusatio prudentissima.

POSTREMO, si quis iracundia, diffamandi causa, Conuictiū diffamatoriū.
palàm maledixerit, impunè actum non erit. lege diuina maledicentis pœna corporalis fuit & pecuniaria. Expandit, inquit lex Deutero. c. xxj. vestimentum coram senioribus, apprehendentq; senes virum, & ver-

berabunt illum, condemnantes insuper centum siclis
 argenti, quos dabit patri puellæ, quoniam diffamauit
 virginem Israël. Hodie ignominia mulctantur, qui
 falso conuicati sunt, iubenturq; reddere iniuriam
 perpeſſo, quanti ſua intereſſe æſtimabitur. l. i. ff. de in-
 iur. Ea etenim modestia viuere debemus, vt non la-
 ceſſiti, viciffim neminem offendamus: idq; eſt ſum-
 mum iuris præceptum. §. iuris præcepta. inſtit. de iuſti.
 & iur. Diffamatio id genus duobus modis fit. Primò,
 ſi conuitemur verbo præſenti animoq; ab omni ci-
 uilitate alieno. Alioqui ſi per iocum quiduis dicatur,
 aut fiat, loco & tempore, non fit iniuria. l. illud. ff. de
 iniur. voluntas enim maleficium determinat. l. qui in-
 iuriæ. ff. de furt. Altero, ſcriptis famoſis, quæ grauius
 offendunt, hærentq; diutius, quàm verba, ideoq; ma-
 gis prohibentur. l. non ſolum. §. ſi quis in libello. ff. de
 iniur. & C. de famoſ. lib. Flauius Domitianus ſcripta
 famoſa, vulgoq; edita, quibus primores viri, ac fœmi-
 næ notabantur, aboleuit: non ſine autorum ignomi-
 nia, quòd videret rem eſſe peſſimi & incom-
 modi exempli. Quibus modis iudicia id
 genus, tractentur, admittantur, ex-
 tinguantur, iudicenturq; latè
 ſcripſimus ad cōſuetud.
 Burb. §. xv. quæ hic
 prætermitti-
 mus.

FINIS



1 - 22 - 21



6-2-1



Wien **Wien**
di M. Sillitti
Latina - (B. Piazzi)

1969

